

# ବିଶ୍ୱମାନବଧର୍ମ ।

ସତ୍ୟଂ କୌର୍ତ୍ତନଂ ଦମଦାନଂ ଦୟାମୃଦ୍ଧର୍ମ । ବୀର୍ଯ୍ୟ ଧାରଣମ୍ ବ୍ରଙ୍ଗଚର୍ଯ୍ୟମ୍ ।  
ବିଶ୍ୱମାନବ ଭାଇ ଭଗିନୀଗଳ ଯିନି ସେଇ ସମାଜେ ଆହେନ ମେହେ ସମାଜେ  
ଥାକିଯାଇ ସଦାଚାର ଧର୍ମ ଓ ବ୍ରଙ୍ଗଚର୍ଯ୍ୟ ପାଲନ ଓ ସଦାଚାର ଦୀକ୍ଷା ଗ୍ରହଣ କରୁଣ୍ ।

ବିଷବ୍ର—ଅଲସତା ମଲାଦଲି ମୋଧ,  
•ବିଷବ୍ର—ବିଲାସିତା କ୍ରାଜହେ ସ୍ଵବୋଧ ।  
ଶ୍ରେୟ ତବ—ବିଶ୍ୱଦୀକ୍ଷା ସଦାଚାର ପ୍ରଗ,  
ଶ୍ରେୟ ତବ—ବ୍ରଙ୍ଗଚର୍ଯ୍ୟ କର୍ତ୍ତବ୍ୟ ପାଲନ ।

ବିଶ୍ୱମାନବଧର୍ମାଶ୍ରମ • ହଇତେ—ଆରାମବୁଦ୍ଧଦେବ ସମ୍ପାଦିତ ।  
ଅଫିସ—୧୨୧୨୩ ଚାଉଲପଟ୍ଟି—ବେଲିଯାସାଟୀ—କଲିକାତା ।  
ଆଙ୍କଳ—ଚରକାଠୀ—ପୋଃ—ବାଲକାନ୍ଦ୍ରୀ—ଜେଲୀ—ବରିଶାଲ ।

বিজ্ঞাপন।

বিশ্বমানবধর্ম।

বিশ্বমানবধর্ম ত্রৈমাসিক রূপে প্রকাশিত হইতেছে। ইহাতে সর্বধর্ম সমন্বয় এবং সর্বসমাজের অনাচার ও কুমংকার রহিত পূর্বক সদাচার দ্বারা বিশ্বমানব মণ্ডলী—পূর্ণ গৌরবে মানবধর্ম ও মানব জাতিতে উন্নীত হওয়া—তদর্থে বিশ্বমানবের ধর্ম, সমাজ, রাজনীতি, একতা, অঙ্গসা, ব্রহ্মচর্য, সদাহার সদাচার, পৌরাণিক ও বর্ণমান ইতিহাস, স্বাস্থ্য ও অর্থনীতি বিষয়ক স্বচিহ্নিত প্রবন্ধ সমূহ প্রকাশিত হইবে। লেখক লেখিকা বন্ধুগণ অনুগ্রহ পূর্বক উদ্দেশ্য অনুরূপ প্রবন্ধ পাঠাইবেন।

এই পত্রিকার উদ্দেশ্য বিষয়েট ১৩২৮ সালে বিশ্বসংহিতা এবং ১৩৩১ সালে বিশ্বধর্ম স্বরাজ নামে মাসিক পত্রিকা প্রকাশিত হইয়াছিল। গ্রাহক বন্ধুগণের আনুভূত হইলে, ইহা বর্দিত আকারে প্রতিমাসে প্রকাশিত হইবে। আপাততঃ ইহা ত্রৈমাসিক রূপে প্রকাশিত হওয়ার মানসে বার্ষিক দান একটাকা ও প্রতিসংখ্যা চারি আনা ধার্য করা হইল।

পত্রিকা সম্পাদক ও সম্পাদিকা বন্ধুগণ—ইহার স্মালোচনা করিয়া ও বিনিময় পত্রিকা পাঠাইয়া চিরানুগৃহীত করিবেন।

প্রবন্ধ, মনি অর্ডার ও পত্রিকাদি সম্পাদক—শ্রীরামবুক দেব নামে  
১২১২৩ চাউলপট্টি—কলিয়াঘাটা—কলিকাতা ঠিকানায় পাঠাইবেন।

# বিশ্ব মানব একীকরণ

Estd: 1819  
১০১

১৯৪৮ H.K.-HUKRAH.

## বিশ্বমানব সদাচার ধর্মবিধি।

(সদাচার বিধির ৩৫ ধারা) (ক) পরমপিতা পরমেশ্বরের গুণাত্মকীর্তন (নামগান ও অর্থের সহিত গায়ত্রীপাঠ করা) এবং সাক্ষাৎ পঞ্চদেবতা যথা—(১) প্রিয়জন (পিতা, মাতা, পুত্র, কন্তা, ভাই, ভগিনী, স্বামী বা স্ত্রী, পিতৃকুল, মাতৃকুল, শঙ্কুরকুল, প্রতিবাসী ও হিতাচারীগণ প্রভৃতি) (২) বিদ্যাদাতা (সদাচারনাতি ও জীবিকাশিক্ষাদাতা) (৩) শরণাগত আর্ত (৪) অতিথি (৫) ধার্মিকরাজা বা দেশনায়ককে কায়মনোবাকে ও ধনের দ্বারা সেবা করা মানবমাত্রেই অবশ্য কর্তব্য।

(খ) শ্রীশ্রীভগবানে প্রীতি, ভক্তি, কৃতজ্ঞতা ও আত্মিক উন্নতির জন্য প্রত্যাহ প্রাতে ও সন্ধ্যায় অর্থের সহিত গায়ত্রী মন্ত্র \* পাঠ করিবে! হিন্দু সমাজ প্রচলিত নামগান ও পূজাপাঠ কর্তব্য। তদ্বাতীত প্রসিদ্ধতম গায়ত্রী উপাসনার রূপক বা রূপাস্ত্র এবং দলাদলির কি লোকভুলানো বা দলগঠনের উপায় স্বরূপ হোম, যজ্ঞ, নমাজাদি উপাসনাঅন্বয়ক।

\* গায়ত্রী মন্ত্রোপাসনা যথা—“ওম্ ভূভূর্বঃস্তঃ তঃ সবিতুর্বেণ্য স্তুর্গে  
দেবশ্রু ধীঘহি, ধিঘোর প্রচোদয়াৎ।” সর্ববেদের সারতত্ত্ব সর্বোত্তম এই  
গায়ত্রী মন্ত্রের সংক্ষিপ্ত অর্থ এই। অ উ ম এই তিনি অঙ্গের মিলিত  
হইয়া ওম্ পদ সিদ্ধ হয়। পরোমেশ্বরের অসংখ্য নাম মধ্যে এই ওক্তার  
বা প্রণব সর্বশ্রেষ্ঠ ও প্রসিদ্ধতম নাম। অ অর্থে (বিরাট) যিনি  
বিবিধ জগতের প্রকাশকর্তা ও স্কলের আত্মারূপে ঈশ্বর, আবার অ  
অর্থে (অগ্নি) যিনি সর্বত্র গমনশীল, পূজনীয় ও বেদাদি শাস্ত্রে বিদ্বানগণ  
কর্তৃক সংকৃত ও জ্ঞান স্বরূপ, পুনঃ অর্থে (বিশ্ব) যিনি আকাশে  
ও প্রকৃত্যাদি সমস্ত পদার্থে ও তপ্তোত্তরূপে প্রবিষ্ট আছেন এবং স্বিধি  
ঈশ্বর। উ অর্থে (হিরণ্যগত) যাহার গর্ভে বা আধারে জ্যোতিশ্চান  
সূর্য্যাদি লোকসকল অবস্থান করিতেছে ও যিনি প্রকাশযুক্ত সূর্য্যাদি  
লোকের উৎপাদক এবং স্তুত ঈশ্বর, আবার উ অর্থে (বায়ু) অনন্ত  
বলযুক্ত ও সমস্ত জগতের ধারণকর্তা সর্ববিদ পরমেশ্বর, পুনঃ উ অর্থে  
(তৈজস) যিনি স্বয়ং প্রকাশ স্বরূপ ও সূর্য্যাদিরও প্রকাশক ঈশ্বর।

( গ ) সর্বশক্তিমান ঈশ্বর ব্যতীত অন্ত কেহ গুরু নয়, শিক্ষকমাত্র অনন্তজ্ঞপী ( অনন্তআত্মা জূপী ) ভগবান অর্থাৎ প্রত্যেক জীবে, বস্তুতে

ম অর্থে ( ঈশ্বর ) যিনি সর্বশক্তিমান গ্রাহকারী ও সর্বশর্ষ্যজ্ঞপী পরমাত্মা, আবার ম অর্থে ( আদিত্য ) যিনি সদা একরস ও অবিনশ্বর, পুনঃ ম অর্থে ( প্রাজ্ঞ ) যিনি সর্বজ্ঞ ও সর্ব জগদবেত্তা ঈশ্বর ।

এক্ষণে মহাব্যাহৃতির অর্থ যথা—“ভূরিতি বৈ প্রাণঃ ভূবরিতা পানঃ স্মরিতি ব্যানঃ” ইতি তৈত্তিঃ। ভূ শব্দে প্রাণ বুঝায় অর্থাৎ সমস্তজীবের প্রাণ বা জীবনদাতা এবং প্রাণাপেক্ষাও প্রিয়তম ঈশ্বর ভূপদ বাচ্য। ভূ শব্দে অপান বুঝায় অর্থাৎ যে পরমাত্মা মুমুক্ষু মুক্ত ও স্বসেবক মহ্মাত্মাদিগের দ্রঃখ অপনয়ন বা নাশ করেন এবং সকলের সুখদাতা ও দয়ালু, সেই ঈশ্বর ভূপদ বাচ্য। স্ব শব্দে সুখ স্বরূপ ও ব্যান বুঝায় অর্থাৎ বে সুখ স্বরূপ পরমাত্মা ব্রহ্মাণ্ড ব্যপ্ত হইয়া প্রাণাদি সর্ব জগৎকে চেষ্টাযুক্ত করিতেছেন, সেই সর্বাধার ব্রহ্ম স্ব শব্দের জ্ঞেয় ।

( সবিত্তঃ ) সর্ব জগদুৎপাদক সর্বপিতা সর্বেশ্বর পরমাত্মা ( বরেণ্যঃ ) সর্বোত্তম । ( ভর্গঃ ) নিরূপদ্রব নিষ্পাপ নিষ্ঠুরণ ও শুক্র পরমার্থ বিজ্ঞান ও চেতন স্বরূপ ( দেবস্তু ) সকলের ভজনীয় ও সর্বানন্দ প্রদ সর্ব প্রকাশক ঈশ্বরের ( বয়ঃ ) আমরা ( ধীমহি ) নিত্য ধারণ, চিন্তন, ধ্যান ও উপাসনা করি ( প্রশ্ন ) কেন কিজন্ত তাহার উপাসনা করি বা করিব ? ( উত্তর ) তিনি আমাদের বিজ্ঞানময় কোষে বিজ্ঞাপিত করিয়া আমাদের চেষ্টা, পরিশ্রম ও অধ্যবসায় দ্বারা আমাদিগকে পুষ্ট, দৃঢ় সুখী করিবেন বলিয়া । এবং ( ষঃ ) যিনি ( নঃ ) আমাদের ( ধীয়ঃ ) ধারণবতী বুদ্ধি ( প্রচেদয়াৎ ) প্রেরণ করেন, তাহার প্রতি সদা ভক্তিমান ও কৃতজ্ঞ থাকিব ।

প্রতিদিন প্রাতঃ ও স্বায়ঃ এই দুই সম্ভিকালে এই গাযত্রী মন্ত্র অর্থের সঙ্গে উচ্চারণক্রমে অধ্যয়ন ও অধ্যাপনা করিবে । এই গাযত্রী মন্ত্র সর্বশক্তিমান ভগবানের অনন্তশক্তি প্রকাশক, তৎপ্রতি ভক্তিমান ও কৃৎ কৃত খাকাব এবং তাহার বিজ্ঞানাদি বলে সুখী হওয়ার সর্বোত্তম, উপায় স্বরূপ । স্বতরাং নর নারী মাত্রেবত অনন্ত সাধন উপাসনা অনাদিকাল হই । প্রবর্তিত প্রসিদ্ধতম গাযত্রী মন্ত্রোপাসনা ।

## বিশ্বমানব সদাচার দীক্ষাবিধি ।

দেবে, মানবে, দেশ প্রদেশ, গ্রাম, নগরাদিতে জাতি, সমাজ, রাজশক্তি প্রজাশক্তিতে জগতে সৌরজগতে আত্মাকূপী ভগবান বিরাজিত এবং সর্বোপরি অনন্তশক্তিবিশিষ্ট বা সর্বশক্তিমান ভগবান অধিষ্ঠিত । বিশ্বাস, ভক্তি ও উদ্দেশ্য অনুসারে সাধনা করিবে ।

( ঘ ) একধর্ম-মানবধর্ম অর্থাৎ মানুষের প্রতি মানুষের স্বেচ্ছ, ভক্তি, অহিংসা ও কর্তব্য পালন । একজাতি—মানবজাতি । এক বিবাহ—নর-নারীর পরিণত বয়সে একমাত্র অচেন্দ্য বিবাহ । সদ্ব্রত্তি, সদাচার ও সদাচার অবলম্বনে ব্রহ্মচর্য পালন করিবে এবং দেবোপাধি বিশিষ্ট হইবে ।

( ঙ ) মন্ত্রপান, বিলাসিতা, বাতিচার, যুদ্ধ-ফাঁসি বা নরহত্যা এবং গো মহিষ হত্যা করা ও তদ্ব মাসাহার নিষিদ্ধ ।

( চ ) যাহা কিছু সত্তা, পবিত্র, শান্তি ও স্বাস্থ্যপ্রদ তাহাই গ্রহণ করিবে । তদ্বিপরীত ভাবের কুঅভ্যাস কুসংস্কারাদি বর্জন করিবে ।

( ছ ) নরনারী মাত্রেই স্ব সমাজে থাকিয়া বিশ্বমানব সদাচার দীক্ষা গ্রহণ ও সদাচারধর্ম পালন করিবে । তদন্তথায় সদাচার নিধির ১৪।১৫ ধারা মতে দণ্ডনীয় হইবে ।

## বিশ্বমানব সদাচার দীক্ষাবিধি ।

( সদাচার বিধির ৩৬ ধারা ) আমি পরমপিতা পরমেশ্বরের উদ্দেশ্যে—প্রতিজ্ঞা করিতেছি যে,—আমি কায়মনোবাকে বিশ্বমানব সদাচার ধর্মবিধি সমূহ পালন করিব । তদ্ব্যুতিস্বরূপ—দেবোপাধি ও প্রসিদ্ধতম গায়ত্রী মন্ত্র গ্রহণ করিলাম ।

### মন্তব্য

( ১ ) বিশ্বমানব ভাই ভগিনী প্রত্যেকে স্ব সমাজে থাকিয়া বিশ্বমানব সদাচার দীক্ষা গ্রহণ করিবেন । দ্বাদশবর্ষ বয়ক্রম হইতেই ও তদূর্ক বয়সের ভাই ভগিনীরা অগোণে সদাচার দীক্ষা গ্রহণ করিবেন ।

( ২ ) মানব মাত্রেই দেবসন্তান ও মানব মাত্রেই ধর্মাকাঙ্ক্ষা বিরাজিত এবং প্রত্যেকেই অন্নাধিকরণে সদাচার বা দেবতা ও অনাচার বা অমূরত বিশ্বমান । স্বতরাং অনাদি কালের ভূলবশতঃ দেব দৈত্যাদি

বিভাগ ও তৎপরে অনন্ত জাতি—অনন্ত ধর্ম ভেদের ভুল সংধোনার্থে,—সদাচার বা দেবতা লাভের জন্য, অনাচার বা অন্তরভুক্ত বিনাশের নিমিত্ত পুরুষেরা দেবোপাধি ও স্তুলোকেরা দেবী উপাধি গ্রহণ করিবেন। প্রথম উচ্চমেই সম্প্রদায় বা বংশোপাধি পরিত্যাগ করিতে না পারিলে, ব্রাহ্মণেরা—শর্মাদেব, মুখাজিদেব, ব্যানাজিদেব ; ক্ষত্রিয়েরা—বর্ষাদেব, সিংহদেব ; কায়স্ত, বৈষ্ণ, বৈশু, শৃঙ্গেরা—ঘোষদেব, সেনদেব, দাসদেব, সাহাদেব, নমদেব ; মুসলমানেরা—মহম্মদদেব বা কাজিদেব, সেখদেব, সৈয়দদেব ; খণ্ঠানেরা—জর্জদেব, গিণ্টোদেব, যিশুদেব ইত্যাদি-ক্রপে দেবোপাধি গ্রহণ করিবেন। ব্রাহ্মণ ও ক্ষত্রিয় স্তুলোকেরা দেবী উপাধিই গ্রহণ করেন ; কায়স্ত, বৈষ্ণ, বৈশু, শৃঙ্গ স্তুলোকেরা—ঘোষদেবী, দাসদেবী ; মুসলমান স্তুলোকেরা—আয়েষা দেবী, মুরজাহান দেবী ; খণ্ঠিয়ান স্তুলোকেরা—এনৌদেবী, মেরী দেবী প্রভৃতি ক্রপে দেবী উপাধি গ্রহণ করিবেন। এই ক্রপে নামোপাধির সাম্যতায় ও সদাচার দীক্ষাই কয়েক পুরুষ পরেই—দলাদলি ও বৈষম্যভাব বিদূরিত হইয়া—বিশ্বমানব সমাজ পূর্ণ গৌরবে মানবজাতিতে ও মানব ধর্মে উন্নীত হইবে।

( ৩ ) প্রত্যেক থানা কেন্দ্র হইতেই—বিশ্বমানব সদাচার ধর্ম ও ব্রহ্মচর্য প্রচার এবং সদাচার দীক্ষা প্রদত্ত হইবে। স্ফুতরাং প্রচারক আত্মগণ বিশেষতঃ কংগ্রেস কমুর্গণ—কেহই আর কালবিলম্ব না করিয়া—কেহই আর দীর্ঘমুক্তী না থাকিয়া—অবিলম্বে প্রত্যেক থানা কেন্দ্র হইতে বিশ্বমানব সদাচার ধর্ম ও ব্রহ্মচর্য প্রচার এবং সদাচার দীক্ষা প্রদান করুন।

( ৪ ) প্রত্যেক দেশীয় পার্লিয়ামেন্ট বা কাউন্সিল অগোণে সদাচারবিধি পাঞ্জুলিপি অনুমোদনক্রমে অথবা পালিয়া মেণ্ট বা কাউন্সিলের অধিকাংশ মেন্টেরের মতানুসারে—সদাচার বিধি পাঞ্জুলিপি সংশোধনক্রমে, সংশোধিত সদাচার বিধি আইন রাজকীয় গেজেটে বিজ্ঞাপিত করিলে সেই সেই দেশের প্রত্যেক সমাজের প্রত্যেক নরনারীই সদাচার দীক্ষা গ্রহণ করিবেন। তৎপূর্বেও যে কোন দেশের যে কোন সমাজের লোকেরা স্বতঃ প্রবৃত্ত হইয়া—বিশেষতঃ হিন্দু ও বৌদ্ধেরা অগোণে এই সদাচার দীক্ষা গ্রহণ করিবেন। ( সদাচারবিধি—পাঞ্জুলিপি ২য় সংখ্যায় প্রকাশিত হইবে। ) সর্বাগ্রে ব্রহ্মচর্য পালনই অত্যাৰণ্তকীয় বিধায়,—ব্রহ্মচর্যের

আবশ্যকতা ও শিক্ষা প্রণালী এবং নিরামিষ গ্রহণের উপায় বিষয়ে  
ব্রহ্মচর্য শির্ষকে কথিত হইতেছে।

### ব্রহ্মচর্য ।

ব্রহ্মচর্য বিষয় স্বামী নিগমানন্দের ব্রহ্মচর্য পুস্তকের সারতত্ত্ব “বীর্যধারণম্ ব্রাহ্মচর্যম্”—বীর্যধারণ করা বা শুক্রক্ষয় নাকরাৰ নাম  
ব্রহ্মচর্য। পুরাণদিৰ মতে শ্রীশ্রীভগবান বা বিৱাট পুৱন্ধ “ক্ষিত্যপ  
তেজঃ মুক্ত বোম” ভূমি জল, অগ্নি, বায়ু ও আকাশ এই পঞ্চভূত বা  
পঞ্চপ্রকৃতি স্থষ্টিৰ সহিত পুৰুষ ও প্রকৃতি বা আদম ও ঈবা নামী দুটী  
মন্ত্রান স্মজন কৱেন, তাহারা ব্রহ্মা, বিষ্ণু শিব ত্রিদেবতা ও কালী,  
দুর্গা, রাধা, লক্ষ্মী, সরস্বতী এই পঞ্চ দেবীৰ স্থষ্টি কৱিয়া তাহাদেৱ প্রতি  
স্মজন ভাৱ অৰ্পণ কৱেন। ঐ তিনজন দেবতা ও পাঁচজন দেবী ব্রহ্মচর্য  
পালনে অমুৰত লাভ কৱিয়াছিলেন। এবং অনেকেৰ বিশ্বাস ঐ ত্রিদেবতা  
ও পঞ্চদেবী বৰ্তমানে—ও জীবিত আছেন ও তাহাদেৱ পৃজ্ঞাদিতে প্রসন্ন  
হইয়া মানবেৱেৰ বাঞ্ছিত ফল প্ৰদান কৱেন। তদ্ব্যতীতি ঐ দেবদেবী  
পৃজ্ঞার বা তাহাদেৱ চৱিতাবলী পাঠেৰ প্ৰকৃত অৰ্থ—ঐ দেবদেবীৰ চৱিত  
অবলম্বনে চিৱকৌমার্য ও ব্রহ্মচর্য পালনে—মানবেৱ দৈহিকবল স্ফুতি,  
মেধা, বুদ্ধি ও অমুৰত লাভেৰ চেষ্টা জাগৃত রাখা।

বিশুদ্ধ বায়ু, নিৰ্মল জল ও পুষ্টিকৰ খাদ্যাদি স্বাস্থ্য বা জীবনী শক্তি  
বৃক্ষার সাহায্য কৱে, কিন্তু সকলেৰ চেয়ে বেশী দৱকাৰী ব্রহ্মচর্য পালন  
কৱা। যেহেতু—খাদ্যাদিৰ সাব সংগ্ৰহ কৱিয়া আমৱা যে শক্তি ( শুক্র )  
সঞ্চয় কৱি তাহা ব্যয় অৰ্থাৎ শুক্রক্ষয় কৱিলে কিৱিপে আমৱা জীবনী  
শক্তি—দৈহিকবল, স্ফুতি, মেধা, বুদ্ধিৰুতি, পৱন্ধায়ু প্ৰভৃতি বৰ্কিত কৱিব ?  
সেই অমুৰত সেই লক্ষ্যৰ আয়ু হইতে পুৰুষাগুৰুমিক ব্রহ্মচর্য পালনেৰ  
অবহেলায় বৰ্তমানে আমাদেৱ গড়ে আয়ু তেটেশ বৎসৱে পৱিণ্ডিকুপ যে  
শোচনীয় অবস্থায় নিপুত্তিত হইয়ছি, তাহাতে পুৰুষাগুৰুমিক ব্রহ্মচর্যেৰ  
ক্রমোৱতি ব্যতীত সুনঃ উন্নতি লাভেৰ অন্ত কোনই উপায়ান্তৰ নাই।  
তজ্জন্ত ব্রহ্মচর্য অষ্টকৰ আহার্যাদি পৱিত্যাগ কৱা, এবং শুক্রক্ষয় না  
হওয়াৰ উপায় অবলম্বন কৱা সৰ্বাগ্ৰে প্ৰয়োজনীয়।

“রসাদ্রকং ততো মাংসং মাংসামেদঃ প্রজায়তে ।  
 মেদসোহস্তি ততো মজ্জা মজ্জাযং শুক্র সন্তুবঃ ॥  
 শুক্রং সৌমং সিতং স্নিগ্ধাং বলপুষ্টি করং স্মৃতম্ ।  
 গর্ভবীজাং বপুঃ সারো জীবস্ত্বাশ্রযঃ উত্তমঃ ॥  
 ওজস্ত তেজো ধাতুনাং শুক্রস্তানাং পরম স্মৃতম্ ।  
 হৃদয়স্থমপি ব্যাপি দেহস্থিতি নিবন্ধনম্ ॥ (শুক্রতঃ)

আমাদের ভূক্তদ্বয়ের সারভাগ রসকুপে পরিণত হয়, রস হইতে রক্ত, রক্ত হইতে মাংস, মাংস হইতে মেদ, মেদ হইতে অস্তি, অস্তি হইতে মজ্জা ও মজ্জা হইতে শুক্রের উৎপত্তি। শুক্র সৌম্য, শ্঵েতবর্ণ স্নিগ্ধ, বলপুষ্টিদায়ক ও গর্ভের বীজ, শরীরের সার এবং জীবনের সর্বপ্রধান সত্ত্বায় স্বরূপ—তেজোময় ওজোধাতুরূপে হৃদয়াধাৰে অবস্থিতথাকিয়া, তদিয় তেজোময় শক্তি সর্বশরীরে বিকৌরণ ক্রমে সর্বাবয়ব রক্ষা কৱিতেছে ও কাস্তি, পুষ্টি, স্মৃতি, বুদ্ধি, আয়ু, শক্তি প্রভৃতি জন্মাইতেছে। স্মৃতরাং এ হেন জীবনাধার শুক্রক্ষয় হইলে,—দৈহিকবল, কাস্তি, পুষ্টি, স্মৃতি, বুদ্ধি, ধারণা শক্তি, আয়ু প্রভৃতি নষ্ট হইয়া যাব এবং দেহ কাসি, ঘৃঙ্খা মেহ, শক্তিরাহিত্য প্রভৃতি দূরারোগ্য রোগক্রান্ত হইয়া জরাজীর্ণ ও অকর্মণ্য হয়। তাহাদের উৎপাদিত সন্তান সন্ততি ক্রমে আরও হীনশক্তি হইয়া জন্মগ্রহণ কৱে ও বিবিধ দূরারোগ্য কঠিন রোগে আক্রান্ত হইয়া হীনবীৰ্য্য ও অল্পায়ু হয়। এইরূপে সেই আদি দেবতা ব্রহ্মার পুত্র মরীচি, অত্রি, অঙ্গিরাদি ঋষিগণ হইতে প্রায় দুইশত কোটি বৎসর ধাবত—পুরুষাগু-ক্রমিক ব্রহ্মচর্য ভৃষ্টতায় ক্রমশঃ হীনবীৰ্য্য ব্যাধিগ্রস্ত ও অল্পায়ু হইয়া সেই আদি শৃষ্টি বা সত্যযুগের লক্ষবর্ষ পরমায়ু স্থলে, বর্তমানে গড়ে আয়ু তেইশ বৎসরে পরিণত হইয়াছে!—স্বস্তি সবল স্ববিলুল একবিংশতি হস্ত মানবদেহ—বর্তমান আকার, স্মৃতি, বল তেজোহীন ও জরা ব্যাধিৰ আকর হইয়াছে! বুদ্ধিমান মানবজাতিৰ ঈদৃশ ক্রমাবন্তি অধঃপতনে, ব্রহ্মচর্য ভৃষ্টজানিত কুকৰ্ম্মেৰ ফল ব্যতীত—অদৃষ্টকে ধিক্কার দেওয়াৰ বা কালেৰ গতি বলাৰ কোনই হেতু নাই। অতএব বিশ্বমানব ভাই ভাগিনীগণ! ধ্বংস প্রায় মানবজাতিৰ রক্ষা পাওয়াৰ ও পুনৰুদ্ধাৰ বা ক্রমোন্নতিৰ উপায় স্বরূপ—সদাচাৰ বিশ্বদীক্ষা গ্রহণ পূৰ্বক সদাহাৰ ও অহিংসা অবলম্বনে ব্রহ্মচর্য পালন কৰুন।

প্রাচীন চতুরাশ্রম—চিরকৌমার্য, সন্ন্যাস, গার্হস্থ্য ও বানপ্রস্থ। চতুরাশ্রমেই ব্রহ্মচর্য পালনের নিয়ম প্রণালী ছিল। স্তুতির মতে—  
নারীর প্রথম ঋতুমতি হওয়ার তিনি বৎসর পর গার্ডসংস্কার উচিত,  
তৎপূর্বে সহবাস নিষিদ্ধ এবং পুরুষের পঁচিশ বৎসরের পূর্বে ও নারীর  
যোল বৎসরের কমে গর্তসঞ্চার হইলে গর্ত কুক্ষিগত অর্থাৎ গর্তস্বাব হয়  
বা সন্তান বিকৃতি প্রাপ্ত হয়। ইহা এখন অবিরতই হইতেছে,—অসংখ্য  
গর্তস্বাব ও মৃত প্রসব হইতেছে; তদ্ভিন্ন মুর্তিধরা, কাণা, খোড়া, অঙ্গ,  
পঞ্জ, বোবা, বধির, চিররোগা, বুদ্ধিহীন, বিকৃত মতিঙ্ক সংখ্যাতীত।  
ইহা সর্বদা দর্শন করিয়াও কি অদৃষ্ট বলিয়া বা লজ্জাক্ষণ মনে করিয়া  
প্রতিকার বিমুখ হওয়া উচিত? না, কথনও বিমুখ থাকিবেন না, ইহার  
প্রতিকারার্থে সদাচার দীক্ষা গ্রহণ পূর্বক ব্রহ্মচর্য পালন করুন।

## সঙ্গীত।

( মতিরায়ের বাত্রার—“দাদা যাও যাও দিয়ে যাও”—গানের স্বর। )

ও মেই চতুরাশ্রম, সদা ব্রহ্মচর্যম্, বীর্যধারণম্ ব্রহ্মচর্য নাম।

১। ব্রহ্মচর্য নয়ের আশ্রম, চির কৌমার্য প্রথমাশ্রম, সদা ব্রহ্মচর্য  
হেতু ব্রহ্মচর্যনাম,—ও তার পরিনাম—চিরকৌমার্যে আর্যাখ্যায়ির পরিণাম,  
ও তার পরিণাম সন্ন্যাস।

তৃতীয় গার্হস্থ্যাশ্রম,—পুত্রর্থে ক্রিয়তে ভার্যা, নইলে পাপাশ্রম,  
ও ভাই গর্তদান ভিন্ন সহবাস নিষেধ,—

ও ভাই গার্হস্থ্যাশ্রমের বানপ্রস্থ শেষ, ব্রহ্মচর্য বিনে নাইরে আশ্রম।

২। ঘূরকের বয়স পঞ্চবিংশ, ঘূরতীর অষ্টাদশ,—তৎপূর্বেতে বীর্য-  
ত্যাগে অধর্ম অশেষ,—হয়ের ষষ্ঠা, কাসি, দৌর্বল্য, অল্লায় দেহে নানা  
রোগোদয় ;—

ও ভাই পুত্রর্থে ক্রিয়া বিনে তাই—

ও ভাই পুত্রর্থ ব্যতীত বীর্যত্যাগ ক'রনা, বীর্যহীন নর মহাপাপী  
নাম।

৩। ভাই রামবুদ্ধ কয় ব্রহ্মচর্যে, নিরামিষ বিধি ;—আমিষেতে বীর্য-  
আলন সেহেতু অবিধি—ব্রহ্মচর্য ফলে, দীর্ঘায় আর ইচ্ছামৃত্য অমরত্ব

## বিশ্ব মানব ধর্ম ।

লাভে ;—দেখ ভীম, প্রোগ, শুক্রচার্য,—তারা ব্রহ্মচর্য ফলে, যে গুণের গুণী, ব্রহ্মচর্যে পাবে সেই গুণধার্ম ।

শুক্রই দেহের সার—জীবনী শক্তি বা আত্মা । শুক্রধারণে—সুস্থান্তা ও দীর্ঘায় লাভ এবং শুক্রক্ষয় জন্মত—ব্যাধি, জরা, অকাল মৃত্যু বা অল্পায় তয় জানিয়া ব্রহ্মচর্য পালন কর ।

মৌল সত্ত্ব বৎসর বর্ষস হইতে প্রৌতি পর্যান্ত বহুলোকের ব্রহ্মচর্য অষ্টতা জনিত দুঃখ কাহিনী শ্রবণে ও দর্শনে হৃদয় বিদীর্ণ হয় ! দেশের উন্নতিকামী সমাজ সংস্কারক নেতাগণ, প্রচারক বক্তাগণ, শিক্ষকগণ পারিদারিক নেতৃবর্গ—দেশের ভাবীভৱস্থল যুবক যুবতীদিগের অনুশোচনার বিষয় চিন্তা করুন । বহুলোকেট বলিতেছে ব্রহ্মচর্যের প্রতি অস্তরাঙ্গ আছে বটে, কিন্তু দুঃখের বিষয় সময় মত এ বিষয়ে জানিতে পারি নাই, ব্রহ্মচর্যের উপকারীতা বিষয়ে বুঝিতে পারি নাই । এখন সব বুঝিতে পরিতেছি, কিন্তু বুঝিলে কি হইবে ? যে সর্বনাশ হইবার তাহা হইয়াছে ! বীর্য ধারণ করিব কি, বিবিধরূপ অত্যাচার অনাচারে বীর্যক্ষয় করিয়া, শক্তিশীল জরাজীর্ণ হইয়াছি । যদি পূর্বে কেহ ব্রহ্মচর্যের উপকারীতা বিষয়ে বুঝাইয়া দিয়া ব্রহ্মচর্য শিক্ষা দিত, তবে বাঁচিতাম, এ সর্বনাশ হইত না ।” ইহাদিগকেও উপদেশ দেওয়া যাইতেছে যে গত বিষয়ের অনুশোচনা না করিয়া, আজ হইতেই ব্রহ্মচর্য পালন কর,—অর্থাৎ বীর্যধারণের জন্ম,—শুক্রক্ষয় না হওয়ার জন্ম যত্নবান হও । আজকার দিন অবহেলায় যাক, আগামী কল্য হইতে ব্রহ্মচর্য পালন করিব বলিয়া দীর্ঘস্থূলী হইও না । নিরাশ হইও না—দৃষ্টান্ত স্বরূপ দেখ, বিগত যৌবনে বা সন্তানাদি প্রসবাত্ত্বে বিধবা হইয়া—যাহারা যতীত্বাতী বা ব্রহ্মচর্য অবলম্বন করেন, তাহারাও ব্রহ্মচর্য প্রভাবে—কথফিং নীরোগী, হষ্টপুষ্ট, মৌন্দৰ্যা বিভূষিত ও দীর্ঘজীবি হয়েন, তোমরাও তদ্রূপ ফল লাভের অধিকারী হইবে । ব্রহ্মচর্য পালনে ও সন্তানাদিকে, পরিজন বর্গকে ব্রহ্মচর্য শিক্ষাদানে মনোবোগী হও । ব্রহ্মচর্য শিক্ষার হাওরা বা টেউ উঠেছে, তোমরা পশ্চাদ্পদ থাকিও না, তোমরাই অগ্রবঙ্গী হইয়া—সুস্থ, সুবল, দীর্ঘজীবি হইয়া আপনাপন ও পরিজন বর্গের কল্যাণ সাধন কর ।

যে সকল বালক ও যুবক উপদিষ্ট হইয়া—ব্রহ্মচর্যের উপকারীতা বুঝিয়াছে, তাহারাও অভিভাবকের তাড়না অত্যচ্যাবে ব্রহ্মচর্য ব্রত

পালন করিতে পারিতেছে না।—কোন কোন পিতা মাতার ধারণা পুত্র অংশ মাংস ত্যাগ করিলে সন্ন্যাসী হইয়া থাইবে, আবার কেহ কেহ ডাক্তারদিগের অভিমত জানাইয়া বলে, মংসাদি ভোজন না করিলে চক্ষুরোগ জন্মিবার সম্ভাবনা, বিশেগতঃ উহাতে বলভানী ও মস্তিষ্ক বিক্রিতি ঘটে। প্রত্যাত্তরে বিচার করিয়া দেখ,—নিরামিষ ভোজী বর্তীর্বৰ্তী বিধবারা বা হিন্দুস্থানীরা মংশ মাংসভোজী বাঙালী অপেক্ষা বিষয় বৃদ্ধি বিহীন কিম্বা চক্ষুরোগাক্রান্ত বা চশমাধারী নয়। বলবীর্য শক্তির কথা প্রত্যেকেই জানেন—নিরামিষ ভোজী পাঞ্জাবী বা মারহাটীরা মংশ মাংসাতাজী বাঙালী অপেক্ষা কিম্বা গোরা অপেক্ষা শিখ সৈতেরা অত্যধিক সত্ত্বেও বলবীর্য শালী। মাংসাসী সিংহ ব্যাপ্ত অপেক্ষা হৃণভোজী হস্তী বল বিক্রম শালী ও দীর্ঘজীবি। স্বাস্থ্যের কথা—মারহাটী বা পাঞ্জাবী, বাঙালীর মত রোগা কি? পুরুষের ধাতুদৌর্বল্য, শুক্রমেহ ও নারীর বাধক প্রদর শৃতিকাদি নাই একপ বাঙালী স্ত্রী পুরুষ প্রায়ই দেখা যায় না। বাঙালী মছলি থেকে বলিয়া পশ্চিম ভারতের হিন্দুরা ভক্তিক্রিত করে, বাঙালী তাহাদের শক্র নয়, বাস্তবিক উহা সদাচার ও স্বাস্থ্য বিকৃত।

বিধবা বিবাহ অভাবে দিন দিন হিন্দুর সংখ্যা হ্রাস হইতেছে বলিয়া যাহারা অভিগত প্রকাশ করে, তাহাদের কথায় আশ্চর্য স্থাপনের কোনই হেতু নাই। কেন না পরিণত বয়সে বিবাহ হউলে বিবিবা সংখ্যাও হ্রাস প্রাপ্ত হইবে এবং ব্রহ্মচর্য প্রভাবে শুষ্ঠ ও সবল থাকিয়া, চারি পাঁচ বৎসর অন্তর গর্ভধারণ করিলে, গৃহ বৎসাদি তিরোহিত হউয়া হিন্দু বা সদাচারী সংখ্যা আশাতীতরূপে বর্দ্ধিত হইবে। হিন্দু বা আর্য সমাজের পায়ঠেলাভাবে যাহারা ধর্মান্তর গ্রহণ করিয়াছে, কিম্বা ভিন্ন ধর্মাবলীসীরা রাস্তিমত শুন্দি বা সদাচার বিশ্বদীক্ষা গ্রহণে যাহারা সদাচার পালন করিবে তাহাদের দ্বারা ও হিন্দু বা সদাচারীর সংখ্যা অত্যধিকরূপে বর্দ্ধিত হইতে পারিবে,—ইহার প্রকৃষ্ট উপায় মানব মাত্রকেই সদাচার বিশ্বদীক্ষায় দীক্ষিত করা। প্রকৃত পথ ছাড়িয়া বিপথগামী হইয়া চীৎকাৰ করিলে কোন ফল হইবে না। পুরুষাগু ক্রমিক ব্রহ্মচর্য অভাবে মানবজাতি ক্রমেই শৌর্যবীর্য বিহীন, চিৱব্যাধিগ্রান্ত ও অকালে কাল কবলিত হইতেছে, যাহা হইয়াছে তজ্জন্ম অনুশোচনা বৃথা, এখন হইতে সাবধান

হইয়া—ব্রহ্মচর্যের উপকারীতা বুঝাইয়া দিয়া—সদাচার বিশ্বদীক্ষায় দৌক্ষিত করিয়া বালক বালিকা যুবক যুবতীদিগের রক্ষা করুন। হে শিক্ষায় মানুষকে মনুষ্যত্ব প্রদান করে, তাহার প্রচার মজজাজনক বা কুকুচি মনে করিয়া নিশ্চেষ্ট থাকিলে আর রক্ষা নাই। আমরা আয়ু, বল, স্বাস্থ্য, মেধাশক্তি, উচ্চ আশা প্রভৃতি সূল কথায় জীবনের সর্বস্ব বা উন্নতির ঘাবতীয় শক্তি হারাইয়াছি তাহার একমাত্র কারণ ব্রহ্মচর্যের অভাব।

সাহিত্যিক আহারের অশেষগুণ—পৌরাণিক যুগে তাহার বহুল দৃষ্টান্ত বিন্দুমান,—আতপ তঙ্গুল ও কাঁচাকলা খাইয়াক প্রয়িশ্রেষ্ঠ জ্ঞান গরীব বাস বশিষ্ট, পতঙ্গলি, জৈগিনী প্রভৃতি মহাত্মারা জ্ঞান বিজ্ঞান, ধর্ম আলোকে ভারতবর্ষ আলোকিত করিয়াছিলেন; একবিংশতিবার ক্ষত্রিয় ইন্দ্রকারী পরশুরামের অগ্রিম বিক্রম চিরকৌমার্য অবলম্বন ভীমের নিকট অবনত হইয়াছিল। বর্তমান যুগের প্রফেচর রামগুর্জি গ্রামাকাস্তের অলৌকিক পরাক্রম সর্বজ্ঞান বিদিত, লোকমান্ত তিলক, গোথলে, অশ্বিনী দণ্ড, গান্ধীজির গ্রাম কয়টী লোকের মাথা পরিষ্কার ? এ সকল ও ব্রহ্মচর্যেরই ফল। কোন কোন যুবকেরা প্রকাশ করেন, পিতা ধর্ম পুনৰুৎসব বা ধর্মোপদেশ লাভের স্বয়মেগ দেন না,—তাহাদের দুর্বল হৃদয়ে সর্বদাই ভয়, সাধুসঙ্গ বা সৎগ্রাম্যাদি পাঠে পুত্রটী ধার্মিক হইয়া পাঠে অর্থেপাঞ্জনে ঔদান্ত করে। সে সকল পিতারা ধর্মৰক্ষার্থে শিক্ষা লাভ না করায় হিরণ্যকশিপুর অবতার বিশেষ ! এই শ্রেণীর জনৈক জয়ীদার একমাত্র পুত্রের ধর্মত্বাব দৃষ্টে—একজন বারবনিতাকে পুরন্ধাৰেৰ লোভ দেখাইয়া পুত্রকে সুপথে আম্বাৰ প্ৰয়াণ পাইয়াছিলেন ! তদ্বৰ্তপ বহু পুত্রের অধীশ্বর রাজাৱা মদ গোমাংস ও বেশ্বালয়ের অবাধ বাণিজ্য স্থাপন করিয়া পুত্র বা প্ৰজাকুল রক্ষা কৰিতেছেন ! মানব সমাজের অধঃপতন এৱ চেয়ে অধিক আৱ কি হইতে পারে ? ভাতৃগণ ! দেশোন্নতিৰ জন্য সভাসমিতি করিয়া যতই চৈৎকাৰ কৰুন, প্ৰকৃত শিক্ষা ব্রহ্মচর্য শিক্ষা ব্যতীত কথনও সুফলেৰ আশা নাই।

আমাদেৱ দেশেই হিন্দু বিধবাগণ—দীৰ্ঘায়, স্বাস্থ্য, সৌন্দৰ্য বিভূতিতা হইয়া ব্রহ্মচর্যের মহিমা বিষ্ণোষিত কৰিতেছেন। আৱ আমৱা খেচৱেয় মধ্যে ঘূৰী, জলচৱেৱ মধ্যে কুমীৰ ও চতুৰ্পদেৱ মধ্যে চৌকি বাবে বাকী

সমস্ত উদরস্থ করিয়া, সমগ্র বঙ্গদেশকে ভগবানের হাসপাতালে পরিণত করিয়াছি। ব্রহ্মচর্য পালন কর বলিলে চলিবে না, ব্রহ্মচর্য অভাবে কি ক্ষতি হইয়াছে আপামুর সর্বসাধারণের ইহা হৃদয়ঙ্গমঃহওরা আবশ্যিক। নর-নারীদিগকে সদাচার বিশ্ব-দীক্ষায় দীক্ষিত করিয়া—ব্রহ্ম্যোর উপকারীতা হৃদয়ঙ্গম-করাটীয়া যদি তাহারা সাহিত্যিক আহার্যের অভাব প্রযুক্ত সম্যকরূপে ব্রহ্মচর্য পালনে সক্ষম না হয়, তবে যাহাতে তাহাদের পুত্র কন্তাগণ তাহাদের জীবনাবধি ব্রহ্মচর্য পালনের পথ স্বীকৃত করিতে পারে, প্রথম উত্তমে অন্তঃত পক্ষে মেই সংস্কার লাভ করিতে হইবে,— সাহিত্যিক আহার্যের উপযোগী ফল মূল শস্তি ছস্ত্রাদি যাহাতে ঘণ্টেষ্টৰূপে উৎপাদিত হয় তন্দ্রপ সংস্কার সর্বাগ্রে প্রয়োজনীয়।

বর্তমানে ব্রহ্মচর্য বিদ্যালয়, ব্রহ্মচর্য আশ্রম প্রতিষ্ঠারও চেষ্টা হইতেছে, ভারতবর্ষে এ ব্রহ্মচর্যাশ্রম কখনও লোপ হয় নাই, সে সকল বহু পৌরাণিক ব্রহ্মচর্যাশ্রম সুরামাণিমে পরিণত হইয়াছে। লোকমান্ত তিলক বলিয়া-চিলেন “ভারতবর্ষে যে লক্ষ লক্ষ লোক সন্ধ্যাসী আছেন, তাহারা তাঁক বুনিলে মন্দ হয়না।” কথাটা তাঙ্গাম্পদ হইয়া থাকিলে, বর্তমান ব্রহ্মচর্য জাগরণ দিনে সন্ধ্যাসাশ্রম ও বৈষ্ণবাশ্রমের সন্ধ্যাসী ও বৈষ্ণবেরা সর্বাগ্রে ব্রহ্মচর্য প্রচারে সাড়া দিউন। অনাথ বালক বালিকা নর নারীদের জন্ম স্থানে স্থানে অনাথ ব্রহ্মচর্যাশ্রম আবশ্যিক বটে; বঙ্গদেশে প্রতিষ্ঠিত বৈষ্ণবাশ্রম বা আগড়া সমূহ শিবমন্দির, কালীমন্দির, ব্রাহ্মমন্দির, বৈষ্ণবমন্দির, জৈনমন্দির, মসজিদ, রানক্ষণ্যমিশন, শঙ্করমঠ এবং জমিদার ও ধনীদিগের প্রতিষ্ঠিত অনাথাশ্রম, দেবালয়, অতিথিশালা প্রভৃতি প্রতিষ্ঠান সমূহ ব্রহ্মচর্যাশ্রমে পরিণত হইতে পারে। এতদ্ভিন্ন প্রত্যেক বিদ্যালয়ই ব্রহ্মচর্য শিক্ষার উপদেশ হওয়া আবশ্যিক এবং প্রকৃত শিক্ষা সংসঙ্গ ও সদাহার, তাহা অভিভাবকের উপরই সম্পূর্ণ নির্ভর। সুতরাং ফল, মূল, তরকারী ও শস্ত্রাদি প্রচুর পরিমাণে উৎপাদনের জন্য—চাতি, শিক্ষক, অভিভাবক, ধনী, মধ্যবিংশ, কৃষক ও রাজপুরুষগণের বিশেষরূপে মনোযোগ আকর্ষণ প্রয়োজন। সদাহার (নিরামিষহার) গ্রহণের অর্থাত্ প্রচুর পরিমাণে—ফল, মূল, শস্তি তরকারী প্রভৃতি উৎপাদন দ্বারা—সদাহারের ব্যবস্থা করিতে না পারিলে উপদেশ প্রদান নির্থক ও নিষ্ফল।

কুশিক্ষা ও ফুসৎস্কারে দেশ আচ্ছন্ন হইয়াছে!—পারিবারিক স্তৰীলোক-

দিগের ধারণা হইয়াছে, স্বামী ও স্ত্রী একত্র হইলেই তাহাদিগকে একবিছানায় শোয়াইতে হইবে, পুত্র কি পুত্রবধূর, জামাতা কি কন্তার শারীরিক অবস্থার প্রতি তাহাদের কিঞ্চিংমাত্রও লক্ষ্য নাই। “পুত্রথে ক্রিয়তে ভার্যা পুত্রপিণ্ড প্রয়োজনম” এধর্ঘনীতি সম্পূর্ণরূপে বিশ্বত হইয়া সহবাস শুধু কাম প্রবৃত্তি চরিতার্থতায় পরিণত হইয়াছে। তাহারা বিশেষরূপে জানিয়া রাখুন বে, পরিণত বয়স না হইলে অর্থাৎ পুরুষের পঁচিশ বৎসর ও স্ত্রীলোকের ষোল বৎসরের নিম্নে সহবাস একেবারে নিষিদ্ধ। এবং গর্ভসঞ্চারের পর চারি পাঁচ বৎসর মধ্যে পুনঃ সহবাস সম্পূর্ণরূপে নিষিদ্ধ। পরিণত বয়স্ত্রী পুরুষের সুস্থাবস্থায় সন্তান কামনায় চারি পাঁচ বৎসর অন্তর একবার মাত্র সহবাস হইতে পারে। তদন্তর্থায় প্রতোক পরিবারের নরনারী প্রত্যেকের শিশু, বালক, যুবা, বৃদ্ধের ব্যাধি, জরা, অঙ্গায়ু বা অকালমৃত্যু নির্বাচনের অন্ত কোনই উপায়ান্তর নাই।

“শ্রবণং কৌর্তনং কেলিঃ প্রেক্ষণং শুভাভাষণং  
সঙ্কল্পোহধ্যবসায়শ্চ ক্রিয়া নিষ্পত্তি রেবচ  
এতদষ্টাঙ্গ শুক্রক্ষযং প্রবদ্ধতি মনীষিণঃ  
বিপরীতং ব্রহ্মচর্যামনুষ্ঠেযং মুমুক্ষুতি ।”

কামবিষয়ক কথা শ্রবণ করা কৌর্তন করা অর্থাৎ কামবিষয়ক বা হাবভাবাদিপূর্ণ নাট্য গীত করা ও তাহা দর্শন বা শ্রবণ করা, তদ্বিষয়ক নাটক, নতেল, উপত্যাসাদি পাঠ বা শ্রবণ করা, পঙ্ক পঙ্কী প্রভৃতি ইতর প্রাণীর কেলি দর্শনাদি ও তদ্বিষয়ক (কামবিষয়ক) গল্প বলা কি শ্রবণ করা কাম প্রবৃত্তি মনে ননে চিন্তা, তদ্বিষয় সঙ্কলন বা পুনঃ পুন চেষ্টা ও কাম প্রবৃত্তি চরিতার্থ করা, এই অষ্টবিধ প্রকারে ইত্তিয় চাঞ্চল্য ও তজ্জনিত অপরাধে শুক্রক্ষয় হয়। ইহার বিপরীত আচরণ করা অর্থাৎ ঐ সকল নাকরাট বৈর্যা ধারণ বা ব্রহ্মচর্য রক্ষার উপায়। মঙ্গলাকাঞ্জী ব্যক্তি বা মানব মাত্রেই পরিণত বয়সে গার্হস্থ্য অবলম্বন করিবে ও “পুত্রথে ক্রিয়তে ভার্যা” এই ধর্ম নীতি পালন বাতীত কথনও ঐ সকল রূপে শুক্রক্ষয় করিবেন্ন। এবং কাম প্রবৃত্তি দমনের জন্য নিম্নলিখিত ব্রহ্মচর্য শিক্ষা প্রণালী অবলম্বন করিবে।

## ব্রহ্মচর্য শিক্ষা প্রাণালী

১। যোগাসন—বিশ্বমানব ভাই ভগিনীগণ ! অবসর প্রাপ্ত সকল সময়, অধ্যয়ন অধ্যাপনাদি সময় ও যখনই কামচিত্তা বা চিত্ত চাঞ্চল্য ভাব ঘটিবে তৎক্ষণাত্ দক্ষিণ পদের গুল্ফ বামপদের উক উপর ও বামপদের গুল্ফ দক্ষিণ পদের উক উপর স্থাপন করিয়া প্রাণায়াম বা যোগাসনে উপবেশন করতঃ অধ্যয়ন অধ্যাপনাদি করিবে। ইহা কামরিপু দমনের সর্বোত্তম পদ্ধা !

২। কৌপীনধারণ—ভাই ভগিনীগণ ! সর্বদা পরিধেয় বস্ত্রাভ্যন্তরে ইন্দ্রিয় নিগতকারক কৌপীন আটিয়া পরিবে। ইহা রিপুদমন, প্রচুল্লতা, উৎসাহী ও পরিশ্রমী হওয়ার উৎকৃষ্ট উপায় ।

৩। মাতৃসন্মোধন—“মাতৃবৎ পরদারেমু” ভাতৃগণ ! পরস্তীকে বিশেষতঃ পতিতা, স্তুলোক (বেশ্যাদি) মাত্রকেই মাতৃ (মা) সন্মোধন করিবে। ভগিনীগণ !—আঙ্গুষ্ঠ স্বজন ও পরিচিত সৎস্বভাবের লোকব্যাতীত অসচ্ছরিত্ব কিম্বা অপরিচিত লোকের সত্তিত কথন ও বাক্যালাপ করিবেন।

৪। সৎসঙ্গ ও সদাহারণ গ্রহণ—ভাই ভগিনীগণ ! সর্বদা পিতামাতা অভিভাবকাদি শুরুজন প্রভৃতির সঙ্গে গাঁকিবে ও তাঁদের উপদেশ পালন করিবে। হিন্দুসমাজ প্রচলিত যতীব্রতী বিধবাদিগের আহার্য্য—অর্থাৎ নিরামিয় আহারট ব্রহ্মচর্য পালনের উৎকৃষ্ট উপায়। কিন্তু বিধবারা যে দিবসে একবার মাত্র আহার করে, তাহা কামরিপু দমনের উত্তম উপায় হইলেও স্বাস্থ্য বা বলবীর্যের প্রকৃত উপায় নয় জানিয়া দিবাভাগে একবার অন্নাহার ও রাত্রে দুধরঞ্চিট বা ফলমূল প্রভৃতি কিছু গাইবে। এবং আবশ্যকীয় শাক সজ্জী তরকারী প্রভৃতি উৎপাদন কি সংগ্রহ করিতে না পারিলে (যতীব্রতী বিধবারা ভিন্ন) স্বাস্থ্যাবল বিবেচনার পুরুষরীজাত কুটি, কাতল, কৈ, মাঞ্চুর প্রভৃতি (যে সকল মৎস্য কদাচারী নয়) মৎস্য ও ছাগমাংস খাওয়া যাইতে পারে, তাহাতে অপকারীতা ভিন্ন উপকারীতা ও ঘর্খেষ আছে। পরিগত বা অন্নাহার কর্তব্য। অধিকভোজন কামোদীপক ও ব্যাধিজনক।

থাত্তবিষয়ে ডাঃ শটীজ্জন্দের বৈশ্ব পর্তিকায় এইরূপ মত প্রকাশ করেন, সৎসারে মানুষ হই প্রকারে শিক্ষা করে,—দেখিয়া শুনিয়া ও ঘাটিয়া বা বিপদে পড়িয়া। আমি শৈশবাবস্থায় আহার্য্য সম্বন্ধে সাবধান

না থাকায় তাহার কুফল উপভোগ করিয়াছি, স্বতরাং খাত্ত বিষয়ে কিছু লিখিতে পারিব বলিয়া বিশ্বাস করি ।

জীবন ধারণ করিতে হইলেই আচার অতিব আবশ্যক, আচার দ্বারা দেহের পুষ্টিসাধন ও— শক্তি মেধা বৃদ্ধিত হয়, অর্থাৎ যে জীবনীশক্তি আমরা পিতৃবীজ হইতে প্রাপ্ত হই—তাহা আচার সংযোগেই দৈনন্দিন বৃদ্ধি প্রাপ্ত হয় । নৈতিক, শারীরিক ও মানসিক পরিশ্রমে দেহের যে ক্ষয় হয়, আচারে সে ক্ষয় ও পূরণ করে । আমাদের জীবন পারণোপযোগী যে সমস্ত আচার্য দ্রব্য আবশ্যক তাহা সংক্ষেপে বিবৃত করিতেছি ।

বৈজ্ঞানিকেরা পরীক্ষা করিয়া দেখিয়াছেন যে, আমাদের খাত্তে ছয় প্রকার পদার্থ থাকে । ( ১ ) আমিষ জাতীয় পদার্থ ( ২ ) শ্঵েতসার ( ৩ ) বসা ( ৪ ) লবণ ( ৫ ) জল এবং ( ৬ ) খাত্তপ্রাণ ( ভাইটামিন ) নামক নৃতন আবিস্কৃত পদার্থ । এই ছয়টা জিনিষট মানবদেহের পক্ষে প্রয়োজনীয় ।

তন্মধ্যে ( ১ ) আমিষ জাতীয় খাত্ত বিশেষভাবে দেহের ক্ষয় পূরণ করে ও শরীরের পুষ্টি সাধন করে । মৎস, মাংস, ডিষ্ট ( ইচ্ছাতে মাছ ও পশুপক্ষীর রোগ প্রবণতা ও কদাচারী জন্য অস্বাস্থ্যকর ) ডাইল গুঁটি, বরবটি, ছাতু ( গমচূর্ণ ) বেসম ( চাউলচূর্ণ ) ছানা, ছঙ্গ প্রভৃতি এই শ্রেণীভুক্ত । বাল্যকাল হইতে ঘোবনের শেষ পর্যন্ত এই সকল খাত্ত শরীর গঠনের সহায় ।

( ২ ) শ্঵েতসার জাতীয় খাত্তদ্বারা আমাদের শরীর গঠনের বিশেষ সাহায্য হয় না, কিন্তু ইচ্ছাদ্বারা আমাদের শরীরে যথেষ্ট শক্তি সঞ্চার ও তাপ রক্ষা হয় এবং আমাদিগকে শ্রম সহিষ্ণু করে । চাউল, ডাইল আটা, ময়দা, আলু, গুড়, চিনি, সাগু, বার্ণি প্রভৃতি শ্঵েতসার জাতীয় খাত্ত ।

( ৩ ) বসা বা চর্বিজাতীয় খাত্তের মধ্যে ঘুত, তৈল, নবনীত, ডিষ্টের কুমুম শ্রেষ্ঠ । শ্঵েতসার জাতীয় খাত্তের গ্রায় ইচ্ছাদের দ্বারাও দেহের তাপরক্ষা ও শক্তি সঞ্চার হয় এবং শ্঵েতসার হইতেও বসাজাতীয় দ্রব্যের শক্তি অধিক ।

( ৪ ) লবণ প্রায় সকল খাত্তেই বর্তমান আছে, উদ্ভিজ্জ খাত্তেই

লবণের ভাগ বেশী। জীবন ধারণের জন্য লবণজাতীয় খান্দ আমাদের প্রয়োজনীয়। কিন্তু আমরা যে পরিমাণ লবণ খাই, তদপেক্ষা অনেক কম খাইলেও আমাদের শরীরের কোন অনিষ্ট হয় না।

(৫) জল—মানবদেহের অত্যাবশ্যকীয় দ্রব্য। পৃথিবীর যেকোন নিন ভাগ জল, তদ্রূপ মানবদেহেরও চারিভাগের তিনভাগ জল। দেহস্তু ধূইয়া পরিষ্কার করাই জলের প্রধান কার্য।

(৬) খান্দপ্রাণ বা ভিটামিন—মাসক অতি শুক্ষ্ম পদার্থ আমাদের আহার্যে থাকে, এই পদার্থটা নৃতন আবিস্তুর হইয়াছে। ইহা আমাদের শরীর সুস্থ ও সুবল করে, আজ পর্যন্ত পাঁচ প্রকারের ভিটামিন আবিস্তু হইয়াছে। উপযুক্ত পরিমাণে ভিটামিন গ্রহণ না করিলে শিশুদের অস্থিবিক্রিতি হয় এবং বয়ঃপ্রাপ্তাদিগের ও বেরি বেরি স্বার্ভি প্রভৃতি রোগ জন্মে। গোড়া লেবু, কমলা লেবু ও বিলাতি বেগুনে চারিথকার এবং দাঁধাকপি, পালংশাক ও শালগমে তিনি প্রকার ভিটামিন পাওয়া যায়। সুতরাং এই সকল দ্রব্য অর্থাৎ অম্ল-মিষ্ট শাক সবজি, ফল মূল উপযুক্তরূপ আহার করা কর্তব্য।

উপরে যে ছয় জাতীয় খান্দের কথা বলা হইয়াছে, মনুষ্য মাত্রেই দেহ বক্ষার জন্য প্রয়োজনীয়। বর্তমানে আমি কিছু সুস্থ হইয়াছি কেবলমাত্র নিয়মিত খান্দ নিয়ম পালন করিয়া। আশা করি প্রত্যেক বিদ্যার্থী এবং সকলেই খান্দ নিয়ম রক্ষা করিয়া চলিবেন।

প্রাতে কিয়ৎক্ষণ ভ্রমণ বা ব্যায়ামের পর অঙ্গুরোদ্বাত মুগ বা ছোলা, একটু আদা লুন কিম্বা শুড়ের সহিত সেবা। আছাটো আতপ চাউলের অম্ল, সুসিক মশুর ডাইল, প্রচুর পরিমাণে টাটকা উন্তিজ্জ ও সাধ্যমত টাটকা মৎস্য খাওয়া আবশ্যক। অবস্থায় কুলাটলে অন্ততঃ পক্ষে অঙ্গসের জ্বাল দেওয়া গোড়ুগ্ন বিদ্যার্থীর পক্ষে হিতকর। ভাতের ফেন যাহাতে গালা না হয় তৎপ্রতি বিশেষ দৃষ্টি রাখাউচিত। ভাতের ফেন না গালিয়া ভাতের মধ্যে পুষিয়া ভাত পাক করা উচিত, ইহা অতি পুষ্টিকর খান্দ। প্রাতে চিড়া, দই, শুড় বা নারিকেল ও চিনি সহ চিড়া উন্তম পুষ্টিকর। টাটকাফল ভোজন করা হিতকর, কমলালেবু কাগজী অথবা গোড়া লেবুর রস শুড় সহ সেবন খুব হিতকর। চা, কফি, বাজারের চপ, কাটলেট, সন্দেশ, রসগোল্লা বিষবৎ পরিত্যাগ করিবে।

চায়ের নেশা ও সন্দেশের লোভ বহু বালকের ভবিষ্যত জীবন নষ্ট করিবাছে ও করিতেছে। নৈশ ভোজনে ভাত না থাইয়া সহামত আটার রুটি, ডাইল ও তরকারী সহযোগে আহার করা উত্তম মনে করি। পচা ও বাসীদ্রব্য কথনও ভোজন করিবে না। এতদ্ব্যতীত স্বাস্থ্যরক্ষা ও স্বাস্থ্যোন্নতি জন্ম গ্রহণকারী ও মুক্তবায় এ দুটী জিনিস অত্যোবশ্রুক। ইহা দ্বারা শরীরের ঘানি নাশ ও দেহ বহু রোগের হাত হইতে রক্ষা পায়।

৫। কুভোজন, কুসংসর্গ ও বিলাসিতা বর্জন—মদ ও মাস বিশেষতঃ নিষিদ্ধমাংস এবং পেয়াজ প্রভৃতি উগ্রবীর্যা কামক্রোধাদি ও ব্যাধি উৎপাদক, উহা কথনও স্পর্শও করিবে না। কথনও অলস হইবেনা, ঘাহারা তাস পাসাদি খেলে, কর্মবিহীন বেকার লোক তাহাদিগকে অলসবলে, অলসতা মহাপাপ বা সর্ববিধ দৃঃখের আকর। প্রত্যহ স্নানকালে অঙ্গমার্জনা ও পরিস্কৃত বস্ত্রাদি ব্যবহার করা উচিত। শীতাতপ হইতে রক্ষা পাওয়ার জন্ম থাদী বস্ত্রাদি ব্যবহার করা কর্তব্য। বিলাসিতা মহাপাপ বা জনসমাজের মহা অনিষ্টকর,—গন্ধদ্রব্য অঙ্গেলেপন, চিত্রবিচিত্র বা অতিষ্ঠক্ষা কি কারুকার্য্যাদি থচিত বস্ত্রাদি ও শুবর্ণাদির অলঙ্কাব ধারণ করার নাম বিলাসিতা। বিলাসিতার দেখাখেপ আকর্ষণে মানব সমাজের দৈনন্দিন কার্যান্বিত অচল হইয়া উঠে, ইহাতে মানবজাতি উৎসন্ন হয় বা হইতেছে যথা কুষিজীবি পরের আউল ভাঙ্গিয়া চুরী বা অপহরণ না করিলে, থাজানাদিতে বা পরুষণ পরিশোধে ছল ছুতা না করিলে সংসার চলেনা, চাকরীজীবির ঘুস না লইলে বা চুরী না করিলে, দোকানদারের মিথ্যাকথা না বলিলে বা ভেজাল কি ওজনে ঘাটতি না করিলে সংসার চলেনা, জমিদারের জমিদারী নিলাম হয়, ইত্যাদি দেখিয়া শুনিয়া বিলাসিতা সর্বতোভাবে পরিত্যাগ করিবে।

৬। নিয়মিত পরিশ্রম—ভাটি ভগিনিগণ ! প্রত্যহ প্রাতে ও সন্ধ্যাকালে পদব্রজে কিছুক্ষণ ভ্রমণ করিবে এবং কোদালী দ্বারা মাটী কোপাইয়া ভূমি প্রস্তুত ক্রমে, ফল মূল তরকারী প্রভৃতি জন্মাইবার বীজ বা চারা রোপণ কি বপন করিবে, তাহাতে বেড়াদিবে ও জলসিঞ্চনাদি করিবে, কিস্বা চরকা দ্বারা সৃতা কাটিবে। প্রত্যেক ছাত্র ছাত্রীকে বৎসরে অন্যুন দশ বারটী নারুকেল, শুপারী, আম, কাঁঠাল, লিচু, আতা,, বেল, জাম,

জামকুল, পেঁপে, ডালিম, আমলকী, হরীতকী, কলা, কচু, আলু, শশা, পাউ, কুমড়া, শিম, শিমুল, কাপাস, আকন, বেগুন, আনারস, কুল, মুগ, বরবটী, উচ্ছে, বিঞ্জ, প্রভৃতির চারা বা কলম রোপণ করিয়া রক্ষা করিতে হইবে। কিন্তু চরকা দ্বারা অনূন একসের সৃতা কাটিতে হইবে। তাহা না করিলে অন্যান একটাকা জরিমানা দিতে হইবে, নচেৎ প্রমোশন পাওয়ার ঘোষ্য হইবে না এবং নিয়মিতকৃপে কার্য্য করিলে পুরুষার পাইবে। তাত্ত্ব চাতীগণ ভিন্নও নরনারী গৃহী মাত্রকেই উহা করিতে হইবে।

৭। নিরামিষ গ্রাহণের উপায়—ভাই ভগিনীগণ প্রত্যহ রাত্রির পর উনানের ছাইগুলি কোনস্থানে স্তপ করিয়া রাখ, তৎপর দশ বৃক্ষাত লম্বা একহাত প্রশস্ত ও গভীর দুটি চারিটী গর্ভ থনন করিয়া, পূর্বোক্ত ছাই ও মুক্তিকা মিশ্রিত করতঃ তদ্বারা গর্ভগুলি পূর্ণ করিয়া মেটে আলু, মানকচুর চারা বা মাথি রোপন কর, তদ্ভিন্ন লাউ, কুমড়া, শশা, বরবটি, বেগুনাদির চারা যাহা রোপণ করিবে, তাহাতেই যথেষ্ট ফল প্রদান করিবে, গোময় সার দিলে আরো অধিক ফল ফলিবে। ঢাগল গরুতে নষ্ট না করে তজ্জন্ত গর্ভের চতুর্দিকে বেড়া দেওয়া কর্তব্য। এ সকল এবং কলা নারিকেলাদির চারা লাগাইবার প্রণালী অনেকেই জানে তাহাদের নিকট দেখিয়া শুনিয়া কার্য্য করিতে হইবে। ফলমূল তরকারী প্রভৃতি প্রত্যেকেরই প্রয়োজনীয় দ্রব্যাদি প্রত্যেক পরিবারেই না জন্মাইলে, শুধু হাট বাজারের প্রতি নির্ভর করিয়া থাকিলে অর্থভাবও ঘুচিবেনা, নিরামিষ আহার্য দ্রব্যাদি ও সুচারুকৃপে মিলিবেন। এতদ্ভিন্ন প্রত্যেক পরিবারেই দুঃখবতী গাতী পালন করা একান্ত কর্তব্য। এসকল না করিলে, নিরামিষ আহার্য দ্রব্যাদি প্রত্যেকেই নিজ নিজ চেষ্টায় উৎপাদন না করিলে, নিরামিষ আহার অভাবে মানব জাতির সর্ববিধ উন্নতির উপায় স্বরূপ ব্রহ্মচর্য পালন অভাবে মানবজাতি ক্রমেই হীনবীর্য্য, ব্যাধিগ্রস্ত, অল্পায় বা অকালে কাল কবলিত হইবে, তাহা নিবারণের অন্ত কোনই উপায়স্তর নাই।

(ক্রমশঃ)

## বিশ্বব্যাপি জাগরণ ।

( ১ )

গাও বিশ্বব্যাপি একতা বারতা,  
ধৰ্ম্ম সত্য প্রীতি সত্য পবিত্রতা,  
নাদের ডায়ার \* কভু নাহি হোক  
যুদ্ধ গান্ধী সীতা সাবিত্রী ধরুক  
জগৎ জননী জগতের মাতা ।  
বিশ্ব স্বরাজে হওরে মাতোয়ারা ।

( ২ )

ত্যজি যুদ্ধ হত্যা পাশবিক রৌতি  
সাধ ব্রহ্মচর্যে মানব উন্নতি  
যাগ যজ্ঞ স্তব নমাজ উপাসনা  
ও সকলে শুধু হবেনা হবেনা,  
পুত্র কন্তাগণে গরাও দেবতা  
ব্রহ্মচর্য আর সদাচার দ্বারা ।

( ৩ )

ফলাও প্রচুর শস্য ফল মূল  
কলা কচু আলু লাউ সিম ওল

---

\* নাদের দিল্লী ধর্মশক্তি—নাদেরশাহ। ডায়ার—পঞ্জাবের অত্যারী  
সেনাপতি।

ফলকর বৃক্ষাদি বিশ্ব ব্যাপিয়া  
ফল শস্তি ভরা কর বস্তুকরা।  
চরকা চালায়ে কাটি সবে সূতা  
পর কুতুহলে খদ্র গরিয়া।

( ৪ )

ছিল সত্য যুগে লক্ষ্মৰ্ষ আয়ু  
অঙ্গচর্য অষ্টে এবে তেইশেন্দু  
একুশ হাত দেহ ইয়েছে তিন  
জাতি ধর্ম আদি হ'য়ে ভিন্ন ভিন্ন  
ধর্ম প্রায় মানব জিয়া কি মরা  
দেখরে দেখরে নয়ন মেলিয়া।

( ৫ )

আদি দেবধাম হিমালয় দেশে  
দেব ভাতুন্দে দেবাস্তুর ঘোমে  
দেবাস্তুর ঘবে সমুদ্র মথিল  
এ বিপুল পৃথী তা হ'তে জাগিল  
সেই দেবাস্তুর জগৎ ব্যাপিয়া  
ছাড় জাতি ভেদ দৈত্য আদিত্যেরা।

( ৬ )

সেই দেবাস্তুর দেবতা ও দৈত্য  
সেই দেবাস্তুর—আর্য ও অনার্য

## বিশ্ব মানব ধর্ম ।

সেই দেবাস্তুর—হিন্দু ও বৈক্ষণে  
সেই দেবাস্তুর—মোসলেম খৃষ্ট  
জগৎ ব্যাপিয়া ভাই ভগিনীরা  
বিশ্ব দীক্ষা ল'য়ে হওরে দেবতা ।

( ৭ )

ত্র কু প্রবৃত্তি বা অদিতি ও দিতি  
অদিতি-আদিতা দিতির দৈত্যাদি  
( কিঞ্চ ) আদমঙ্গবার বংশধরগণ  
অথবা পুরুষ প্রকৃতি সন্তান  
জগৎ ব্যাপিয়া ভাই দেবতারা  
বিশ্বদীক্ষা ল'য়ে হওরে দেবতা ।

( ৮ )

এখনও জাগিয়া কররে পণ  
সদাচারে সবে হও এক মন ।  
হিন্দু বৈক্ষণে খৃষ্ট মহম্মদি আদিত্যজি ও খেতাব হও মানব জাতি  
বিশ্বদীক্ষা ল'য়ে হওরে দেবতা  
শান্তি স্বরাজে হওরে মাতোয়ারা ।

( ৯ )

ডাই ভোস নিকা তালাক ছাড়িয়া  
অচেন্দ বিবাহে পবিত্র হইয়া  
গো মহিষ হত্যা মন্তাদি তাজিয়া  
অনাচার সব দাও ঘুচাইয়া  
বিশ্বদীক্ষা ল'য়ে হওরে দেবতা  
হোক বিকশিত বিশ্ব মানবতা ।

( ১০ )

এমেছ কি সবে এই ধরাধামে  
ভোগ বিলাসের সঙ্গ সাজিবারে  
মানুষ তোমরা মানবের তরে  
সকলে তোমরা জগতের তরে  
সকল হৃদয়ে ধর্ম ভূক্তি ভরা  
মেই দেববংশ সন্তুত তোমরা ।

( ১১ )

হিংসা প্রতিহিংসা মান অভিমান  
ক্রোধ লোভ স্বার্থ কররে বর্জন  
মেহ ভক্তি আর কর্তব্য পালন  
ক্ষমা দয়া কর সবার ভূষণ

বিশ্বদীক্ষা ল'য়ে হওরে দেবতা  
শান্তি স্বরাজে হওরে মাতোয়ারা ।

( ১২ )

বিলাসিতা আৱ আমোদ প্ৰমোদ  
খেলা তৌৰ্থ যাতা ছাড়হে স্বৰোধ  
ও সকল তৱে যত কিছু ব্যয়  
কৱৱে অৰ্পণ দৱিদ্ৰ সেবায়  
কৱ সছুপায় দৱিদ্ৰ জীবিকা  
যুচিবে অশান্তি তুষিবে বিধাতা ।

( ১৩ )

এ বিশ্ব ব্ৰহ্মাণ্ড হ'লে কৱায়ন্ত  
ভোগ বিলাসেৱ না হয় পৰ্যপ্ত  
ত্যজ পৱিত্ৰ সাধ ব্ৰহ্মচৰ্যা  
ৱবে না অভাব ৱবে না দৃষ্টার্যা  
সত্য পথে কৱ সত্যেৱ সাধনা  
বিশ্বদীক্ষা বাণী সত্যেৱ ঘোষণা ।

( ১৪ )

বিশ্বধৰ্ম বাণী জেনো সবে সার  
মানব চেষ্টায় হবে কাৰ্য্যেদ্বাৰ

বিধিকাল চক্র ঘোরে অনিবার  
দীর্ঘ সূত্রতায় না হইবে আর  
কাল পাপ শ্রেত দাও যুচাইয়া  
শান্তি স্বরাজে হওরে মাতোয়ারা ।

( ১৫ )

বাজ্ঞারে বীণা সুস্বর মোহিনী  
শুনিয়া জগৎ মাতৃক এখনি  
বিশ্বময় ধৰনি বিশ্বদীক্ষা বাণী  
এ নহে স্বপন এ নহে কাহিনী  
জগৎ শুড়িয়া ভাই ভাই মোরা  
এ বিশ্ব স্বরাজ এ বিশ্ব বাস্তা

( ১৬ )

সর্বশক্তিমান জাগাও মেদিনী  
জাগো গোমা শক্তি শক্তি স্বরূপিনী  
কম্বীরূপ সবে মাতৱে এখনি  
গাও ভাতৃরূপ জগজ্জয়ী বাণী  
ব্ৰহ্মচৰ্য্য আৱ সদাচাৰ দ্বাৱা  
বিশ্ব ধৰ্ম হোক জগৎ শুড়িয়া ।

## নিবেদন।

সর্বশক্তিমান দ্যাল পিতা! তুমি বেদ বেদান্তে নিতা সতা অজ্ঞর অমর গায়ত্রীরূপে অধিষ্ঠিত। ত্রিপিটকে বুদ্ধরূপে, বাইবেলে ঈশ্বর পুরুষীশ্বরূপে, কোরাণে ঈশ্বর প্রেরিত রাসূল মহম্মদরূপে, গীতায় স্বয়ং ঈশ্বর কৃষ্ণরূপে, রামায়ণে রামরূপে, পুরাণাদিতে ব্রহ্মা, বিষ্ণু, শিব, কালী দুর্গাদিরূপে বর্ণিত হইয়াছ। কেহ বলেন, তুমিই সব করিতেছ তুমি মানবের অদৃষ্ট লিপিবদ্ধ করিয়া প্রেরণ করিতেছ, মানুষ সেই ভাগ্য লিপির নিয়মানুবন্তৌ হইয়া কর্ম করে বা কর্মফল ভোগ করে। আবার বেহ বলেন, তুমি মানুষের জাগতিক কার্য্যে সম্পূর্ণ নিলিপ্ত, তুমি যে খেতি দিয়া মানব জাতির আদি পিতা মাতা পুরুষ ও প্রকৃতি নামা দেব দেবী বা আদম ঈবাকে স্থজন করিয়া ছিলে, তাত্ত্বাদেরই অধস্তুন বৎসন্ধর রূপে মানবজাতি—শিক্ষা দীক্ষার অনুশরণে ও তদ্বিপরীত বিলোপাদি কারণে—প্রত্যেক মানুষ তাত্ত্বার সুকর্ম ও কুকর্মের দ্বারা সর্বক্ষণই তাহার নিজ নিজ ও ভবিষ্যৎ বৎসাবলীর অদৃষ্ট নির্মাণ করিতেছে। এবং তদনুসারে রাজনীতির সমাজনীতির পূর্বপুরুষের ও স্বকৌয় কর্মের যৌগিক মিশ্রণের \* বশবর্তৌ হইয়া অদৃষ্ট বা কর্মফল ভোগ করিতেছে। যেরূপেই হউক তুমিই করিতেছ বা মানবের কর্মফলেই সমৃদ্ধি হউক—বর্তমান জগতে ভারতীয় ধর্মীয় ও আরবীয় ধর্মীয় হিন্দু বৌদ্ধ খৃষ্টিয়ান ও মুসলমান এই চারিটা প্রধান দলের দলাদলি, তিংসা, দ্বৰ্ষে ও ব্রহ্মচর্য অভাবে—বহুকালাবধি দৰ্বাধি, দুর্ভিক্ষ, অঙ্গায়ু, অকাল মৃত্যু ও ঘৃক্ষাদি প্রতিষ্ঠিত থাকিয়া

\* এই যৌগিক মিশ্রণ শক্তি অতিব তুজ্জেয় বিধায় ইহার নাম অদৃষ্ট।  
ক ভারতীয় ধর্ম—ভারতে প্রচুর ধার্য শস্তি ও বৰ্ক্কিত জনতা হেতু—ধার্যাধার্য বিচারের ও বিবাহ নিয়মের উৎকর্ষতা লাভ করিয়াছিল, তজন্ত ভারতীয় জাতির মনোবৃত্তি স্বাভাবিক দয়া প্রবণ সারল্য পূর্ণ। কিন্তু আরবীয় মুসলমান দেশে জনতা বিরল ও ধার্য শস্তের অভাব বশতঃ Necessity knows no Law. আকাইলে ধর্মে কর্মাকর্মের বিচার হইতে পারে না। অর্থাৎ আরবের গ্রাম মুসলমান দেশে বিবাহ নিয়মের ও ধার্যাধার্যের বিচারের উৎকর্ষতা লাভ করিতে পারে নাই। তজন্ত

ନିୟତ ଅଶାସ୍ତ୍ର ଓ ମହାଦୃଢ଼ଙ୍କେ ଉଂସନ୍ତ ହିତେଛେ ! ତୋମାର ଏ ପ୍ରିୟ ଜଗତେର ଏ ମହା ହଦିନେ—ଏ ବିଶ୍ୱ ଜନିନ ବିପତ୍ତିକାଳେ ତୋମାର ପ୍ରିୟ

ତାହାରେ ଚିତ୍ତବୃତ୍ତିଓ ପରାସ୍ତାପହରଣ—ପରଧନ ପରରାଜ୍ୟାପହରଣାଦି ହୀନବୃତ୍ତିତେ ଗଠିତ ହିଁଯା ଜଗଃ ବ୍ୟାପୀ ହିଁଯାଛିଲ । ( ବନ୍ଦମାନେ ଅବାଧ ବାଣିଜ୍ୟର ଫଳେ ସକଳ ଦେଶରେ ପ୍ରାୟ ସମତୁଳ୍ୟ ହିଁଯା ଉଠିଯାଛେ । ) ଏହିରୂପ ସ୍ଵାଭାବିକ ନିୟମ ବାତୀତ ପ୍ରକାଶ ପ୍ରକାଶବେ ଏୟାବତ କୋନ ସ୍ଵର୍ଗପ୍ରବର୍ତ୍ତକେର ମହୋପଦେଶଗୁଲି କୋନ ଦେଶରେ କେତେ ଆମଲେ ଆନେ ନାହିଁ ଶୁଦ୍ଧ ଦଲବନ୍ଦ ହିଁଯାଛିଲ ମାତ୍ର ! ସେ ତେବେ ପ୍ରତୋକ ସ୍ଵର୍ଗଶାସ୍ତ୍ରଟି ତ ବଲେ ( ୧ ) ମନ୍ତ୍ର ଭିନ୍ନ ମିଥ୍ୟା କଥା ବଲିବ ନା, ଈହା ଦ୍ୱାରା ମିଥ୍ୟା କଗ୍ନ ମିଥ୍ୟା ଆଚରଣ ଲୋପ ହିଁଯାଛେ ? ନା ଆଦାଲତେର ଦଗ୍ଧଭୟେ କଥକିଂବ ମିଥ୍ୟାଚରଣ ବିଲୁପ୍ତ ହିଁଯାଛେ ? ( ୨ ) ପରଦାର ବା ବେଶ୍ୱାବୃତ୍ତି କରିବ ନା, ( ୩ ) ଶ୍ଵରାପାନ କରିବ ନା । ଈହା ତୋ ବେଶ୍ୱାଲୟ ଓ ମଦେର ଦୋକାନ ସାଜାଇଁଯା ବାଣିଯା ବାକ୍ୟ ପାଲନେର ପରାକାଷ୍ଟା ପ୍ରଦର୍ଶିତ ହିଁତେଛେ ! ( ୪ ) ପରବିଦ୍ର ପରଧନ ଚୁରୀ ବା ଅପହରଣ କରିବ ନା ( ୫ ) ଏକଗାନେ ଚଢ଼ ଦିଲେ ଅପର ଗାଲ ପେତେ ଦାଓ ( ୬ ) ଅପରେର ସମ୍ମୋହେର ଜଞ୍ଜ ଆହୁମତ ଆତ୍ମପ୍ରାଣ ବାଲ ଦାଓ । ଈତ୍ୟାଦି ମହୋପଦେଶ ବାକ୍ୟଗୁଲି କେ କନ୍ତୁ ପାଲନ କରିତେଛେ ନ ବା କେ କତୁକୁ ପାଲନ କରିତେ ପାରେନ ? ସହି ନା ପାରେନ, ତବେ ବଡ଼ ଗାଇର ବାଚୁର ବଲିଯା ହିନ୍ଦୁ, ମୁସଲମାନ, ବୌଦ୍ଧ, କ୍ରିଶ୍ଚିଆନ ବଲିଯା ପରିଚୟ ଦିତେ, ତମ୍ଭଲକ ବଡ଼ାଇ କରିତେ, ଦୟଶାସ୍ତ୍ରେର ଦୋହାଟି ଦିଯା ଦଲ ପାକାଇୟା ଗୋଡ଼ାମି ବା ଶୁଣାମି କରିତେ ଲଜ୍ଜା ବୋଧ ହୁଯ ନା କେନ ? ଏ କେନର ଉତ୍ସର, ପୃଥିବୀର ରାଜାରା ସବ ଦୁର୍ବଲ ଚିତ୍ତ, ଏ ସମ୍ମା ଶୁଣା ଦଲେର ଶାସନ କରିତେ ଅସମର୍ଥ ! ଭାରତୀୟ ଅୟୋଗ୍ୟ ଭୂମ୍ୟଧିକାରୀର ଷେଟ କୋଟି ଅବ ଡ୍ୱାର୍ଡ ଗ୍ରହଣ କରେନ, କିନ୍ତୁ ଅୟୋଗ୍ୟ ରାଜାଦେର ଦଗ୍ଧଦାତା କେହ ନାହିଁ । ( ଏତଦ୍ ବିଷୟ ବିଶ୍ୱଶାସ୍ତ୍ର ବିଧି ଦୃଷ୍ଟି କରିବେନ । ) ଭାରତେର ପୌରାଣିକ ପ୍ରଗାଢ଼ ରାଜାର କୋନ ଜାତି ବା ମହିତ୍ତେଦ ଛିଲ ନା, କିନ୍ତୁ ଚତୁର୍ବିଂଶ ବ୍ୟାନନ୍ଦାଯ ରାଜାକେ କ୍ଷତ୍ରିୟ ପର୍ଯ୍ୟୟ ଭୁକ୍ତ କରିଯାଇ ହିନ୍ଦୁ ରାଜ୍ୟ ଲୋପେର ସ୍ଵର୍ଗପାତ ହିଁଯାଛିଲ ; ତୃତୀୟ ପଞ୍ଚମ ଜାତି ବୌଦ୍ଧେର, ସତ୍ତ ଜାତି ମୁସଲମାନେର ରାଜ୍ୟ ଟିକେ ନାହିଁ । ଥୃଷ୍ଟିର ରାଜ୍ୟ ଓ ପ୍ରତିଷ୍ଠିତ ଥାକିତେ ବା ଶାସ୍ତ୍ର ଶୁଜ୍ଲା ହିତେ ପାରିବେ ନା । କାରଣ ସେ ଜାତି ବା ସେ ସ୍ଵର୍ଗବଲସୀ କେହ ରାଜା ହିବେନ, ତାହାର ଜାତି

ভক্ত রাজা, বাগী ও ধনীদিগকে মোহনিদ্বা হইতে জাগ্রত ও উঠিত কর। রাজাৰ রাজ্য একুপ বিভিন্নগতেৰ স্বেচ্ছাচারী দলাদলিতে উৎসন্ন

ৰা তাহাৰ ধৰ্মাবলম্বীৱ। প্ৰভুত্বাৰ পোৰণ কৱিতে কিন্তু জন্মগত অধিকাৰ তদ্বৰ্কপ ভাৰেৰ প্ৰতিদ্বন্দ্বী থাকিয়া অশান্তি ও বিশৃঙ্খলা উৎপাদন কৱিবেই কলিবে। বিভিন্ন ধৰ্ম ও বিভিন্ন জাতিতে বৰ্তমান থাকিতে পৃথিবীতে বিশেষ ভাৱতবৰ্যে শান্তি স্থাপনেৰ কোনটী সম্ভাবনা নাই। তজন্তু প্ৰত্যেক রাজা ও মানব মাত্ৰেই—সদাচাৰদীক্ষা গ্ৰহণ কৱিয়া মানব ধৰ্মাবলম্বী ও মানব জাতি হউবেন। সেনসাম্ৰিপোট, আদালতেৰ ও রেজিষ্ট্ৰাৰী অফিসেৰ কাৰ্য্যে—জাতি ধৰ্ম লেখা পদ্ধতি বৰ্জন কৱিবেন।

হে অনুৰ্য্যামী সৰ্ব শক্তিমান! এই মে ভাৱতে বৰ্তমান মহা অশান্তিময় অৱাজকতাৰ উন্নৰ হইয়াছে; ভাৱতেৰ এ মহা দুদিনে তুমি কি জাগতিক কাৰ্য্যে নিৰ্লিপ্ত বুৰুব? তোমাৰ গায়ত্ৰী মন্ত্ৰেৰ “ধিৱোয়েন্ন প্ৰচোদয়াৎ” আমাদিগকে কি বিজ্ঞাপিত কৱিতেছে? যেন্তে হউক বৃটেনাধিপতি এই ভাৱত সাম্রাজ্যেৰ অধীশৰ হইয়াছেন, কিন্তু ভাৱত সন্তানেৰ জন্মগত অধিকাৰ সূত্ৰে কংগ্ৰেসেৰ প্ৰেসিডেণ্ট বা ভাৱতবাসী ভাৱত সাম্রাজ্য দাবী কৱিতেছেন। এখানে আয় বিচাৰেৰ স্বৰূপি আমাদিগকে বিজ্ঞাপিত কৰ। একদিকে আইন অমাত্ত ও পিকেটিং এবং অপৰ দিকে কাৰাদণ্ড ও পুলিশেৰ অত্যাচাৰ কাহিনী। এই উভয় পক্ষেৰ সংঘৰ্ষণে সাম্রাজ্যেৰ আয় ব্যয়েৰ অবস্থা যেন্তে দাঢ়াইয়াছে বা যেন্তে দাঁড়াবে, তাহাতে ত্ৰিটীশেৰ পক্ষে এ রাজ্য পৰিচালনা নিতান্ত বিড়ম্বনা বা ঘোৱতৰ কলঙ্ক জনক। এমতাৰস্থায় স্বঃতই মনে উদিত হইতেছে যে, মহা মহিম পৱনমদয়াল সন্দ্ৰাটবাহদুৰ বা ত্ৰিটীশ জাতি—ভাৱতবাসী আপামৰ সকলেৰই আকাঙ্ক্ষিত ঔপনিবেশিক স্বায়ত্ত-শাসন প্ৰদান কৱিয়া—এই ভাৱত ব্যাপী অশান্তি অৱাজকতাৰপ দাবানল নিৰ্বাপিত কৰুন। কংগ্ৰেস প্ৰতিষ্ঠান সমূহ হইতে কংগ্ৰেস কশ্মীৰা—বিশ্বমানব ধৰ্ম ও ৰক্ষকৰ্ম্য প্ৰচাৰ কৰুন।

ইহা অতিবসত্য কথায়ে,—অনাদিকালে হিমালয় পৰ্বতেৰ অতুচ্ছ প্ৰদেশ বাতীত সমগ্ৰ পৃথিবী সমুদ্ৰ জলে নিমজ্জিত ছিল ও সমুদ্ৰ মহনেৰ পৱ—বৰ্তমান মহাদেশ, দেশ, প্ৰদেশাদি সমুদ্ৰ গৰ্ভ হইতে উঠিত

হইবে কেন ? সেই অনাদিকালের দেবাস্তুর বিভাগ হইতে অনন্ত তটোচ্ছিল । হিমালয়ের সেই আদি মানব জাতি (দেব দৈত্যাদি) ক্রমে ক্রমে তারতবর্ষে, তিব্বত, চীনে, এসিয়া মহাদেশ ও সুন্দুর ইউরোপ, অফ্রিকা, আমেরিকা, ও শিয়ানিয়া বা সৌপপুজ্জে ও বিস্তৃতি লাভ করিয়াছিল এবং তাহাদের সুচিন্তা সুসভাতা—কোন কোন দেশে শিক্ষা দৌক্ষা প্রভাবে উৎকর্ষতা লাভ করিয়া জগতের শিখস্থানীয় হইয়াছিল ও কোন কোন দেশে শুভি বিলুপ্ততায়, শিক্ষা দৌক্ষা অভাবে বা বিলোপাদি কারণে অসভ্য বর্করুপে প্রতীয়মান হইতেছিল । সেই আদি মানব জাতি (দেব দৈত্যাদি) ক্রম দূরবর্তীভাবে ভাষার বিভেদ ও দেশাচার জাতি, ধর্ম, সামাজিক নিয়ম জন্মাইয়া বর্তমানে ঘোর স্বার্থান্বিষী ও হিংস্র ভাবাপন্ন হইয়া পড়িয়াছেন । সেই আদি মানবজাতি দেব দৈত্যাদিতে প্রতিদ্বন্দ্বীতা ভাব থাকিলেও, সংস্কারিক বৎসর ব্যাবত আরবীর ধর্ম প্রবাহে সমগ্র পৃথিবী অশাস্ত্রিয় হইয়া পড়িয়াছে ।

পৃষ্ঠেই বলা হইয়াছে যে, মুক্ত মুসলিম আরবের তাঁকালিক দেশাচার ধর্মই আরবীয় ধর্ম । পবিত্র কোরাণ, বাইবেলের ধর্ম আরবীয় বা অনাচার ধর্ম নহে । ইস্লামধর্ম তত্ত্বজ্ঞ অধ্যাপক গোদাবৰ্ত্ত বলেন, “হিন্দুদিগের যেমন উপযুক্ত গুরু পুরোহিতের অভাবে ধর্ম বিশ্বাসের অবনতি ঘটিয়াছে, তেমনি মুসলমান সমাজেও সংকীর্ণ স্বার্থ অস্ত মুসলমানদিগের ভাস্তুমত প্রচারের ফলে ধর্ম বিশ্বাসের অতীব অবনতি ঘটিয়াছে । ভারতে কেরাণের ধর্ম কথনও আগ্নেয়গোরব মণ্ডিত না হওয়ায় সাম্প্রাদায়িক বিবাদ একপ তৌরেভাব ধারণ করিয়াছে । ডাক্তার সিন্দিক বলেন, মহম্মদ কথনই ধর্ম প্রচারার্থে জেহাদ বা ধর্মযুদ্ধ করিতে বলেন নাই, পরমত সহিষ্ণুতাই ইসলামধর্মের সার অস্ত্র । বর্তমানে বহু মুসলমনই যে, এই সার তত্ত্ব ভুলিয়া কি কুকুর্মাটি করিতেছে, তাহা ভাবিলে বিশ্বিত হইতে হয় ।” বাস্তবিক এদেশের বৈকল্যের যেমন মহাপ্রভু চৈতন্যের দীক্ষা গ্রহণ করিয়া অনেকেই প্রকৃত বৈষ্ণব হইতে পারে নাই, তদ্বৰ্কন মরুময় আরবের অনাচারীরাও কোরাণ বা বাইবেলের দীক্ষায় দীক্ষিত হইয়া অনেকেই প্রকৃত মুসলমান বা প্রকৃত খৃষ্টান হইতে পারে নাই, বরং তাহাদের অনাচার অতাচার ও তদন্তুরূপ শিক্ষাদীক্ষা জগৎব্যপী হইয়া সর্বত্র অশাস্ত্র বিস্তার করিয়াছে ।

ধন্দেশ্বর সম্প্রদায়ের উৎপত্তি হেতু—অশিক্ষা ও কুশিক্ষাজাতি অনাচার ও  
সহস্র বৎসর ধারত আরবীয় ধন্দাদিগের নিপীড়নে অধঃপতিত—অতীত  
গৌরবের পুণ্যভূমি ভারতবর্ষ—নিবিড়বনান্ধকারে নিমজ্জিত থাকিলেও  
মহামতি হিউম প্রতিষ্ঠিত মহা সমিতি (কংগ্রেস) ও ভারতবন্ধু মটেও  
প্রবর্তিত কাউন্সিল তারতের আশা প্রদীপ প্রজ্বলিত করিয়াছে। স্বাত্ত্বারা  
বিশ্বমানবধর্ম ও বিশ্বমানবজাতি কথা অসন্তুষ্ট বলিয়া মতপ্রকাশ করেন,  
স্বাত্ত্বারা স্থিরচিত্তে চিন্তা করুন।

“সকলি সন্তুষ্ট প্রভু সর্বশক্তি মান,

তব ইচ্ছা ইচ্ছাময়” সকলি সন্তুষ্ট।”

স্বাত্ত্বারা কবীন্দ্র রবিন্দ্র নাথের বিশ্বভারতী ও ইউরোপের শান্তি  
সমিতির প্রাণি দৃষ্টিপাত করুন।

ভারতের বিবিধ ভাষা, বিবিধ ধর্ম, বিবিধ জাতির ভিতরে—কংগ্রেসের  
বাণী—ভারতীয় জাতি গঠনের কথা—কংগ্রেসের বাল্যাবস্থায় সকলেই  
কি অসন্তুষ্ট বলিয়া প্রকাশ করেন নাহি? কিন্তু স্বাত্ত্বাদের কথায় পশ্চাদ্পদ  
না হইয়া কংগ্রেসের অসাধারণ অধ্যাবসায় শুণে—আজি মে ভারতের এক  
প্রান্ত হইতে অপর প্রান্ত—পাঞ্জাবী, মারগাটী, দ্রাবিড়ী, তেলঙ্গানী, বেহারী,  
বঙ্গালী উড়িয়া, আসামী, বর্ষ্যদের প্রাণ একতানে একপ্রাণতার বাজিয়া  
উঠিয়াছে—তথাপি কি কেহ কেহ কংগ্রেসের নিন্দা চর্চা করেন না?  
স্বতরাং ধারতীয় মহোত্তম কার্য্যাবল্লম্বনে—অবিশ্বাসী, সন্দেহবাদী ও নিন্দকের  
সংখ্যা থাকিবেই। আদি মানবজাতির ভুলবশতঃ হিমালয়েই যে দেব  
দৈত্য জাতিভেদ সংঘটিত হইয়াছিল,—সেই ভুল সংশোধন জন্মত—  
বিশ্বমানবধর্ম ও বিশ্বমানব জাতি সংগঠিত হইবে। বিশ্বপতির ইচ্ছায়  
বর্তমান গোলটেবিল বৈঠকে ভারতের আপামর সকলেরই আকাঙ্ক্ষিত  
ওপনিবেশিক স্বায়ত্তশাসন প্রবর্তিত হউক। এবং কংগ্রেস কর্মী মহাভূরী  
—বিশ্বমানবধর্ম ও ব্রহ্মচর্য প্রচারে মনোনিবেশ করুন।

বিশ্বপতির যে মহা আহ্বানে নিয়ন্ত্রিত হইয়া—জগতে স্বাত্ত্বারা যে  
অতুলনীয় কীর্তি প্রতিষ্ঠাপূর্বক ঘোষাভাবিত বিমণিত হইয়াছেন, বিশ্বপতির  
সেই মহা আহ্বানে, সেই অতুলনীয় বিক্রমে—কংগ্রেসকর্মী মহাভূরী  
বিশ্বমানবধর্ম ও ব্রহ্মচর্য প্রচারে সাফল্য লাভ করিয়া ঘোষণার বিমণিত  
হউন।

কুসংস্কারের মোহপাশে গভীর অঙ্কারে নিমজ্জিত হইয়া বিশ্বমানব ভাই ভাই সম্পর্ক বিস্তৃত হইয়া—পশ্চাদির গ্রাম কলহ প্রিয়, আত্মদোষী আত্মঘাতী তটিতেছে! মোহ আবরণ উন্মোচন পূর্বক বিশ্বমানবজ্ঞাতি—বিশ্বমানবধর্মে ও ব্রহ্মচর্যে উন্নীত কর। তোমার প্রিয় ভক্ত রাজা, বাণী ও ধনীদিগকে ধর্মসংস্থাপনার্থে নিয়োজিত করিয়া তোমার বাক্য পালন কর।

“বদা যদাহি ধর্মশু প্রানি ভৰ্তি ভারত,  
অভ্যাথানম ধর্মশু তদা আন্যং স্ফজন ম্যহং।  
পরিত্রাণয সাধুনাং বিনাশায চ দৃষ্টতম,  
ধর্ম সংস্থাপনার্থায সন্তুবামি যুগে যুগে।” ( গীতা )

সখনট যথনট—বা ষৎকালে যদুরূপ ধর্মের প্রানি জনক অধৰ্ম অভ্যাখ্যিত হয়,—তৎকালে তদুরূপ ধর্মাত্মা বা ধর্ম প্রবর্তক স্ফজন করি। সাধুদিগের পরিত্রাণ বা সদাচার প্রতিষ্ঠা জন্ম—চুষ্টের দমন বা অনাচার দুর্বীলি বিনাশের নিমিত্ত—আমি প্রতি যুগেই ধর্ম সংস্থাপনার্থে নিয়োজিত আছি বা আবিভূত তট।

বর্তমান জগতের রাজন্তৰ্বর্গই ধর্ম সংস্থাপনার্থে নিযুক্ত আছেন বা আবিভূত তটইয়াছেন। রাজাৰ রাজা একুপ বিবিধ মতেৰ জাতিধর্মেৰ বা বঙ্গ গুণ্ডাদলেৰ দলাদলিতে উৎসন্ন হইবে কেন? বেদেৰ মেই অনাদি কালেৰ গ্রামত্বী উপসনার রূপক বা রূপান্তৰ লইয়াইত যাবতীয় ধন্যশাস্ত্র বা ধর্ম সম্পদায়েৰ উৎপত্তি এবং রূপান্তৰ সুবিজ্ঞ তত্ত্বদৰ্শী নৈয়ায়িক পঞ্জি ও স্বাস্থ্যতত্ত্ববিদ সুচিকিৎসকেৰ অভাব নাই, তবে উপাসনা, থাত্তাথাত্ত, ও বিবাহ বিচার ভেদাভেদেৰ মীমাংসা না হইয়া কতগুলি দল থাকিবা মানব সমাজ উৎসন্ন হইবে কেন?

রাজা, বাণী ও ধনীমহোদয়গণ মোহ নিদ্রা অপনয়নক্রমে জাগ্রত ও উত্থিত তটুন। উত্থিত রূপাণ কৰে অনাচারেৰ ও কুসংস্কারেৰ মোহজাল ছিন্ন করিয়া—সদাচারদীক্ষা গ্রহণপূর্বক বিশ্ব মানবধর্ম ও ব্রহ্মচর্য প্রচারে মানবসমাজ মানবধর্মে—মক্ষ্যুৎস্থে উন্নীত কৰন।

## বিজ্ঞাপন—দেবদাস এজেন্ট

ডার সান্নায়ার, কমিশন-এজেণ্ট ও কৃষ্টাঙ্কটর।

সুল, কলেজপাঠ্য ও অন্তর্গত সর্ববিধ পুস্তক, কালি, কলম প্রভৃতি  
এঙ্গ, মুগা, রেশমি, পশমি, সূতি—মিলের ও তাঁতের ধুতি, সারি, চাদর,  
গেঞ্জি ইত্যাদি এবং ব্রহ্মচর্য স্থাপক—স্বর্ণঘটিত মকরধ্বজ\* ও মোদকের  
অর্ডার পাঠাইলে অতিসহজ ও সুলভে ভিঃ পিঃ ডাকে বা বেলওয়ে পাশেলে  
আপ্ত হইবেন। জিনিসের নাম ও গ্রাহকের নাম ঠিকানা পটকুপে  
লিখিবেন।

এজেণ্ট—শ্রীকামিনী কুমার দাস ও শ্রীসুরেশচন্দ্ৰ দেব  
১২। ২। ৩ চাউলপট্টি—বেলিয়াঘাটা—কলিকাতা

\* সর্বত্র সর্বজন বিদিত যত্নগুলি জাতির স্বর্ণঘটিত মকরধ্বজ—  
অনুপান বিশেষের সত্ত্বে সেবনে, সর্বব্যাধি বিনাশক ও ব্রহ্মচর্য  
সংস্থাপক। শুক্রক্ষয় ও শুক্রদোষ নিবারণ ক্রমে, ব্রহ্মচর্য প্রতিষ্ঠা বা  
বীর্যধারণ শক্তির সহায়তাই এই মকরধ্বজ প্রাচারের উদ্দেশ্য। মকরধ্বজ  
প্রস্তুত শ্রণালী অতিব কঠিন কার্য্য, স্বতরাং বিজ্ঞাপনের আড়ম্বর বা  
পরনিন্দা আবশ্যক না হইলেও বাজারে বিজ্ঞাপন দেওয়া অত্যন্ত বা অত্যধিক  
দরের মকরধ্বজ অপেক্ষা এই খাটি জিনিষ উপযুক্ত মূল্যে খরিদ করিতে  
অনুরোধ করি। স্বায়বিক দুর্বলতায় ও মস্তিষ্কের পীড়ায় মকরধ্বজের  
তুল্য ঔষধ আজ পর্যাপ্ত চিকিৎসা শাস্ত্রে আবিস্কৃত হয় নাই। ইহা বায়ু,  
পিত্ত, কফরেচ, শুক্রক্ষয়, স্বাস, কাস, বাধক, প্রদৰ, ও জরা ব্যাধির  
মহীষধ। মূল্য প্রতি তোলা বা ভরি ১৬ মোল টাকা।

---

পাত্র ও পাত্রী—বঙ্গ কায়স্ত কুলীন ও মৌলিক শিক্ষিত পাত্র ও  
পাত্রী জন—বিশ্বমানবধর্ম অফিসে অনুসন্ধান করুন।

## বিশ্ব মানব-সংগ্রহ।\*

### সন্দাচার বিধি।

বিশ্বমানবের অনাচার ও কুসংস্কারের দণ্ডবিধি, সুসংকৃত উত্তরাধিকার, বিবাহ, শ্রান্ত, ধর্ম, দীক্ষা ও বিশ্বশাস্ত্র বিধি বিষয়ক—পাত্রলিপি।

### প্রস্তাবনা।

#### সপ্তাহী।

“সেখা আমি কি গাহিব গান ?

যেগো গভীর ওষ্ঠারে সাম বাঙ্কারে কাঁপিত দূর বিমান।

যেথো স্তুর সপ্তকে বাঁধিয়া বীণা বাণী শুভ্র কমলা আসীনা,  
রোধি তটিনী জল প্রবাহ তুলিত মধুর তান।

যেথো আলোড়ি চন্দ্রালোক শারদ করি হরিশুণ গান নাইন,  
মন্ত্র মুঞ্চ করিত ভুবন, টলাইত ভগবান।

যেথো যোগীশ্বর পুণ্য পরশে মুর্ত্তরাগ উদিল হরষে,  
পুণ্য সলিলা পতিতপাবনী জাহুবী জনম পান।”

জাগ্রত শপুত্রি শক্তিতে বা—আতাকলের পতন দৃষ্টে নিউটনের মাধ্য-  
কর্ষণ শক্তি আবিষ্কার, ভাতের হাড়ি জাল দিতে জ্বেম্সের এঞ্জিন  
আবিষ্কার, বেঙ্গ ও ইস্পাতের রাসায়নিক প্রক্রিয়ায় ষিফেন্সের টেলিগ্রাফ  
আবিষ্কার, বাল্মীকির “মরা মরা” বলিতে রামনাম বলা বা “মানিষাদ”  
বলিতে রামায়ণ রচনা, ইত্যাদির হ্রাস—পাশ্চাত্য পণ্ডিতদিগের  
পরিব্যক্ত—“পৃথিবী হইতে চন্দ্রের স্থষ্টি” বাক্যের সহিত প্রাচীন “সমুদ্র  
মহন” বিবরণের গবেষণায়—১ম সংখ্যার “বিশ্বব্যাপি জাগরণ” ও  
“নিবেদন” প্রবন্ধে বলা হইয়াছে যে, আদি মানবের বা দেব দৈত্য  
বিভাগাদির সময় হিমালয়ের উচ্চ শিখর প্রদেশ ব্যতীত সমগ্র পৃথিবী  
জলমগ্ন ছিল। সমুদ্র মহনের পর পৃথিবীর বর্তমান মহাদেশ, দেশ,  
প্রদেশাদি সমুদ্র গর্ত হইতে উঠিত হওয়ায়, দেব দৈত্যাদি বা আর্য্যা-  
নার্থ্যেরা হিমালয় প্রদেশ হইতে পৃথিবীর চতুর্দিকে উপনিবেশ স্থাপন  
করিয়াছিলেন। যাহারা হিমালয়ের দক্ষিণ দিকে ভারতবর্ষে আসিয়াছিলেন,  
তাহাদের বংশধর দেব দৈত্য বা আর্য্যানার্থ্যেরা প্রকৃতিবশে ও শিক্ষা

## বিশ্ব মানব ধর্ম।

দীক্ষা হারাইয়া কতকগুলি লোক বর্তমান বন্ধাবস্থায় পরিণত হইয়াছেন এবং কতকগুলি লোক শিক্ষা দীক্ষার অনুশরণে বর্তমান সভ্যতায় উপনীত হইয়াছেন। পৃথিবীর সমস্ত দেশেই এইরূপ অবস্থা সংঘটিত হইয়াছে।

ভারতীয় দেবদৈত্য বা আর্যানার্য মধ্যে রাজ্যিমন্ত্র (মনুসংহিতায়) প্রচার করেন, “ত্রাঙ্গণো, ক্ষত্রিয়ো, বৈশ্ণো, শুদ্রঃ নাস্তিতু পঞ্চমঃ”। তাহাতে পূর্বোক্ত ভারতীয় দেব দৈত্য বা আর্যানার্য মধ্যে, ত্রাঙ্গণ, ক্ষত্রিয় বৈশ্ণ নামে তিনটী সম্প্রদায় গঠিত হয় ও একদল লোক এই বিভাগ “কাঃ অস্তেঃ” বলিয়া প্রতিবাদ করায়, তাহাদের স্বার্ব কার্যস্থ বা আর্য \*সম্প্রদায় গঠিত হইয়াছিল।

এই ত্রাঙ্গণ, ক্ষত্রিয়, বৈশ্ণ, আর্য বা কায়স্থ + চতুর্বৰ্ণ ভিন্ন নিঃস্ব অশিক্ষিত সম্প্রদায় শুদ্র নামে অভিহিত হইতেছিল। এই সকল জাতি বিভাগের বিরুদ্ধে ক্রমে ক্রমে গৌতম বুদ্ধের বৌদ্ধ সম্প্রদায়, যিশু খৃষ্টের খ্রিস্টিয়ান, মহম্মদ রসুলের মহম্মদিয়ান বা মুসলমান, মহাবীরের জৈন

সেন, সিংহ, দেব, রাহা, কর, দাম, পালিতশ্চ,  
চন্দ, পাল, ভদ্রোধর, নন্দী, কুণ্ড সোমকশ্চ,  
রক্ষিতাঙ্গুর বিক্ষেপারাচা, নন্দনশ্চ তথাপর,  
নাথ, নাগ, দত্ত, দামস্ত, ঘোষ, বসু, গুহ, মিত্রঃ,  
সেনাদি নন্দনশ্চে মহাপাত্র প্রশংসিত,  
নাথাদি দাস পর্যাকৃৎ মধ্যম পরিকৌত্তিত,  
ঘোষাদি মিত্র পর্যাকৃৎ কনৌজ ইতি সংজ্ঞাশ্চা,  
মহাপাত্র, মধাঘৰ্ষণ, কনৌজাশ্চ তথা পরা,  
এতেষাং সপ্তবিংশতি শ্রীবল্লাসেন প্রশংসিত,  
নবধা শুণ সংপ্রাপ্ত সর্বে আর্য বিসংজ্ঞকঃ। (কুল দীপিকা)

+ এই আর্য বা কায়স্থ সম্প্রদায় মহারাজ বল্লাসেন বা সেনবংশের রাজত্ব পর্যন্ত আর্যজাতি নামেই পরিচিত ছিলেন। কিন্তু ত্রাঙ্গণ, ক্ষত্রিয়, বৈশ্ণ, শুদ্র জাতি মধ্যেও আর্যজাতি বিদ্যমান থাকার পরবর্তীকালে ইহারা আর্য আর্থ্যা পরিত্যাগ করিয়া কায়স্থ জাতি নামে পরিচিত হইয়াছেন ও প্রাচীন আর্যজাতির আচার ব্যবহার, বিবাহ, শ্রান্ত, অশোচাদি নিয়ম-পালন করিতেছেন।

সম্প্রদায়, মানকের নামকপঙ্কী, কবীরের কবীর পঙ্কী, শ্রীচৈতন্তের বৈষ্ণব সম্প্রদায় (ইহারা সনাতনী অর্থাৎ চতুর্বর্ণ সম্প্রদায়ের সহিত মিশ্রিত হইয়াছে), রাজা রামমোহন রায়ের ব্রাহ্ম সমাজ, স্বামী দয়ানন্দের আর্য সমাজ প্রভৃতি বিবিধ সম্প্রদায়ের স্থষ্টি হইয়াছে।\* ইহারা ব্রাহ্মণ

\* পূর্বোক্ত চতুর্বর্ণ বা সনাতনী হিন্দুসমাজ ও এই সকল যাবতীয় সম্প্রদায়ই আবার অসংখ্য শাখা প্রশাখায় বিভক্ত হইয়া—অসংখ্য ধর্ম সম্প্রদায়, অনন্ত জাতির স্থষ্টি করিয়াছেন। ইহা মানব জাতির ধ্বংসাবস্থা জানে একপ বিবিধরূপ বিবিধ মতবাদ সর্বতোভাবে পরিত্যাজ্য হওয়া আবশ্যিক।

“যে নদী মরণ পথে প্রবাহিত হয়,  
অসংখ্য শৈবালদাম বাঁধে আসি তায়।”

বঙ্গদেশীয় কায়স্ত, বৈদ্য ও নবশাখ সম্প্রদায় সনাতন হিন্দুধর্মনির্ণয়াকীয়া ব্রাহ্মণ প্রাধান্ত স্বীকৃতরূপে সনাতন বা বিশ্বমানব ধর্মের আদর্শ কথে বিদ্যমান রহিয়াছেন। বঙ্গ ও দক্ষিণ রাজ্যীয় কায়স্ত সমাজে কতিপয় বিবাহ পদ্ধতি প্রতিষ্ঠিত ও স্থান বিশেষে—কায়স্ত, বৈদ্য, নবশাখ মধ্যে কতিপয় বিবাহ নিয়ম প্রচলিত আছে। ইহা বাহারা দোষনীয় মনে করেন, তাহারা অচিরেই সদাচার দীক্ষায় দিব্যজ্ঞান লাভ করিয়া, এই সকল সমাজের মিশ্রণের উপায় অবলম্বনের দ্বারা বিশ্বমানবতা লাভের অধিকারী হইবেন। তদ্ভিত্ত, সাহা, সুবর্ণ বণিক, মাহিষ্য (কৈবর্তদাম) প্রভৃতি সমাজও “জীবে প্রেমদাতা গৌর নিতাই”র কৃপায়, কায়স্তাদি আদর্শ সমাজে মিশিবার উপযুক্ত হইয়াছেন, তাহারা স্বচেষ্টায় কায়স্তাদি সমাজে মিশিয়া বিশ্বমানবতা প্রসারের উপায় করিন्। এই সকল সমাজ ও অন্তর্গত যাবতীয় সমাজ—কায়স্তাদি আদর্শ সমাজের আচার, ব্যবহার, নিয়ম পদ্ধতির অনুকরণ—অনুশরণ করিয়া, বিশ্বমানব সদাচার দীক্ষা গ্রহণপূর্বক বিশ্বমানবতায় অগ্রসর হউন। বেদমাতা গায়ত্রী কোনব্যক্তি বা কোন সম্প্রদায়ের একাধিপত্য বিশিষ্ট (একচেটিরা সম্পত্তি) নয়। উহা মানব মাত্ত্বেরই পৈতৃক সম্পত্তি। অতএব নরনারী মাত্ত্বেই পবিত্র গায়ত্রী মন্ত্রে সদাচার দীক্ষায় দীক্ষিত হউন।

“মোরা না করিলে এ মহা সাধনা,  
এ জগত অৱি জাগে না জাগে না।”

প্রধানত অসহনীয় জ্ঞানে প্রাচীন পূজাপন্থের পরিবর্তে—উপাসনা মন্দির স্থাপন পূর্বক—উপাসনা, আহার্য ও বিবাহ নিয়মে অনাচার সংগঠিত করিয়াছেন। এই সকল সমাজের ও সন্মানের হিন্দু সমাজের হিংসা, দ্বেষ, দ্঵ন্দ্বভাব, অনাচার ও কুসংস্কার রহিতপূর্বক বিশ্ব মানব সমাজ পূর্ণ গৌরবে বিশ্বমানবতায় উন্নতি লাভের নিমিত্ত সদাচার বিধি প্রবর্তিত হওয়া আবশ্যিক।

অতীতকালের পুণ্যশ্রেণীক মহর্ষিবৃন্দের সুচিস্থিত গভীর জ্ঞান ও বর্তমান বিদ্বজ্ঞন মনীষিমণ্ডলী সমক্ষে বিশ্বমানবের ধর্ম, সমাজ, শাস্তি, স্বাস্থ্যাদির সুনিয়ন্ত্রণে উন্নিত হওয়া মৃত্যুসম বিভীষিকাময় হইলেও, তাঁহাদেরই জ্ঞান বিজ্ঞানমতে তাঁহাদেরই পদবুলী গ্রহণপূর্বক—বাণীশ্বরী জগন্মাতার মাতৃভূবাণীতে অনুপ্রাণিত হইয়া অকৃতোভয়ে প্রেক্ষণ করিতেছি যে,—

রচিব এ বিশ্ববিধি বিশ্ববাসী সবে,  
মহোল্লাসে মহোন্তমে মাতিয়ে মাতাবে ।

### সঙ্গীত ।

মানব সমাজ মানবের ( হায়রে ! )

কত সাধনা প্রার্থনা প্রভু শুনিবে আর জগতের ?

- ১। কোটী কোটী কলকৃষ্ণ পলকেতে অনিবার,  
ক'রনা বধির আর, ক'রনা বধির আর,  
সাজাইওনা অবতার, ঈশ্বরপুত্র, পয়গম্বর,  
বিশ্বদীক্ষায় মানব জাতি শিক্ষা কর সদাচার ।
- ২। বে সমাজে ঘেটুক ভাল তাই সব মিলন ক'রে,  
বিশ্বধর্ম্মে ব্রহ্মচর্যে গড় সবে সদাচারে,  
অবতার বা শুরুগিরী, হিংসা দ্বেষ দলাদলি,  
শুল্ক, ফাঁসি, মাদকাদি, ত্যজ সব পশ্চাচার ।
- ৩। তালাক, নিকা, ডাইভোসার্দি কর সবে পরিহার,  
পরদার, বেশ্যাবৃত্তি, বেশ্যাভিলাষ ত্যজ্য কর,  
গো, মহিষ হত্যা বলি, ক'রনা ক'রনা আর,  
বিলাসিতা, অলসতা ত্যজ সব পাপাচার ।

৪। পঞ্চ মহাদেশ মিলে, কর সবে আয়োজন,  
অনাচার, অত্যাচার হবে সব নিবারণ,  
কর চীফ প্রেসিডেন্ট, মিলে সব শাস্ত্রার্থমেণ্ট,  
বিশ্বশাস্ত্র বিধি মতে—ভাইরামকুক্ত প্রণেতার।

## হেতুবাদ।

১ ধারা। যেহেতু—আকৃতিক নিয়মের দুরধিগম্য দূরত্ব হেতু ও বিবিধ  
পর্যাচার্যা দিগের ধারা বিবিধ ধর্ম ও বিভিন্ন সমাজ প্রবর্তিত হইয়া মানব  
সমাজে হিংসা, দ্বেষ, কুসংস্কার ও যুদ্ধাদি প্রতিষ্ঠিত হইয়াছে এবং ব্রহ্মচর্যোর  
অবনতি প্রযুক্ত দুর্ব্যাধি, অল্পায় ও অকাল মৃত্যু বশতঃ বিশ্বমানব সমাজ  
ব্যংশোগ্নুপ অবস্থায় নিপত্তিত হওয়ায়—সদাচার ও ব্রহ্মচর্য প্রচার দ্বারা  
বিশ্বমানবের মিলন ও উন্নতি জন্ম—সদাচার বিরোধী কুসংস্কার ও  
অনাচারের দণ্ডবিধি, সুসংস্কৃত উত্তরাধিকার, বিবাহ, শ্রান্ত, ধর্ম ও দীক্ষা  
বিধি এবং বিশ্বশাস্ত্রবিধি প্রবর্তিত হওয়া আবশ্যক। ইহা ( প্রসিদ্ধতম  
মনু সংহিতা, বেদ বেদান্ত, গীতা, ত্রিপিটক, পুরাণ, কোরান, বাইবেলের  
সুসংস্কার বা ) বিশ্বমানব সদাচারবিধি নামে প্রসিদ্ধ হইবে।

যেরূপে বিশ্বব্যাপক হইবে।

২ ধারা। এই বিশ্বমানব সদাচারবিধি—প্রত্যোক দেশের ব্যবস্থাপক  
সভার অনুমোদিত মতে সেই সেই দেশের সর্বত্র বিস্তৃতি লাভ করিবে।  
এবং প্রত্যোক দেশবাসী প্রত্যোক ব্যক্তি স্বতঃপ্রবৃত্ত হইয়াও ইহা মাত্র  
আচরণ ও অনুশৰণ করিবেন। এতদূরপে অনাচার রহিত হইলেই—  
সর্বত্র সদাচার, সত্যধর্ম ও শাস্ত্র প্রতিষ্ঠিত হইয়া মানব সমাজেয়  
ক্রমোন্নতি বর্দিত হইবে।

## ১। কুসংস্কার ও অনাচারের দণ্ডবিধি।

৩ ধারা। ব্রহ্মচর্যের ক্রমাবন্তিতেই জগতের ক্রমাবন্তি সংঘটিত  
হইয়াছে, তদুন্নতম অবস্থায়ই সত্যাযুগ প্রবর্তিত বা জগতের ক্রমোন্নতি  
বর্দিত হইবে। ব্রহ্মচর্যের উন্নতি জন্ম সাহিক আহার প্রয়োজন,—  
ব্রহ্মচর্য ভষ্টকর মৎস্য মাংসাদি বর্জন ক্রমে সুস্থান্ত্যকর দুঃখ ঘৃতাদি ও কল  
মূল শস্তাদি প্রচুর রূপে উৎপাদন আবশ্যক। তদর্থে ও যানবাহনাদি  
নিমিত্ত এবং অস্বাস্থ্যকর মাংসাদি বর্জন জন্ম—মানবজাতির অত্যাবশ্রুকীয়

ও মহোপকারী জাত্বাদি অবধ্য হওয়া উচিত। অতএব যে কেহ গো, মহিষ, হাতী, ঘোড়া, গাধা, উষ্ট্র ও তৎ বৎসাদির মাংস ভক্ষণ করিবে কি এই সকল জাত্বাদি বলি কি কোর্কীনী করিবে বা থান্তার্থে কি বিনাশার্থে ক্রয় বিক্রয় বা পালন করিবে কিম্বা বধ করিবে, তাহাদের প্রত্যেকের অনধিক পাঁচ শত টাকা জরিমানা বা অনধিক পাঁচ বৎসর কয়েদ কিম্বা উভয় দণ্ড হইবে।

৪ ধারা। দুর্গন্ধ ও কামক্রেতাদির উভেজক, পীড়াদায়ক ও ব্রহ্মচর্য ভষ্টকর—পেয়াজ ও পচা দ্রব্যাদি (চাউল ও ময়দা জাত দুর্গন্ধজনক বা পীড়াদায়ক বাসী দ্রব্য, মৃগ, সুটকি মৎস্য প্রভৃতি) যে কেহ উৎপাদন, ক্রয় বিক্রয় কি ভক্ষণ করিবে তাহাদের প্রত্যেকের অনধিক একশত টাকা জরিমানা বা অনধিক এক বৎসর কয়েদ কিম্বা উভয় দণ্ড হইবে।

৫ ধারা। কেহ কোন নদী, খাল, পুষ্করিনী বা কুপাদি হইতে কেহকে স্বপেয় পানীয় জল গ্রহণের বাধা দিলে কিম্বা কেহ ঐরূপ পানীয় জল অপেয় করিলে তাহার অনধিক একশত টাকা জরিমানা বা অনধিক একবৎসর কয়েদ কিম্বা উভয় দণ্ড হইবে।

৬ ধারা। লজ্জা নিবারণ ও শীতাতপ হইতে দেহ রক্ষার জন্য পরিস্কৃত বস্ত্রাদি পরিধান করা উচিত। বিলাসিতা অর্থাৎ কারুকার্যাদি খচিত বা চির বিচিত্র বস্ত্রাদি ও স্ববর্ণাদির অলঙ্কার ধারণ—অহঙ্কার, অভিসার কাম প্রবৃত্তি উভেজক জনক, উহা ব্যভিচারের হেতু স্বরূপ, আত্মকলহ বা গৃহ বিবাদের, চোর ডাকাত, লম্পটাদির দৌরাত্মের কারণ স্বরূপ ও কণ্যা বিবাহ দিতে কণ্যাদাতার অতাধিক কষ্টকর হইয়াচ্ছে। স্বতরাং উহা গ্রহণ বা ধারণ করা বিপজ্জনক মহাপাপ, নিতান্তই গর্হিত কুকার্য। “পুত্রার্থে ক্রিয়তে ভার্যা” তদ্বিন শুক্রকর স্বাস্থ্য ও আয়ুর হানীকর। অতএব যে কেহ স্বর্গ নির্মিত অলঙ্কার ধারণ কি কারুকার্য খচিত বা চির বিচিত্র বস্ত্রাদি পরিধান করিবে, কি ষে কেহ উহা প্রস্তুত কি ক্রয় বিক্রয় করিবে বা তাহার সহায়তা করিবে, তাহাদের প্রত্যেকের অনধিক দুই শত টাকা জরিমানা বা অনধিক দুই বৎসর কয়েদ কিম্বা উভয় দণ্ড হইবে। হস্তী-দন্ত, মহিষাদির শৃঙ্গ নির্মিত, রৌপ্য, তাত্র, পিতল, লৌহ, দন্ত নির্মিত শাখা, চূড়ি, বালা প্রভৃতি স্বীলোকের এয়োল্তের চিহ্ন হইবে।

৭ ধাৰা। অশ্বীল ও হাবতাৰাদি পূৰ্ণ বাঞ্ছি খেমটা নাচ গানে কাম প্ৰবৃত্তি উভেজিত হয়। অতএব যে কোন পুৰুষকি স্ত্রীলোক তদ্বৰ্জন নাচ গান কৰিবে কি তদ্বৰ্জন নাচ গান হওয়াৰ সহায়তা কৰিবে কি যে কেহ উহা দৰ্শন কৰিবে তাহাদেৱ প্ৰত্যোকেৱও যেকেহ অশ্বীল রতি-ৱৰসোদীপক নাচ গানেৱ পুনৰুৎক কি চিৰাদি প্ৰকাশ কৰিবে কি ক্ৰয় বা বিক্ৰয় কৰিবে এবং যে কেহ অচিত্ত প্ৰতিমাদি বিসৰ্জন কাৰক মিছিল বাহিৰ কৰিবে বা তদ্বৰ্জন মিছিলে যোগ দিবে, তাহাদেৱ প্ৰত্যোকেৱ অনধিক একশত টাকা জৱিমানা বা অনধিক একবৎসৱ কয়েদ কিম্বা উভয় দণ্ড হইবে। অচিত্ত প্ৰতিমাদি বিসৰ্জন কৰা অনাবশ্যক। পূৰ্ব-কালে দুবৃত্তদিগেৱ দৌৱাঞ্চ্যাভয়ে প্ৰতিমাদি বিসৰ্জনেৱ বীতি প্ৰচলিত ছিল, বৰ্তমানে দুৰ্বৃত্ত দমনেৱ জন্ম, সংপ্ৰবৃত্তি জন্মাইবাৰ জন্ম, অচিত্ত প্ৰতিমাদি বৰ্ষা কৰা কৰ্তব্য হইবে।

৮ ধাৰা। যেকেহ অবিবাহিতা কি অন্তেৱ বিবাহিতা, কি ত্যজ্যা বা বিধবা স্ত্ৰীতে উপগত হইলে, কিম্বা তদ্বৰ্জনে কোন স্ত্রীলোক ইচ্ছাপূৰ্বক পৱপুৰুষ গামিনী হইলে, অৰ্থাৎ পৱস্ত্ৰীগামী ও পৱপুৰুষ গামিনী এবং তাহাৰ সহায়তাকাৰী প্ৰত্যোকেৱ অনধিক পাঁচশত টাকা জৱিমানা বা অনধিক পাঁচবৎসৱ কয়েদ কিম্বা উভয় দণ্ড হইবে।

মন্তব্য—(১) কেহ অবিবাহিতা কল্পায় সন্তান উৎপাদন কৰিলে, ত্ৰি অবিবাহিতা কণ্যা মেই ব্যক্তিৰ বৈধবিবাহিতা স্ত্ৰীৰ আঘাত গত্তা হইয়া স্বামী স্ত্ৰী অধিকাৰ প্ৰাপ্ত হইবে।

(২) কেহ অন্তেৱ বিবাহিতা কি ত্যজ্যা বা বিধবা স্ত্ৰীতে সন্তানেৎ-পাদন কৰিলে, মেই সন্তান মেই স্ত্ৰী লোকেৱ স্বামীৰ সন্তান বলিয়া পৱিচিত হইবে, কিন্তু মেই সন্তান উৎপাদনকাৰী—ত্ৰি সন্তানেৱ জন্মাবধি পঁচিশ বৎসৱ বয়ক্রম পৰ্যন্ত ভৱণ পোমণ ও শিক্ষাবাৰত মাসিক পঁচিশ টাকা বা ষথোপযুক্ত সাহায্য ত্ৰি সন্তানেৱ মাতাৱ নিকট বা উপযুক্ত অভিভাৱকেৱ হস্তে দিতে বাধ্য থাকিবে।

৯ ধাৰা। ত্ৰিভিক্ষুদি ও অকাল মৃত্যু নিবাৰণ জন্ম—জনন সংখ্যা অভ্যন্তৰিকৰণে বৰ্দ্ধিত না হওয়া এবং সদাচাৰ ও সংপ্ৰবৃত্তিৰ উৎকৰ্ষতা জন্ম—স্ত্ৰীপুৰুষেৱ বিবাহ বন্ধন অপৱিবৰ্তনীয় অৰ্থাৎ অচেহন্ত হওয়া আবশ্যক। তজ্জন্ম জগতেৱ শিক্ষা প্ৰবৰ্তক মাতৃজাতি—সতী সাধী সদাচাৰী না হইয়া

—স্বেচ্ছাচারিণী কুলটা হইয়া অনাচার অবলম্বন বা ধর্মশেষের পথ প্রদর্শক হইলেও—অচেত্ত বিবাহ নীতি ভিন্ন অন্ত কোনোরূপ স্বৰ্যবস্থা হওয়ার উপায় নাই। অতএব অচেত্ত বিবাহ নীতি না মানিয়া যে কোন রূপ বিধবা বিনাহ, তালাক, নিকাক কি পরদার বা বেশ্বাবৃত্তি হইবে তাহার নায়ক, নায়িকা ও সহায়তাকারী প্রত্যেকে পরস্তীগামী ও পরপুরুষগামিনীর স্থায় তুল্য অপরাধে (৮ ধারামতে) দণ্ডনীয় হইবে। কিন্তু স্বর্গীয় ঈশ্বরচন্দ্ৰ বিষ্ণুসাগৱ মহাশয়ের ব্যবস্থামূসারে—অক্ষতধোনী বিধবার পুনঃবিবাহ স্বয়ম্ভুবা মতে হইলে, যুতদার পুরুষের সহিত হইতে পারিবে। নচেৎ কোন কারণেই অচেত্ত বিবাহ প্রথা মতে বিবাহকারী স্তৌলোক বা পুরুষের দ্বিতীয়বার বিবাহ বা বিবাহ বিচ্ছেদ হইতে পারিবে না।

মন্তব্য—হিন্দুসমাজ প্রচলিত উক্তরূপ অচেত্ত বিবাহ নীতিট সর্বোৎকৃষ্ট। তপাপি বর্তমানে দেখা যাইতেছে যে, অচেত্ত বিবাহ প্রথামতেও কোন কোন পরিবারে অশান্তি ও বিশুজ্জ্বলা সংঘটিত হইতেছে,—তজ্জন্ম মানবের কৃচি অমুসারে খৃষ্টিয় সমাজ প্রচলিত বিবাহ রেজিষ্ট্ৰী ও কারণ বিশেষে স্বামী স্তৰী উভয়ই ডাইভোস' করিতে পারিবে। কিন্তু—

(ক) অচেত্ত বিবাহ প্রথামতে বিবাহ করিলে ডাইভোস' হইতে পারিবে না।

(খ) শুধু ডাইভোস' প্রথামতে বিবাহকারীরই ৮৯ ধারা মতে দণ্ডনীয় হইবে না।

(গ) ডাইভোস'কারী বা যুতদার বিবাহকারীকে ডাইভোস'কৃত বা অনাপত্যা বিধবাকেই বিবাহ করিতে হইবে, নচেৎ ৮ ধারা মতে দণ্ডনীয় হইবে।

(ঘ) অনাপত্যা বিধবা হওয়ার এবং ডাইভোস'কারীদের ডাইভোস' করার তাৰিখ হইতে একবৎসৰ মধ্যে বা গৰ্ভা-বস্থায় বিবাহ হইলে ৯ ধারা মতে দণ্ডনীয় হইবে।

(ঙ) ডাইভোস' মতে বিবাহ হইলেও অচেত্ত বিবাহ নীতি প্রতিপালিত হইতে পারিবে। উহা বিবাহের পৰ যে কোন সময় স্তৰী পুরুষের ইচ্ছা মতে চুক্তি পত্র স্বারাও দৃঢ়ীকৃত বা অচেত্ত হইতে পারিবে।

(চ) ভূমিষ্ঠ সন্তান পিতারই সত্ত্ব ও পিতামাতারই প্রতিপাল্য। তদ্বাবে পিতৃকুলের বা মাতৃকুলের প্রতিপাল্য হইবে।

(ছ) স্ত্রী বিনা কারণে স্বামীকে ডাইভোস করিলে, স্বামীর নিকট কিছুই পাইবে না । এবং স্বামীর বা স্বামী পরিবার হইতে প্রদত্ত সম্পত্তি হইতেও বঞ্চিত হইবে ।

(জ) স্বামী বিনা কারণে বা কোন কারণবশতঃও স্ত্রীকে ডাইভোস করিলেও যদি সে পুনর্বার বিবাহ না করিয়া সতীত্বধর্ম পালন পূর্বক স্বামীকুলে বা পিতৃকুলে কিস্বা কোন অনাথাশ্রমের আশ্রয়ে ব্রহ্মচর্য অবস্থনক্রমে পবিত্রভাবে বাস করে, তবে সে স্বামী পরিবারের অবস্থান্ত্বসারে উপযুক্ত গ্রাসাচ্ছাদন বা বৃত্তি পাইতে পারিবে ।

(ঘ) স্বামীর ব্যবহারে উত্তাপ্ত হইয়া স্ত্রী ডাইভোস করিলে বা স্ত্রীর ব্যবহারে উত্তাপ্ত হইয়া স্বামী ডাইভোস করিলে, ডাইভোস আদালত কর্তৃক মঞ্জুর হওয়া কালীন স্ত্রী স্বামীর নিকট হইতে একশত টাকা মাত্র পাইবে ।

১০ ধারা । কেহ বলাংকার করিলে বা যে কোন অবৈধকৰণে স্ত্রীলোকের উচ্ছার বিকল্পে সতীত্ব নষ্ট বা অভিগমন করিলে ও কেহ তদ্বপুর কার্য্যের সহায়তা করিলে, তাহাদের প্রত্যেকের যাবজ্জীবন কয়েদ হইবে । এবং যাহার প্রতি তদ্বপুর বলাংকার হইবে সেই স্ত্রীলোক বলাংকারকারীর যাবতীয় সম্পত্তির বা তাহার মূল্যের অদ্বিতীয় পাইবে । সেই স্ত্রীলোকের স্বামী থাকিলে তাহার সহিত কিস্বা কোন মৃতদার বা ডাইভোসকারী পুরুষের সহিত বিবাহ হইতে পারিবে । অথবা তাহার স্বামীকুলে বা পিতৃকুলে কিস্বা কোন অনাথ আশ্রমের আশ্রয়ে থাকিয়া ব্রহ্মচর্য অবস্থন করিবেন ।

১১ ধারা । কেহ বলাংকার বা সতীত্ব নষ্ট কিস্বা বেশ্যাবৃত্তি উদ্দেশ্যে কোন অবিবাহিতা কি বিবাহিতা কি ত্যজ্যা বা বিধবা কোন স্ত্রীলোক চূর্ণ কি অপহরণ, সংগ্রহ বা পালন করিলে বা কেহ তদ্বপুর কার্য্যের সহায়তা করিলে, তাহাদের প্রত্যেকের যাবজ্জীবন কয়েদ হইবে ।

১২ ধারা । কোন পুরুষ কি স্ত্রীলোক কেহ অবৈধ ব্রতিবিষয়ক বা অস্বাভাবিক অভিগমনে প্রবৃত্ত হইলে বা তদ্বপুরে রেতপাত করিলে কিস্বা অস্বাভাবিক রেতপাতের কোন ঘন্টাদি কেহ নির্মাণ করিলে কি কেহ ক্রয় কি বিক্রয় করিলে, তাহাদের প্রত্যেকের অনধিক দুই বৎসর কয়েদ কিস্বা সদাচারণের জামিন তলপ হইবে ।

১৩ ধারা। প্রচলিত দণ্ডবিধি আইনের ফাঁসি ও কশাঘাত বিধি রহিত হইবে। ফাঁসির পরিবর্তে যাবজ্জীবন কয়েদ ও কশাঘাতের পরিবর্তে—সহপদেশ, সদাচারণের জামিন বা সম্ভবমত জরিমানা কিম্বা কয়েদ দণ্ড হইবে। মহাপাপী বা মহা ধার্মিক, রাজা কি প্রজা, ধনী কি দরিদ্র, পশ্চিত কি মুর্য সকলকেই এ জগতে বাস করিতে হইবে। কিন্তু অপরাধ করিলেই দণ্ডিত হইতে হইবে, নিরপরাধীর ক্ষেত্রে স্পৰ্শও হইবে না। স্বতরাং কাহারো প্রাণ নাশ করা কি কাহারো শরীরে আঘাত করা, কেহকে অপ্রিয় বা অহিত জনক বাক্য বলা কিম্বা গালি দেওয়া অনুচিত। অপরাধীকেও সহপদেশ দানে ও আইন সঙ্গত লঘুদণ্ডে বা কঠোর দণ্ডে দণ্ডিত করিয়া সতর্ক করা এবং প্রিয় বাক্যে সন্তুষ্ট রাখা উচিত। সর্বত্র সর্বাবস্থায় সকলের সহিত সাম, দান, দণ্ড বা সাম্য, প্রীতি, মৈত্রীভাব আবশ্যিক। তেন নীতিতে বা কুটিল রাজনীতিতে রাজা বা রাজ্যের পতন নিশ্চিত। বৈষম্যভাবে, কঠোর শাসনে ও শাসনাভাবে প্রকৃতিপুঞ্জের উত্তেজনা, অরাজকতা বা রাষ্ট্রবিপ্লব অবশ্যন্তাবী।

১৪ ধারা। হিন্দু, মুসলমান, বৌদ্ধ, খৃষ্ণিয়ান প্রভৃতি সমাজের বহুতর তীর্থস্থান, মঠ, মন্দির, গিরজা, দরগা, মজিদ, উপাসনালয়, ভজনালয়, আখড়া প্রভৃতি বিদ্যমান আছে, উহা যে পরগণায় বা থানার এলাকায় অবস্থিত, সেই থানা কেন্দ্রের কোন মন্দিরাদি বা দাতব্য ঔষধালয়ের আশ্রয়ে—সেই থানার এলাকার অধিবাসীদিগের জন্ত বিশ্ব মানব ধর্ম প্রচারকের কেন্দ্রস্থান হইবে। সেই থানার এলাকার বাহিরের কোন পুরুষ কি স্ত্রীলোক কেহ—তীর্থস্থানা, হজ প্রভৃতি মানসে হোম, যজ্ঞ, নমাজ, ছুন্নত, মুণ্ডনাদি উদ্দেশ্যে তাহাদের থানার এলাকার বাহিরে গমন করিলে, কিম্বা কেহ কাহারো প্রতিনিধি রূপে এলাকার বাহিরে কি ভিতরে ঐরুৎ কোন কর্ম করাইলে, অথবা কোন পাঞ্জা কি প্রচারক বা অন্তর কোন বাস্তি ঐরুপ কোন কর্মে ক্ষেত্রে প্রলুক করিলে বা প্রবৃত্তি দিলে, তাহাদের প্রত্তোকের অনধিক একশত টাকা জরিমানা বা অনধিক এক বৎসর কয়েদ কিম্বা উভয় দণ্ড হইবে।

১৫ ধারা। রাজা, জমিদার, ধনী, পশ্চিত, রাজকর্মচারী, সন্যাসী মোহন্ত, ভিক্ষু, পরিব্রাজক, ব্রহ্মচারী, গুরু, পুরোহিত, মোল্লা, মৌলবী, মোলনা, পাত্রী, পোপ, দেশনায়ক, প্রচারক প্রভৃতি মানববন্ধুগণ—

বিশ্বমানব সদাচার দীক্ষা গ্রহণ না করিলে, বা প্রচার না করিলে, কি প্রচারের সহায়তা না করিলে এবং এই বিশ্বমানব সদাচার বিধির বিপরীত কি বৈষম্য ভাবের কোন ধর্মসমত বা প্রচলিত সাম্প্রদায়িকগতের হিন্দুধর্ম, বৌদ্ধধর্ম, মুসলমানধর্ম, খ্রিস্ট ধর্ম প্রভৃতি বিবাদ ও অশাস্ত্রিজ্ঞক ধর্মসমত বা তদ্দীক্ষা প্রচার করিলে কি তদ্বৰ্কপ্রচারের সহায়তা করিলে, অথবা যে কেহ এই বিশ্বমানব সদাচার দীক্ষা গ্রহণ না করিলে, কি বিশ্বমানব সদাচার ধর্মসমত ভিন্ন অন্ত কোন ধর্মসমত আচরণ করিলে, তাহাদের প্রত্যেকের অনধিক এক হাজার টাকা জরিমানা বা অনধিক দশবৎসর কয়েদ কিম্বা উভয় দণ্ড হইবে।

**মন্তব্য**—মানবের যাহা কিছু প্রয়োজনীয় বা আকাঙ্ক্ষিত তৎসমস্তই জগৎ পিতা পরমেশ্বর আদি পিতামাতাকে (পুরুষ প্রকৃতি বা আদিম ঈশ্বাকে) দিয়াছিলেন, তৎসূত্রে পুরুষানুক্রমিক শিক্ষা দীক্ষার প্রবাহেও নিলোপাদি কারণে কাহারো আকাঙ্ক্ষা উজ্জ্বল কাহারো বা ভয়স্তুপে পরিণত হইয়চ্ছে, ভয়স্তুপ অপসারিত করিতে পারিলেই আকাঙ্ক্ষা পূর্ণ হইতে পারে। স্বতরাং যশোলিপ্সায় বা লোক ভুলানো কি দল গঠনের উদ্দেশ্যে হোম, নমাজ, উপাসনাদি কারীরা দণ্ডযোগ্য। কিন্তু আবাহনিকাঃ প্রচলিত প্রসিদ্ধতম গায়ত্রী পাঠ বা ভগবানের স্তোত্রপাঠ নর নারী মাত্রেরই অবশ্য কর্তব্য। বেদমাতা গায়ত্রী মন্ত্রে প্রত্যেক মানবের সম অধিকার আছে ও ধাকিকে এবং তজ্জন্য গুরুগিরি অন্বাবশ্যক। নর নারী মাত্রেই তাহার পিতা, মাতা বা অভিভাবক কি প্রতিপাদক কিম্বা কুলপুরোহিত অথবা সদাচারদীক্ষা প্রচারক নিকট গায়ত্রী মন্ত্র অর্থাৎ সদাচার দীক্ষা গ্রহণ করিবেন।

১৬ ধারা। মানবমাত্রেরই জাতি পরিচয় মানবজাতি ও ধর্ম পরিচয় মানবধর্ম কিন্তু দেশ বা ভাষাভেদে হিন্দুস্থানবাসীরা হিন্দু, বঙ্গদেশবাসীরা বাঙালী, আফগানিস্থান বাসীরা আফগান, ইংলণ্ডবাসীরা ইংরেজ, ফ্রান্স-বাসীরা ফরাসী এতদ্বৰ্ক জাতি পরিচয় ভিন্ন কেহ দলগঠনের প্রথামত অর্থাৎ কেহ প্রচলিত হিন্দু, মুসলমান, বৌদ্ধ, খ্রিস্টানাদি; ব্রাহ্মণ, ক্ষত্ৰিয়, বৈশ্য, শুদ্ধাদি; ব্রাহ্ম, বৈশ্বব, শাক্ত, শৈবাদি; সিয়া, স্বামী, সেখ, মোগলাদি; নেটুব, প্রোটেষ্ট্যান্ট, ক্যাথলিকাদি; ইত্যাদিবৰ্ক ধর্ম কি জাতি পরিচয় কেহ লিখিলে, কি লিখিতে বা বলিতে কেহ জেদ করিলে,

কিস্বা লেখা বা বলার জন্ত কেহ কোন নিয়ম প্রণালী করিলে, তাহাদের প্রত্যেকের অনধিক দুইশত টাকা জরিমানা বা অনধিক দুইবৎসর কয়েদ কিস্বা উভয় দণ্ড হইবে। মানবের পরিচয় লিখিতে ও বলিতে নাম, পিতার নাম, সাকিন ছেশন, জেলা, পোষ্ট আফিস ও দেশের নাম লেখা ও বলা আবশ্যিক। যেমন বড় গাইর বাচুর হইলেই বেশী দুধ হয় না, তেমনি ঘূর, বৃক্ষ, মহাদেব, নানক, গৌরাঙ্গের শিষ্য হইলেই—জিতেন্দ্রিয়, সাধু, মহাঞ্চাল হইতে দেখা যায় না। সুঅরাং তদ্বৰ্কপ পরিচয় রূপ দলাদলি নিন্দনীয় ও দণ্ড যোগ্য।

১৭ ধারা। গ্রাম ধর্মসভার প্রাতঃস্মরণীয়া মচারাণী ভিক্টোরিয়ার দোষণা প্রাচুর্যসারে বর্তমানেও—ছাতি, বর্ণ, পর্য নির্ধিশেষে বাস্তি মাত্রেই যোগাতানুসারে যাবতীয় কর্ম ও শিক্ষা লাভের অধিকাবী। অতএব ভারতীয় বা বুটেনীয় কোন ব্যবস্থাপক সভায় (কাউন্সিল পার্লিয়ামেন্ট, ডিপ্রীকৃট বোর্ড, মিউনিসিপালিটী প্রতিতিতে) কেহ অহিন্দু বা অমুসলমান কি ইঞ্জিয়ান বা ননইঞ্জিয়ান ভাবে কেহ কোন ভোট প্রার্থী হইলে কি কেহ কোন ভোট দিলে বা কেহ তদ্বৰ্কপ ভোটের ব্যবস্থা করিলে এবং উক্ত অহিন্দু বা অমুসলমান কি ইঞ্জিয়ান বা ননইঞ্জিয়ান ভাবে—কেহ কোন চাকরীর বা কোন পরীক্ষার ব্যবস্থা করিলে, কি কোন চাকুরী প্রদান করিলে বা চাকরীর দাবী করিলে তাহাদের প্রত্যেকের অনধিক একহাজার টাকা জরিমানা বা অনধিক তিনি বৎসর কয়েদ কিস্বা উভয় দণ্ড হইবে।

১৮ ধারা। জগতের উন্নতির জন্ত ব্যবসা বানিজ্যকল্প ফাদ পাতিয়া পরাম্পরাপ্রচলন করা উৎকৃষ্ট পদ্ধা নহে। অলসতা ও অকেজে খেলাদি (তাস, পাসা, টেমিস খেলাদি) নিবারণ, কাঙ্গ কর্মাদি চাকচিকের প্রাবল্যতা ও বিলাস ব্যাভিচার বহিত পূর্বক জগতের চিরস্থায়ী উন্নতি জন্ত প্রত্যেক মানুষ ঘোড়শবর্ষ বয়ক্রম হইতে পঞ্চাশবর্ষ বয়ক্রম পর্যন্ত প্রতি বৎসর অন্যান্য দশটী ফলকর বৃক্ষের চারা বা কলম রোপণেও পাদন ক্রমে বক্ষণাবেক্ষণ না করিলে তাহার অনধিক দশটাকা জরিমানা বা দশদিন কয়েদ কিস্বা উভয় দণ্ড হইবে।

১৯ ধারা। প্রত্যেক স্কুল, কলেজ, মাতব্য চিকিৎসালয় ও অগ্রগত প্রত্যেক পাবলিক প্রতিষ্ঠানে একত্রকজন বিশ্বমানব সদাচার ধর্ম প্রচারক

(শিক্ষক) থাকিবেন। তদভাবে ঐরূপ প্রত্যেক প্রতিষ্ঠানের জন্মেক ঘটার বা অফিসার প্রতি সপ্তাহে অন্ততঃ একদিন অন্যান তুইঘণ্টাকাল বিশ্বমানব সদাচার ধর্ম ও ব্রহ্মচর্য বিময়ক শিক্ষা বা বক্তৃতা প্রদান না করিলে নির্দেশিত (তার প্রাপ্ত) বাক্তির অনধিক মশটাক জরিমানা বা অনধিক দশদিন কয়েদ কিম্বা উভয় দণ্ড হইবে।

২০ ধারা। এই অনাচার দণ্ডবিধির উল্লিখিত অপরাধের ভাবান্তরে শুধু পুরুষ কি শুধু স্ত্রীলোক বা স্ত্রী পুরুষ উভয়কেই অপরাধী বুঝাইবে। এবং অপরাধ ও অপরাধীর উদ্দেশ্য ভাব ও অবস্থানুসারে কয়েদ শব্দে সশ্রম বা বিনাশ্রমে এবং ষাবজ্জীবন দ্বীপাত্তির শব্দে অন্যান পাঁচ বৎসর হইতে কুড়ি বৎসরতক সশ্রম বা বিনাশ্রমে কয়েদ বুঝাইবে।

২১ ধারা। এই অনাচার দণ্ডবিধির বিপরীত বা বিভিন্ন প্রকারের যে দেশে যে কোন রাজকীয় বিধি, শাস্ত্রবাক্য বা দেশাচার প্রভা প্রচলিত আছে, তাহা রদ বা এতদ্বারা রহিত গণ্য হইবে। এবং এতদ্বারা অনুলিখিত ষাবতীয় অপরাধের দণ্ডবিধি প্রচলিত দণ্ডবিধি (পিনালকোড়) আইনানুসারে পরিচালিত হইবে। দেশবাসী স্বতঃ প্রত্যেক হইয়া দণ্ডবিধি মাত্র করিবেন ও দণ্ডযোগ্য কোন কুকার্য করিতে না হয়, তজ্জন্ম সর্বদা সর্তক থাকিবেন। অর্থাৎ কখনও দণ্ডযোগ্য কুকার্য কুব্যবহার বা কদাচার করিবেন না ও কু অভ্যাস কসংক্ষারের বশবর্তী থাকিবেন না। এবং সকলেই বিশ্বমানব সদাচার দীক্ষা গ্রহণ করিবেন।

## ২। উত্তরাধিকার বিধি ।

২২ ধারা। সন্তানগণ ভূমিষ্ঠ হইতেই ও বধুগণ বিবাহিতা হওয়া মাত্রেই গ্রাসাচ্ছাদন ও স্বশিক্ষা পাইতে সেই পরিবারের সকলের সত্ত্বে তুল্যরূপে অধিকারী হইবে।

২৩ ধারা। ভারতীয় সমাজের প্রগতিশূলীর পারিবারিক স্ত্রীলোকের অন্তঃপুরবাসিনী এবং পারিবারিক পুরুষের তাহাদের গ্রাসাচ্ছাদন যোগায় ও যোগাইতে বাধ্য। শাস্ত্র অনুসারেও তাহারা অবিবাহিতা কাল পর্যন্ত পিতার অধীনে ও বিবাহিতা হইলে স্বামী বা স্বামী কুলের অধীনে সন্তুষ্ট চিত্তে বাস করিবে, তদ্বিগ্ন কয়িন কালেও তাহাদের স্বাধীনতা নাই। ও তাহাদের কি পারিবারিক কাহারো কোন স্বত্ত্ব শাস্তি হইতে পারেনা,

বিশেষতঃ পুত্র পৌত্রাদি বর্তমানে স্ত্রী কন্যা কি অন্ত কেহই স্থাবর সম্পত্তির ওয়ারিশ হইতে পারে না । বিভিন্ন সমাজে বিভিন্ন নিয়ম থাকিলেও, তাহা স্ত্রী স্বাধীনতা ও বিশেষ সকল সমাজেই ভাগ বাটারা স্বারা ভয়াবহ অশাস্ত্-জনক বিধায় ইহাই আয় সঙ্গত শাস্ত্রজ্ঞক ও যুক্তিযুক্ত বিধিয়ে, কোন কারণেই পারিবারিক সম্পত্তি বিভাগ হইতে পারিবেনা এবং কোন স্ত্রী-লোকই পারিবারিক ভূসম্পত্তির মালিক হইতে পারিবেনা ও কথনও কোন কারণেই পারিবারিক স্ত্রীলোকেরা পারিবারিক সম্পত্তি হইতে গ্রামাচ্ছাদন পাইতে বক্ষিতা হইবেন না ।

২৪. ধারা । অন্তঃপুরস্থ গৃহাদি ( দালান, কোঠা, ঘর প্রভৃতি ) যাহাতে স্ত্রীলোকেরা শোয়া, বসা, আহারাদি করে, তাহাতে কেহ কোন কারণেই কেহকে বক্ষিত করিতে পারিবেনা । কিন্তু তাহাতে যাহাকে ঘৰপ অধিকার দেওয়া কি গৃহাদি মেরামত করিতে, অবস্থান্তর বা রূপান্তর করিতে পারিবারিক অধ্যক্ষেরই অধিকার থাকিবে । অন্তঃপুরের বাহিরের গৃহাদিতে ( বৈঠকখানা কাছারী মণ্ডপ প্রভৃতিতে ) স্ত্রীলোক দিগের প্রবেশাধিকার পারিবারিক অধ্যক্ষের ইচ্ছাধীন হইবে । ইহাতে একপ বুঝিতে হইবে না যে, স্ত্রীলোকেরা অন্তঃপুরের বাহিরে ভ্রমণ করিতে বা ফুল, কলেজে কি সত্তা সমিতিতে যোগদিতে পারিবে না । তদ্বিষয়ে তাহাদের রক্ষিযুক্ত হইয়া স্বাচ্ছন্দ্য অধিকার থাকা বুঝিতে হইবে ।

২৫ ধারা । এজমালী পরিবারের পৈতৃক, স্বোপাঞ্জিত ও ওয়ারিশ প্রাপ্ত যাবতীয় সম্পত্তিতে অধস্তন ও উচ্চার্তন পুরুষগণ সকলেই সম অংশে স্বত্ত্বাধিকারী হইবে । কিন্তু সেই পারিবারিক সম্পত্তি পারিবারিক ক্রমজোষ্ঠ ব্যক্তি বা পরিবার বর্গ মধ্যে ধার্মিক, সমদর্শী ও কার্য্যক্ষম কোন একব্যক্তির কর্তৃত্বাধীন হইবে । তিনি (সেই পারিবারিক অধ্যক্ষ ) পরিবার বর্গের ভরণ পোষণ সুশিক্ষা প্রভৃতি অত্যাবশ্রাকীয় কার্য্যার্থে ও পারিবারিক হিতার্থে সম্পত্তির আদায় তহশিল আবাদ পত্রনাদি রক্ষণাবেক্ষণ করিতে ও অবস্থা বিশেষে বন্ধকাদিতে কি বিক্রয় করিতেও পারিবেন । তদভিন্ন বা তদন্তুমতি ব্যতীত অন্ত কেহ তদ্বলপ কিছু করিতে পারিবেনা ও তদ্বলপ কাহারো ঋণের জন্ম ও ঐ পারিবারিক সম্পত্তি দায়ী হইবে না । অধ্যক্ষ চিরকালের তরে কোন সম্পত্তি হস্তান্তর করিতে হইলে মালিক সকলের

যোগে তাহা সম্পাদন করিতে হইবে। নচেৎ আপত্তি কারকের প্রতি তাহা কার্য্যকরী হইবেনা।

২৬ ধারা। পরিবার বর্গ মধ্যে উপযুক্ত অধ্যক্ষের অভাব হইলে অধিকাংশের মতানুসারে কোন আভৌষিণ ব্যক্তি অধাক্ষ মনোনীত হইবে। এতদ্রূপ নিয়ম ব্যতীত কোন কারণেই পারিবারিক সম্পত্তি বিভাগ হইতে পারিবে না। কেহ কোন কারণে পৃথকান্ব হইলে, সেই পৃথকান্ব ব্যক্তি বা ব্যক্তিরা তাহাদের অংশমত উপন্থত ও বসবাসের অধিকার পারিবারিক অধ্যক্ষের নির্দেশ মতে বা সালিসি মতে প্রাপ্ত হইবে।

২৭ ধারা। পারিবারিক মালীক তিনি যাহারা শুধু ভরণ পোষণ পাইতে অধিকারী (পারিবারিক স্তৌলোকেরা) তাহাদের কাছারো প্রতি প্রাপ্তি প্রাপ্তি মালিকেরা অত্যাচার করিলে, তিনি কোন ঘনিষ্ঠ আভৌষিণ পরিবারে পারিয়া বা কোন অনাধিকারী আশ্রয়ে থাকিয়া, পারিবারিক আয়ানুসারে উপযুক্ত গ্রাসাচ্ছাদন বা বৃত্তি পাইতে পারিবে।

২৮ ধারা। পরিবার বর্গের গ্রাসাচ্ছাদন ও শিক্ষা ব্যতীত সন্তানগণের বিবাহ সম্পন্ন হইতেও পারিবারিক সম্পত্তি দায়ী বটে। কল্প সন্তানেরা বিবাহিতা হইলে পিতৃপারিবারিক সম্পত্তিতে তাহার কোন প্রাপ্তি দাবী বা ওয়ারিশ হইতে পারিবে না। কিন্তু স্বামী পুত্রাদি বিহীন। তইয়া পিতৃপরিবারে বাস করিলে গ্রাসাচ্ছাদন পাইতে অধিকারী থাকিবে। পারিবারিক সেবা সুরক্ষা আহার্য প্রস্তুত ও সন্তান পালন পারিবারিক স্তৌলোকদিগের অবশ্য কর্তব্য, এই কর্তব্য কার্য্য সমূহ অন্ত কাহারোদ্বারা সুচারুরূপে নির্ধারিত হইতে পারেনা। এবং এই কর্তব্য কার্য্য সমূহের গুরুত্বার এত অধিক যে, তাহারা আর অন্ত কোন কার্য্য করিতে অবসর পাইতে পারে না। সেবা সুরক্ষা ও সন্তান পালন জন্য ধাত্রী বিদ্যা শিক্ষা করা স্তৌলোকের পক্ষে একান্ত কর্তব্য।

২৯ ধারা। যে কারণেই হউক সরিকি বাড়ীতে বাস করা কাহারো পক্ষে অশান্তিজনক হইলে, শান্তি ও স্বীকৃতি জন্য কোন আভৌষিণ সমূপে শুন্দি বন্ধু সমাযুক্তভাবে বাস করিবে। তদ্বিমু কখনও স্বজনগণ বা সরিকান সহ বিবাদ করিবেনা বা শক্ত বেষ্টিতরূপে বসবাস করিবে না। এতদ্রূপে কাহারো বসতবাস ত্যাগ করিয়া আভৌষিণ বন্ধুজন সহ বাস করিতে হইলে যাহাতে তাহাদের সহিত কোনরূপ বিবাদ নাহয়, শান্তিতে বাস

করা যায়, সর্বাগ্রে তাহার ব্যবস্থা করিবে। কিন্তু এজমালী পরিবারে থাকা কেনে কেনে বিষয় অশান্তি ও ক্ষেত্রায়িক হইলেও এজমালী পরিবার হইতে বিচ্ছিন্ন হইয়া তৃণাদপি তৃণ হওয়া বা সংশোধনু অবস্থায় নিপত্তি হওয়া অপেক্ষা এজমালী পরিবারে থাকাই শ্রেষ্ঠকর। পারিবারিক কর্তাকে বিশেষরূপ বৈর্যগুণ বিশিষ্ট, নিরপেক্ষ ও সমদৰ্শী হইতে হইবে। এবং এই এজমালী পরিবার প্রথা ধৈ পরিবার বর্গের কাছারো কিম্বা অন্ত কাছারো কষ্টায়িক হইয়া না উঠে তৎপ্রতি পারিবারিক কর্তাকে বিশেষ সতর্ক হইয়া চলিতে হইবে।

৩০ ধারা। এজমালী পরিবারের পুরুষ মালীকগণের অভাবে ভিন্ন পরিবর্তের সপ্তাহ, সকুল্যাদি ব্যক্তি বা ব্যক্তিরা ঐ এজমালী পরিবারের প্রতিপাল্যদিগের প্রতিপালন দায়বৃক্ত ভাবে দায় ভাগ মতে (বঙ্গদেশের প্রচলিত দায়াধিকার আইনানুসারে) পিণ্ডাধিক্য কৰ্মবর্তী কর্মে উত্তরাধিকারী হইবে।

৩১ ধারা। উত্তরাধিকার ও বিবাহ সম্পর্কে পূর্বোক্ত বিধানমতে প্রচলিত দায়ভাগ আইন সংশোধিত হইয়া, সংশোধিত দায়ভাগ আইন প্রচলিত থাকিবে। তদ্ব্যাতীত বিবাহ ও উত্তরাধিকার সম্পর্কীয় যাবতীয় আইন অর্থাৎ পূর্ববর্তী সংহিতাদি, মহম্মদীয় ল, খৃষ্ণীয় ম্যারেজ একটি প্রতিযাবতীয় সাম্প্রদায়িক আইন রহিত গণ্য হইবে বা এতদ্বারা রহিত করা হইল।

### ৩। কুল পুরোহিত নির্বাচন বিধি।

৩২ ধারা। প্রত্যেক গ্রামে ধার্মিক, সমদৰ্শী, শাস্ত্রজ্ঞ (আইনজ্ঞ) ব্যক্তি কুল পুরোহিত মনোনীত হইবে। তদ্বৰ্তন গুণী ব্যক্তি ভিন্ন পুরুষাগুরুমিক কেহ (পুরোহিতের পুত্র পুরোহিতাদিক্রপে কেহ) কুল পুরোহিত হইতে পারিবেন না। এতদ্বৰ্তন নির্বাচিত কুলপুরোহিত বিশ্ব মানব ধর্ম ও ব্রহ্মচর্য শিক্ষা প্রদান করিবেন। এবং বিবাহে সম্প্রদান বাক্যলিপি পাঠ ও বাক্যলিপি বা ঘৌতুক দানপত্রের সাক্ষী হইবেন, ও আক্ষে পিণ্ডান বাক্য পাঠ ক্রিয়া সম্পাদন করিবেন। তদ্বিন্ন পূর্ব প্রচলিত পুরোহিত মাত্র উপনয়ন ও দেবার্চন ক্রিয়াদি সম্পন্ন করিবেন। শাস্ত্রমতে ও প্রচলিত প্রথানুসারী শিষ্যেরা দৌক্ষা শুকুর আজ্ঞাবহ ভৃত্যবৎ

এবং গুরুদেব ঈশ্বরবৎ শিষ্যদিগের পূজিত। এই প্রথা অতিব ঘৃণিত ও গর্হিত। কারণ এই প্রথা ধারা ব্যক্তিকে ঈশ্বরস্থানে বসাইয়া পরমেশ্বরের অবমাননা করা হয়, দেশের রাজা অপেক্ষাও মাননীয় করিয়া গুরুদেব দিগকে অত্যন্ত দাঙ্গিক করা হয় ও রাজিশাসনের বিশুষ্টলা উৎপাদিত হয়। সুতরাং এই গুরুগিরী বিলুপ্ত হইবে, গুরুর উপদেশের কার্য কুলপুরোহিত ও সদাচার ধর্ম প্রচারক এবং পূজা পন্দিত বা দৈন কার্যাদি প্রচলিত পুরোহিত নির্বাচ করিবেন। গুরু কুলের তাহাদের মোগ্য তাত্ত্বারে শিক্ষকতা, বা সদাচার ধর্ম প্রচারকের কার্য কিম্বা অন্ত বৃত্তি অবলম্বন করিবেন।

বিশ্বমানব ভাই ভগিনীগণ—দীক্ষিত অদীক্ষিত প্রত্যেক নবু নারীই, সদাচার দীক্ষা পাঠ ও শ্রবণ পূর্বক স্বয়ং বা পিতা, মাতা, অভিভাবক, প্রতিপালক, কুলপুরোহিত কিম্বা সদাচার ধর্ম প্রচারকের নিকট দীক্ষিত হইবেন। তদন্তধার বা এই সদাচারদীক্ষা প্রচারাবধি অন্ত কোন ব্যক্তি বা কোন গুরু নিকট—এই সদাচার দীক্ষা ভিন্ন অন্ত কোনরূপ দীক্ষা গ্রহণ করিলে, তদন্তপ দীক্ষিত ব্যক্তি ও দীক্ষাগুরু এবং তাহার সহায়তা-কারী প্রত্যেকে ১৫ ধারা মতে দণ্ডনীয় হইবে।

#### ৪। বিবাহ বিধি।

৩০ ধারা। বিবাহে—বরকন্তার আত্মীয় স্বজনের সশ্রিতন ও সামাজিক বিদ্যায় প্রথা, চুলী, মালী, ধোপা নাপিত, এয়েছুয়ো, গানবাজনা, মিছিলাদি ও বছলোকের নিগন্ত্রণ ভোজন ইত্যাদি সাক্ষী বিষয়ক প্রাচীন প্রথার পরিবর্তে—গুরুবিবাহের পাতিপত্রের কার্য মেটে দিলমেই সম্পন্ন করতঃ কন্তাদাতার সম্প্রদানবাক্য ও বরের স্বীকারেক্তি বাক্য এবং ঘোতুকদানপত্র প্রচলিত রেজিষ্ট্রী অফিসে রেজিষ্ট্রারী করিয়া বর ও কন্তা মে কোন সময়ে সশ্রিতিত হইবে, এই নববিধানই অন্তর্ধিক শ্রেষ্ঠকর। অতএব এই নববিধানের কার্য না করিয়া যে কেহ প্রাচীন প্রথার কার্য করিবে ও যেকেহ তদন্তপ কার্যের সহায়তা করিবে, তাহাদের প্রত্যেকের অনধিক দুইশত টাকা জরিমানা বা অনধিক দুইবৎসর কয়েদ কিম্বা উভয় দণ্ড হইবে।

#### ৫। শ্রাদ্ধ বিধি।

৩৪ ধারা। শ্রাদ্ধে—একাদশা, বৃষ্ণোৎসর্গ, ষোড়শ, মহলন্দাদি, বছ-

লোকের নিমন্ত্রণ ভোজন প্রতি প্রাচীন প্রথা অপেক্ষা—মৃতব্যক্তির বা তদ্বৎশীয় শুণবান ব্যক্তির জীবন চরিত প্রকাশ, ধর্মনীতি, রাজনীতি, জীবিকা বা সুলপাঠ্য বিষয়ক পুস্তক মুদ্রন, পত্রিকাদি প্রচার, পুস্তকিনী খনন, রাস্তা নির্মাণ, বৃক্ষাদি রোপণ, সুল, পাঠশালা, অন্নসত্ত্ব বিশামাগার প্রস্তুত বা তদ্বৰ্কণ প্রতিষ্ঠিত সুল, পাঠশালা, অন্নসত্ত্ব প্রতিষ্ঠিতে এককালীন দান বা বৃক্ষ প্রদান ইত্যাদি মৃতব্যক্তির নামে স্মৃতিজনক কার্য্য করা এই নব বিধানই অত্যাধিক শ্রেষ্ঠত্ব। পূর্বোক্ত একাদশাদি শান্তিকর্ম পিতা মাতাদিরুর প্রতি শক্তি কৃতজ্ঞতাদি উদ্দেশ্যে স্মজিত হইয়া থাকিলেও বর্তমানে ঐ শান্তিকাদি ক্রিয়ায় পিতৃমাতৃ ভক্তি শান্তিকাদি পরিলক্ষিত হয় না, বিশেষতঃ অনেকস্থলে দেখা যায়, পিতামাতাদি জীবিত থাকিতে ঔষধ পগ্যোদিও মিলে না কিন্তু মরিলে ছইশত, পাঁচশত টাকা যায় না করিলে কোন ক্ষেত্রেই শুন্দ হওয়া যায় না বা পুত্রাদির গলার দড়ি কাটা যায় না, ভিক্ষা করিয়া বা কর্জ করিয়া যে প্রকারে হউক গলার দড়ি কাটাইতেই হবে, ইহা অবশ্য কর্তব্য হইয়া দাঢ়াইয়াছে! একপ কুঅভ্যাস কুসংস্কার সর্বতোভাবে স্মরিত ও অনিষ্টদায়ক বিধায় সকলেরই পরিত্যাগ করা কর্তব্য। “জীবিতে বাক্য পালনং যুতে ভুরি ভোজনং গয়ায়া পিণ্ডানশ্চ” পুত্রের প্রতি এই তিনটী বিশেষ কর্তব্যাদেশেও একাদশাদি শান্তি ক্রিয়ার বিধান নাই। অতএব যে কেহ এই নববিধানমত কার্য্য না করিবে বা প্রাচীন প্রথায় কার্য্য করিবে কি তাহার সহায়তা করিবে, তাহাদের প্রত্যেকের অনধিক ছই শত টাকা জরিমানা বা অনধিক ছই বৎসর কয়েদ কিম্বা উভয় দণ্ড হইবে।

৬। বিশ্বমানব সদাচার ধর্মবিধি—৩৫ ধারা।

৭। বিশ্বমানব সদাচার দীক্ষাবিধি—৩৬ ধারা।

(১ম সংখ্যায় ১—৪ পৃষ্ঠায় লিখিত হইয়াছে।)

### ৩৫। ৩৬ ধারার মন্তব্য

(১) কেহ কেহ জিজ্ঞাসা করেন, বিশ্বমানব ধর্ম কি? তদৃত্তরে সনাতন ধর্ম বলিলে, সনাতন ধর্মের বিশ্বতি বশতঃ বলে যে, সনাতন ধর্ম কি? অতএব সকলকেই জ্ঞাপন করা যাইতেছে যে, গৌতমবুদ্ধের আবির্ভাব কালে ভারতীয় চিরাগত ধর্ম বা সনাতন ধর্ম যাহা জাতিভেদে

বিকৃতি প্রাপ্ত হইয়াছিল, সেই বিকৃতি প্রাপ্ত চিরাগত সন্মতিনথি শুন্দুক-  
কপে এবং বুদ্ধি, যীশু, মহম্মদ রসূল প্রভৃতি ধর্ম প্রচারক মহাআরা—ব্রাহ্মণ  
প্রাধান্ত অসহনীয় হইয়া ও জাতিভেদ রহিতার্থে—দশবিধি সংস্কার বিশেষতঃ  
উপনয়ন সংস্কার রহিত করিয়া যে ভুল করিয়াছিলেন, ঈশ্বরদের প্রতিষ্ঠিত  
সমাজের সেই ভুল সংশোধন পূর্বক শুন্দুকসদাচার সন্মতি ধর্ম প্রচার  
বিশ্বমানব সদাচার ধর্মের উদ্দেশ্য।

(২) বুদ্ধের উপদেশে—“জাতিভেদ রাখিও না” বলায়, তদ্বিষয়েরা  
এবং পরবর্তী খৃষ্ণ ও মহম্মদীয় ধর্ম প্রচারকেরা—দশবিধি সংস্কার বিশেষতঃ  
উপনয়ন সংস্কার জাতিভেদের কারণ ঠিক করিয়া, সংস্কার সমূহ লোপ  
করিয়াছিলেন, বাস্তুবিক উপনয়ন সংস্কার জাতিভেদের কারণ নহে, বরং  
মানবের পুরুষানুকরণ কর্মের সুবিধার্থে সহায়ক বটে। মেহেতু—ব্রাহ্মণাদি  
ত্রিবিধি উপনয়ন সংস্কারক সত্ত্বেও ব্রাহ্মণ ও ক্ষত্ৰিয়াদি অভেদকৃপে বিবাহ  
সম্পর্কের বহু দৃষ্টান্ত রাখায়ণ, মহাভারতাদিতে বিশ্বমান রহিয়াছে এবং  
অস্তাপি ও আহার বাবহাতাদির অভেদ নিয়ম প্রচলিত আছে। ও তছন্দেশেই  
শঙ্করাচার্য দশবিধি সংস্কার পুনজৰ্ণীবিত করিতে প্রয়াসী হইয়াছিলেন। কিন্তু  
তদ্বিষয়েরা তছন্দেশ ভুলিয়া বৌদ্ধধর্মের বিরুদ্ধে অভিযান করিয়াছিলেন,  
তৎকলস্বরূপ ভারতে এচ্ছাম আদিপত্য ঘটিয়াছিল।

(৩) বিশ্বমানব ধর্মবিধি ৩৫ মারাৰ (ঘ) প্রকরণে জাতি মানবজাতি  
অর্থাৎ জাতিভেদ থাকিবে না বলা হইয়াছে, কিন্তু দশবিধি সংস্কার  
বিশেষতঃ উপনয়ন সংস্কার বিষয় কিছুই বলা হয় নাই। ইত্যৱাচ বলা  
আবশ্যক যে, বিশ্বমানব জাতি মধ্যে যাহারা দশবিধি সংস্কার গ্রহণ করিতে  
ছেন, তাহারা ভিন্নও সকলকেই দশবিধি সংস্কার বিশেষতঃ উপনয়ন সংস্কার  
গ্রহণ করিতে হইবে। কিন্তু বর্তমান অগ্রায় যে, জাতি অনুসারে উপনয়ন  
সংস্কার প্রদত্ত হইতেছে, একপ হইবে না। অর্থাৎ প্রত্যেক পরিবারের  
প্রত্যেক ব্যক্তির প্রকৃতি বা শ্রমকর্মানুসারে উপনয়ন সংস্কার প্রদত্ত হইবে।  
যথা রাম ব্রাহ্মণ, ক্ষত্ৰিয়, বৈশু বা অন্য যে কুলেই জন্মগ্রহণ করক  
তাহার ১ম পুত্র শ্রাম যজন যাজনাদি কার্য্যে অভ্যস্ত হইলে, তাহার  
ব্রাহ্মণ সংস্কার হইবে। ২য় পুত্র হরি রাজা হইলে বা রাজকীয় কার্য্য  
করিলে, তাহার ক্ষত্ৰিয় সংস্কার হইবে। ৩য় পুত্র যছ কৃষি, বানিজ্য, শিল্প  
কার্য্যাদি করিলে, তাহার বৈশু সংস্কার হইবে। কিন্তু কখনও একপ

উপনয়ন সংস্কার জাতি অনুসারে হইবে না বা জাতি ভেদের স্থিতি করিবে না । এতদ্রূপে উপনয়ন দীক্ষা প্রদান করিতে যদি দ্বাদশ বর্ষ মধ্যে কোন ব্যক্তির প্রকৃতি বুঝা না যায় বা শ্রম অভ্যাস স্বনিশ্চিত না হয়, তবে ঘোড়শ বর্ষ বা তদুর্ক বয়স অভিক্রম করিয়া উপনয়ন ও সদাচার দীক্ষা প্রদত্ত হইবে । এইরূপে উপনয়ন সংস্কার প্রদান না করিয়া, কেহ ইহার বিপরীতভাবে অর্থাৎ প্রচলিত প্রথাগতে জাতি অনুসারে উপনয়ন সংস্কার প্রদান করিলে, কি কেহ তদ্রূপ উপনয়ন সংস্কার গ্রহণ করিলে, বা তাহার সহায়তাকারী প্রত্যেকে ১৫ ধারা অনুসারে দণ্ডনীয় হইবে ।

(৪) শুদ্ধরূপে কাহারো উপনয়ন সংস্কার ছিল না ও হইবে না । বর্তমানে উচ্ছিষ্টসেবী দাসদাসী, মেথৰাদি শুদ্ধরূপে গণ্য হইতেছে । কিন্তু মহাভারতে জ্ঞান ধর্ম প্রচারক ( খন্দিক বা পুরোহিত ) বিচারক ( রাজা ) পরিচর্যাকারক ( ডাক্তার, ভূত্য প্রভৃতি ) স্থুল কথায় মানবের মনের ও সাম্প্রদায়ের সেবাকারী বা মানবমাত্রকেই শুদ্ধরূপে বর্ণিত হইয়াছে । এ সম্বন্ধে স্বতন্ত্র প্রবন্ধে আলোচিত হইবে ।

“চতুর্বৰ্ণ ময়া সৃষ্টি গুণ কর্ম বিভাগশঃ । (গীতা)

ত্রাঙ্কণো ক্ষত্রিয়ো বৈশ্ণো শৃঙ্গঃ নাস্তিতু পঞ্চমঃ । (মহু)

পুরুষাভ্যুক্তমিক কর্ম দ্বারা কর্ষ্ণোর্তি জন্মট ত্রাঙ্কণাদি উপনয়ন সংস্কার প্রচলিত হইয়াছিল । কিন্তু তাহাতে কুসংস্কার, কুঅভ্যাস, কুশিক্ষাদি প্রবেশ করিয়া জাতিতে স্ফজিত হইয়া—মানব জাতির ঘোরতর অধঃপতন বা মহা অনিষ্ট সাধিত হইয়াছে । অতএব তাহার স্বসংস্কার পূর্বক সত্য-যুগ অপেক্ষাও শ্রেষ্ঠতম মানবসমাজ গঠন করা—বিশ্ব মানব ধর্ম ও সদাচার দীক্ষা প্রচারেরে উদ্দেশ্য । যদি একথা কেহ গল্প, কল্পনা বা পরিহাস ঘোগ্য মনে করেন, তবে তিনি আরও স্ফুল্লরূপে বুঝিবেন যে,—সত্যযুগ সত্যে আবক্ষ, সত্যে প্রতিষ্ঠিত ছিল, বর্তমানযুগ—আইনে শৃঙ্খলিত, স্ববিচারে স্বপ্রতিষ্ঠিত হইবে, যুদ্ধাদি অনুর বৃত্তি তিরোহিত হইবে ।

কংগ্রেসের—বিশ্বজগতের প্রচারক বক্তা ( পিতা, মাতা, ভাই, ভগিনী ) বন্ধুগণ ! আর তিলার্কি বিলম্ব না করিয়া, অন্ত এই মুহূর্তেই উদ্ধিত হউন, আপনাদের স্বল্পিত বক্ষারের—বজ্র নিনাদে জগৎ

বিকল্পিত করন्,—বিশ্বমানব ধর্ম, সদাচার দীক্ষা, উপনয়ন দীক্ষা, বন্ধুচর্যা  
ও বিশ্বশাস্ত্রবিধি প্রচার করন्।

৩৭ ধারা। এই সদাচার বিধির ৩-১৯ ধারা ও ৩২-৩৬ ধারার কৃত  
অপরাধ সমূহ পুলিশের দ্রুত্বে অপরাধ গণ্য হইবে। এবং মৌজাদার \*  
ও গ্রাম্য চৌকিদার এবং টাউটুন পুলিশগণ যথাসময়ে ঈ ৩-১৯ ধারা ও  
৩২-৩৬ ধারার কৃত অপরাধ সমূহের স্বীকৃত ভাবাদের এলাকার পলিস  
খানায় জানাইতে বাধা থাকিবে। ও প্রতেক খানার পুলিশ অফিসারগণ  
ভাবাদের দ্রুত্বে অপরাধের আয়, এই সকল অপরাধের প্রথম এতেঙ্গা  
ও শেষ রিপোর্ট মাজিট্রেট বা পরগণা প্রেসিডেন্ট \* নিকট প্রেরণ পূর্বক  
মোকদ্দমা পরিচালন করিবেন।

## ৮। বিশ্বশাস্ত্র বিধি।

### হেতুবাদ।

৩৮ ধারা। যেহেতু পৃথিবীতে চিরশাস্ত্র স্থাপনার্থে—সমগ্র পৃথিবী,  
তদধীন প্রত্যেক মহাদেশ, মহাদেশাধীন প্রত্যেক দেশে, প্রত্যেক  
দেশাধীন প্রত্যেক জেলায় ও তদধীন প্রত্যেক পরগণা বা থানায় আয়  
বিচারের জন্য—স্বাধীন বিচারাদালিত প্রতিষ্ঠা,—প্রত্যেক দেশের বা  
বাজোর সৈন্য ও যুদ্ধকরণ আগ্নেয় অস্ত্রাদি রক্ষিত হওয়া ও স্বাস্থ্য  
শাসন প্রবর্তিত হওয়া আবশ্যক। তদদেশে নিম্নলিখিত নিয়মাবলী  
প্রচার পূর্বক বাসনা যে, অবিলম্বে প্রত্যেক দেশের রাজধানীতে  
প্রেসিডেন্ট কমিটী সমূহ গঠিত হইবে। এবং প্রত্যেক দেশের (দেশ  
যথা—ভারতবর্ষ, আরব, পারস্য, গ্রেটব্রিটেন, ফ্রান্স, জর্জিনী প্রভৃতি)  
রাজধানীতে সমগ্র পৃথিবীর চীফ পার্লিয়ামেন্ট বাক্স অফিসও গঠিত  
হইবে।

৩৯ ধারা। ভৌগোলিক বিভাগানুসারে—এসিয়া, ইউরোপ,  
আফ্রিকা, আমেরিকা ও ওশিয়ানিয়া এই পাঁচটি মহাদেশের প্রত্যেক  
মহাদেশে এক এক জন প্রেসিডেন্ট মনোনীত হইবে।

৪০ ধারা। এসিয়া মহাদেশের স্বাধীন-বিচারাধিকার বিশিষ্ট রাজা-

\* মৌজাদার ও পরগণা প্রেসিডেন্টের বিষয় বিশ্বশাস্ত্রবিধিতে ৫৬৫৭  
ধারায় দৃষ্টব্য।

দিগের দ্বারা অথবা তাহাদের প্রতিনিধি বা মনোনীত ব্যক্তিদিগের দ্বারা এসিয়ার রাজতন্ত্র সভা এবং ঐরূপ প্রত্যেক রাজ্যাধিকারের অজাসাধ্যাবশের পক্ষে মনোনীত ব্যক্তিদিগের দ্বারা এসিয়ার প্রজাতন্ত্র সভা গঠিত হইবে।

৪১ ধারা। উক্ত রাজতন্ত্র সভার সভ্যদিগের মনোনীত দশ জন ও প্রজাতন্ত্র সভার সভাদিগের মনোনীত দশ জন মোট কুড়ি জন মেষের দ্বারা প্রত্যেক পাঁচ বৎসরের জন এসিয়া মহাদেশের ব্যবস্থাপক সভা The Parliament of Asia গঠিত হইবে। এবং এই এসিয়া পার্লিয়ামেন্টের অধিকার্শ সভ্যের মতানুসারে উক্ত পাঁচ বৎসরের জন এসিয়া পার্লিয়ামেন্ট প্রেসিডেন্ট মনোনীত হইবে।

৪২ ধারা। মধ্যএসিয়া ভিত্তে বা লঙ্ঘানীপে উক্ত এসিয়া প্রেসিডেন্টের রাজধানী হইবে।

৪৩ ধারা। উক্ত এসিয়া পার্লিয়ামেন্ট-মহাসভা আইনের ব্যবস্থাপন বিভাগ ও বিচার বিভাগ এই তই ভাগে বিভক্ত হইবে।

৪৪ ধারা। এই বিশ্বশাস্ত্র বিধির অবিকলভাবে উক্ত পার্লিয়ামেন্ট দ্ব্যবহৃত অণালী Parliament act এসিয়া প্রেসিডেন্ট কমিটীর সেক্রেটারী বা পার্লিয়ামেন্টের কোন মেষের কর্তৃক লিখিত হইয়া প্রেসিডেন্টের অনুমোদিত মতে প্রকাশিত হইবে।

৪৫ ধারা। স্বাধীন বিচারাধিকার বিশিষ্ট রাজা, স্মাইট, প্রেসিডেন্ট কি অন্তর কোন ব্যক্তি বা কোন গভার্ণমেন্ট বর্তমান সময়ের ভাস্তু কোন মৈত্র ও আগ্রহ অন্তর্দিঃ রাখিতে পারিবেন না! কিন্তু প্রত্যেক রাজ্যের বা প্রত্যেক দেশের শাস্তি রক্ষার্থে নিযুক্তির পুলিসের বিশুণ্প পরিমাণ রিজার্ভ পুলিস রাখিবেন।

৪৬ ধারা। উক্ত রিজার্ভ পুলিসের চতুর্থাংশ দেশীয় হাইকোর্টের চিফ জন্সের অধীন, চতুর্থাংশ মহাদেশীয় প্রেসিডেন্টের অধীন ও বাকি অর্ধেক বিশ্ব স্বরাজ প্রেসিডেন্টের (চিফ প্রেসিডেন্টের) অধীন হইবে।

৪৭ ধারা। যুক্ত বিপক্ষকে বন্দী করিয়া স্ববিচার প্রদান করাই মুক্তের উদ্দেশ্য। পক্ষাপক্ষের ঘাত প্রতিঘাত বা মৃত্যু সংঘটন করা মুক্তের উদ্দেশ্য নহে। এষাবত্কাল পৃথিবীর সর্বশ্রেষ্ঠ মানবজাতি হিংস্র জন্মের

আয় যুদ্ধাদি এবং মারণাদ্বাদি উন্নাবন ও ব্যবহার দ্বারা পৃথিবীর মহা অনিষ্ট সাধন করিয়াছেন। বর্তমানে আগ্রেয় অন্দাদি প্রভাবে পৃথিবী বেন ভৌগল আগ্রেয়গিরি বা মহাবিভৌষিকাময় স্থান হইয়াছে। ইচ্ছাতে করুণাময় পরমপিতা পরমেশ্বর যৎপরোনাস্তি বাণিজ ও দুঃখিত! তাই তাহার এই আদেশবাণী তাহার প্রথম দিশবাজে প্রচাল হইবে,— শুক্রোপকরণ কামান, বাণ, অঙ্গী, গোলা, প্রভৃতি পুঁজীকৃত ভঙ্গীভূত বা অবল জলবিজলে নিষ্কেপ করিয়াও সর্বপ্রকার সাম্প্রদায়িক বাদ বিদ্যমাদ বৈয়মা ভাব বিদূরিত করিয়া, পৃথিবীর মানবজাতি এক ভাবু বস্তুনে সঞ্চালিত হইবে, পৃথিবীতে সম্পূর্ণ অনাচার বর্জিত অভিংশা সম্ম প্রতিপালিত ও আয় বিচারাদালত প্রতিষ্ঠিত হইবে। শুধু তিংব্রজন্ম \* শিকারীগণ বন্দুক ও গুলি ব্যবহার করিতে পারিবে। কিন্তু তাহা প্রাণমাশের উদ্দেশে কোন মাত্রারে প্রতি বা অভিংশক পশুপগী প্রভৃতি কোন জন্মের প্রতি নিষ্কেপ করিলে, নিষ্কেপকারীর ঘাবজ্জীবন কয়েদ হইবে।

৪৮ ধারা। পূর্বোক্ত কোন রাজা বা গভৰ্ণমেন্ট হইতে, পূর্বোক্ত কৃপে যে পরিমাণ রিজার্ভ পুলিস সংগৃহিত হইবে তাহাদের ব্যয় মেই মেই রাজা বা গবর্ণমেন্টের রাজকোষ হইতে প্রদত্ত হইবে।

৪৯ ধারা। প্রেসিডেন্ট, চিফ প্রেসিডেন্ট ও তাহাদের ব্যবস্থাপক সভার যাবতীয় ব্যয় প্রেসিডেন্টের বাধিক বজেট অনুসারে প্রত্যেকরাজ্যের বাধিক আয় হইতে শতকরা হিসাবে বা ইনকমটেক্স দ্বারা গৃহিত হইবে। এবং তাহা পালিয়ামেন্ট একটে নির্দিষ্ট হইবে।

৫০ ধারা। যে সকল বিবাদ বা মোকার্দিমায় স্বাধীন বিচারাধিকার বিশিষ্ট নৃপতি বা প্রেসিডেন্ট কেহ পক্ষভূত হইবেন, তাহার বা তাঁর কোন নির্দিষ্ট পরিমাণ তায়দাদের মোকার্দিমা বা তাহার আপীল মহাদেশীয় পালিয়ামেন্টের বিচার্যা হইবে।

৫১ ধারা। স্বাধীন বিচারাধিকার বিশিষ্ট মিত্ররাজগণ যেবা যেমে

\* \* পরাম্পরাপ্রাচী চোর ডাকাতগণ মাত্র হইলেও চুরী বা ডাকাতি করা কালীন হিংস্র জন্মকৃপে পরিগণিত হইবে। রাজপুরুষদিগের আইন সঙ্গত কর্তব্যকার্যে জোরপূর্বক বাধা প্রদানকারীগণও কন্দূপ হিংস্র জন্মকৃপে গণ্য হইবে।

রাজাৰ সঠিত মিত্ৰ ভাৰাপন্ন আছেন তদ্বৰ্কপ মিত্ৰভাৱে থাকিয়াই এবং কৰদ বৃপ্তিগণ কৰদ ভাৱে থাকিয়াই পালিয়ামেণ্ট একটোৱে অধীন হইবেন।

৫২ ধাৰা। যে সকল রাজো কেহ রাজা ন'ই, সাধাৱণ কন্তু প্রচলিত অৰ্থাৎ প্ৰেসিডেণ্ট দ্বাৰা রাজকীয় কাৰ্য্য পরিচালিত হইতেছে, তৎস্থলে সেই সামাজিক প্ৰেসিডেণ্টকেই তৎসময়েৰ স্বাধীন বিচাৱাধিকাৰ বিশিষ্ট রাজা বলিয়া বুঝিতে হইবে ও তিনি তদ্বৰ্কপ ভাৱে থাকিয়াই পালিয়ামেণ্ট একটোৱে অধীন হইবেন।

৫৩ ধাৰা। স্বাধীন বিচাৱাধিকাৰ বিশিষ্ট রাজাৰ বলিতে—স্বাধীন বিচাৱা ধিকাৰ বিশিষ্ট সন্তুষ্টি, রাজা, প্ৰেসিডেণ্ট প্ৰত্যোককেই বুঝাইবে। তাঁৰাৰা প্ৰত্যোকে স্ব স্ব রাজো প্ৰত্যোক পাঁচবৎসৱেৰ জন্তু প্ৰজা প্ৰতিনিধি দ্বাৰা ব্যবস্থাপক সভা (কাউন্সিল) গঠিত কৰিবেন। এবং রাজা বা অঞ্চল বিশেষে রাজমন্ত্ৰী কি রাজ প্ৰতিনিধি উক্ত কাউন্সিলেৰ প্ৰেসিডেণ্ট হইয়া অধিকাংশ সভ্যৱ মতানুসাৱে যাবতীয় রাজকাৰ্য্য সম্পন্ন কৰিবেন।

৫৪ ধাৰা। ভাৰত সাম্রাজ্য ভাৰত প্ৰেসিডেণ্ট বা রাজ প্ৰতিনিধিৰ অধীনে বিশ্বপৰ্বতেৰ উত্তৱাংশ পঞ্জাবদেশ, দক্ষিণাংশ—মাদ্ৰাজ দেশ ও পূৰ্বাংশ—ছোট নাগ পুৰ হইতে ব্ৰহ্মদেশ পৰ্যান্ত বঙ্গব্ৰহ্মদেশ এই তিনি ভাগে বিভক্ত হইয়া,—তিনজন গভৰ্ণৰ বা তিনি জন সাবপ্ৰেসিডেণ্টেৰ অধীন হইবে। ও ত্ৰি তিনটী দেশে তিনটী মাত্ৰ ব্যবস্থাপক সভা, তিনটী মাত্ৰ হাইকোর্ট প্ৰতিষ্ঠিত থাকিবে এবং দেশবাসীৰ সংখ্যাধিক্য অনুসাৱে দেশীয় ভাষা রাজকীয় ভাষা হইবে।

৫৫ ধাৰা। বহুকাল হইতে—বাজালা, বিহাৰ, উড়িষ্যা, আসাম ও ছেউনাগপুৰ প্ৰদেশ বঙ্গদেশ নামে প্ৰসিদ্ধ ছিল, তৎসহিত ব্ৰহ্মপ্ৰদেশ যুক্ত হইয়া—বঙ্গব্ৰহ্মদেশ নামে প্ৰসিদ্ধ হইবে। এই ছয়টী প্ৰদেশযুক্ত বঙ্গব্ৰহ্মদেশ একই ব্যবস্থাপক সভাৰ ও একই হাইকোর্টেৰ অধীন হইবে। এবং ইহাৰ সৰ্বত্রই চিৰস্থায়ী বন্দোবস্ত বিশ্বমান থাকিবে ও প্ৰদত্ত হইবে। এতদ্বৰ্কপ চিৰস্থায়ী বন্দোবস্ত মহালেৱ—প্ৰত্যোক পৱগণা বা থানাৱ গুৱাখায় বা ষে ষে মালিক জমিদাৱগণ বিশ্বমান আছেন, তাৰাদেৱ অধিকাংশেৱ মতানুসাৱে তাৰাদেৱ মধ্যেৱ কেহকে প্ৰত্যোক পাঁচ-

বৎসরের জন্য পরগণা প্রেসিডেন্ট মনোনীত করিবেন। সেই পরগণা প্রেসিডেন্ট সেই সময়ের জন্য সেই গানার এলাকার করদ রাজা গণ্য হইয়া স্বাধীন বিচারাধিকার প্রাপ্ত হইবেন ও তদ্বপুর কর্দভাবে থাকিয়াই পালিয়ামেন্ট একটের অধীন হইবেন। পৃথিবীর সর্বত্র চিরস্থায়ী নন্দোবস্ত প্রদত্ত ও পরগণা প্রেসিডেন্ট মনোনীত হইবে।

৫৬ ধারা। প্রত্যেক পরগণা প্রেসিডেন্ট—তাঁরি এলাকায় প্রত্যেক মৌজানিবাসী বা দুই তিন মৌকার অধিসাধারণের অধিকাংশের ভোটের দ্বারা কর্তব্য পরায়ণ সম্পরিত ধার্মিক কোন ব্যক্তিকে উক্ত ক্ষণ পাঁচ বৎসরের জন্য মৌজাদার নিযুক্ত করিবেন।

৫৭ ধারা। মৌজাদার তাহার মৌজার পথকর ও টেকাদি (চৌকিদারী ও ইনকম টেক্স) আদায় করিবেন। তজন্ত প্রাপক মালিকদিগের নিকট শতকরা ২৫ টাকা ফিস পাইবেন এবং ক্ষিসের ২০ টাকা মৌজার হিতকর (শিক্ষা, রাস্তা, পুল, দৈধ প্রচৰ্তি) কার্যে ব্যয় করিতে বাধ্য থাকিবেন ও ৫ টাকা মাত্র তাহার পারিশ্রমিক স্বরূপ প্রাপ্ত হইবেন।

৫৮ ধারা। মৌজাদারের কার্যের সহায়তা জন্য উক্ত ক্ষণ পাঁচ বৎসরের জন্য মৌজাবাসীদিগের অধিকাংশের ভোটের দ্বারা দুইজন বা চারিজন সহকারী মেষ্টর (সহকারী পঞ্চায়ত) মনোনীত হইবে।

৫৯ ধারা। পরগণা প্রেসিডেন্ট কোন কোন বিময়ের (দেওয়ানী, ফৌজদারী ও রেভিনিউ সংক্রান্ত) বিচারভাব মৌজাদার প্রতি অপুন করিতে পারিবেন ও মৌজাদার তাহার সহযোগীদিগের সহযোগে তাহার বিচার সম্পন্ন করিবেন। তদ্বপুর প্রত্যেক বিচারের জন্য পরগণা প্রেসিডেন্টের নিকট আপীল হইতে পারিবে। পরগণা প্রেসিডেন্টের বিচারের আপীল জেলার জজকোটে ও জেলাজেজের বিচারের আপীল প্রচলিত নিয়মানুসারে হাইকোটে হইবে।

৬০ ধারা। প্রত্যেক দেশের অন্তর্গত স্বাধীন বিচারাধিকার বিশিষ্ট রাজা, সন্ত্রাট, রাজপ্রতিনিধি, গভর্নর, প্রেসিডেন্ট কি পরগণা প্রেসিডেন্ট ও জজদিগকে সেই দেশীয় ব্যবস্থাপক সভার আইন অনুসারে যাবতীয় স্বাজকার্য নির্বাহ করিতে হইবে।

৬১ ধারা। প্রত্যেক দেশের ব্যবস্থাপক সভায় দেশবাসীর মনোনীত

একশত জন মেম্বর থাকিবে। এবং সেই দেশের রাজা কি সন্তাট বা প্রেসিডেন্ট কিম্বা রাজপ্রতিনিধি কি গভর্ণর একজন মেম্বর স্বরূপ গণ্য হইবেন ও সেই সভার অধিবায়ক থাকিবেন।

৬২ ধারা। প্রত্যেক দেশের অন্তর্গত—বহুপরগণার এলাকা বিশিষ্ট (যথা নেপাল, সিকিম, স্বাধীন ত্রিপুরা, মণ্ডুর ভঙ্গ প্রভৃতি) স্বাধীন, কর্দ, মিহুরাজাদিগের ব্যবস্থাপক সভায় সেই রাজ্যের অধিবাসীদিগের মনোনীত অন্ত্য চ জন মেম্বার থাকিবে। এবং রাজা কি রাজমন্ত্রী বা রাজপ্রতিনিধি একজন মেম্বর স্বরূপ গণ্য হইয়া ছেই সভার অধিবায়ক হইবেন। প্রত্যেক পরগণা প্রেসিডেন্টের বিচারকার্যের সহায়কার জন্য সেই থানার এলাকার অধিবাসীদিগের মনোনীত চ জন মেম্বর থাকিবে।

৬৩ ধারা। প্রত্যেক দেশের স্বাধীন বিচারাধিকার বিশিষ্ট—সন্তাট কি রাজা কি প্রেসিডেন্টকে এই সদাচাব বিধির অধিকার মতে ও সেই দেশীয় ব্যবস্থাপক সভার কৃত আইনচুসারে যাবতীয় রাজকার্য সম্পাদন করিতে হইবে, কদম্বথায় মহাদেশীয় প্রেসিডেন্ট সেই সন্তাট কি রাজা কি প্রেসিডেন্ট, কি প্রতিনিধি, কি পরগণা প্রেসিডেন্টকে পদচূত করিয়া তাহার আইন সঙ্গত ভাবী ওয়ারিশকে মেই পদে মনোনীত করিবেন।

৬৪ ধারা। কোন সন্তাট কি রাজ্যাধিকার থাকিলে স্বদেশ ভিন্ন প্রত্যেক দেশে তাহার প্রতিনিধি মনোনীত করিবেন। এবং কোন পরগণা প্রেসিডেন্ট একাধিক থানা কেন্দ্রে পরগণা প্রেসিডেন্ট মনোনীত হইলে, তিনি যে থানার এলাকায় বাস করেন, সেই থানা ভিন্ন অপর থানা কেন্দ্রে তাহার প্রতিনিধি মনোনীত করিবেন।

৬৫ ধারা। প্রত্যেক দেশের ব্যবস্থাপক সভা—আইন প্রণয়ন বিভাগ, বিচার বিভাগ, রাজস্ববিভাগ, পাবলিক বোর্ড' ও পররাষ্ট্র বিভাগ এই পাঁচ ভাগে বিভক্ত হইবে।

৬৬ ধারা। আইন প্রণয়ন বিভাগ—বিচার, রাজস্ব, পাবলিক বোর্ড' ও পররাষ্ট্র বিভাগ চতুর্থয় সংক্রান্ত যাবতীয় আইন, সারকিউলর প্রভৃতি ব্যবস্থা নির্ণয়ন প্রণয়ন ও সংশোধন করিবেন।

৬৭ ধারা। বিচার বিভাগের ছেড় অফিসার—দেওয়ানী, ফৌজদারী ও বেতিনিউ সংক্রান্ত যাবতীয় বিচারার্থে—দেশের একমাত্র হাইকোর্ট ও

তন্মিত্বে প্রত্যেক জেলায় আবশ্যিকীয় জজকেট ও তন্মিত্বে প্রত্যেক পরগণা প্রেসিডেন্ট কেট সমূহ প্রতিষ্ঠিত করিবেন। এবং বিচারক জজদিগকে ও উকীল, মোকারদিগকে নিযুক্ত ও বরপাস্তাদি করিবার অধিকার প্রাপ্ত হইবেন।

৬৮ ধারা। রাজস্ব বিভাগের হেড অফিসার—দেশের একমাত্র প্রভূর ও তন্মিত্বে প্রতি জেলায় আবশ্যিকীয় কালেক্টরদিগকে নিযুক্ত ও বরপাস্তাদি করার ভাব প্রাপ্ত হইবেন, এবং রাজস্ব বা রাজকীয় যাবতীয় প্রাপ্ত আদায়, টাকশাল ব্যাহ, আয়ব্যয়ের বছেট ও শাস্তি ইক্ষা বা প্রাণিক সংক্রান্ত যাবতীয় কার্যান্বার এই বিভাগে অধিকত হইবে।

৬৯ ধারা। পাবলিকবোর্ডে—চিট্টাঙ্কট বোর্ড, মোকাল বোর্ড, মিউনিসিপালিটি, স্থান্তা, শিক্ষা, দাতব্য চিকিৎসালায়, নৌত্বিক্ষ বিষয়ে বিশ্মানব সদাচার ধর্মপ্রচার, অন্তর্বাণিজ্য—বেল, শীঘ্ৰ, মানবাঙ্গনাদি, কৃষি, শিল্প, বিজ্ঞান, জ্যোতিষ, খনিজ প্রভৃতি বিষয়ের কান্যকাৰী অধিকত হইবে।

৭০ ধারা। পররাষ্ট্র বিভাগে—পররাজ্য বিষয়ক সাম দান বা সদি বিষয়ক ও বহিৰ্বাণিজ্য এবং স্বরাষ্ট্র ও পররাষ্ট্রের জৈবতত্ত্ব, দেশস্তত্ত্ব, পণ্ডিজ, রসায়ন, জ্যোতিষ তত্ত্বাদি ও বিশ্মানব সদাচার ধর্ম প্রচার প্রভৃতি বিশ্বাপক বিষয়ের কার্যান্বার অধিকত হইবে।

৭১ ধারা। পোষ্ট ও টেলিগ্রাফ, টেলিফোন, এৱেনিউনাদি কার্য বিভাগ চীফ প্রেসিডেন্টের অধীন হওয়া সম্ভব হইবে।

৭২ ধারা। স্বাধীন নিচারাধিকার বিশিষ্ট রাজা কি সম্মাট বা প্রত্যেক দেশের প্রেসিডেন্ট কি মহাদেশীয় প্রেসিডেন্ট রাজ্যাভিষিক্ত হইলেই, তাহার স্বাধীন ইচ্ছামতে পূর্ণ বয়স্ব ব্যক্তিকে যুবরাজ বা ভাবী রাজা কি প্রেসিডেন্ট মনোনীত করিবেন। তাহাতে মহাদেশীয় প্রেসিডেন্ট বা অন্ত কাহারো কোন সন্তুতিৰ অপেক্ষা করিতে হইবে না।

মন্তব্য—এব্যবস্থায় বাব বাব ভেট সংগ্রহের আবশ্যক হইবে না। কিন্তু একপ বুঝিতে হইবে না যে,—রাজাৰ পুত্ৰই বা প্রেসিডেন্টৰ পুত্ৰই ভাবী রাজা বা ভাবী প্রেসিডেন্ট হইবে। রাজাকে বা প্রেসিডেন্টকে দেশেৰ উপযুক্ত ব্যক্তিকেই যুবরাজ বা ভাবী প্রেসিডেন্ট মনোনীত করিতে হইবে। এবং বিংশ বৎসৱেৰ ন্যান বঁয়ক কেহ যুবরাজ বা ভাবী প্রেসিডেন্ট পদে অভিষিক্ত হইতে পারিবেন না।

৭৩ ধারা। স্বাধীন বিচারাধিকার বিশিষ্ট রাজ্যবাসী অর্থাৎ দেশীয় প্রজারা প্রচলিত আইনানুসারে যে করাদি দিতেছেন ও গাইতেছেন এবং যে ভাবে যে স্বত্ত্ব স্বামীস্তু উপভোগ করিতেছেন তাহার কোন ব্যক্তিগত হইবে না। কিন্তু এই সদাচার বিধির ও ব্যবস্থাপক সভার সংশোধিত বা প্রবর্দ্ধিত পরবর্তী আইনের বিধি সর্বতোভাবে মাননীয় হইবে।

৭৪ ধারা। মুস্লামস্তুর স্বাধীনতা সর্বত্র সকলদেশে চিরকাল অঙ্গুহি থাকিবে অর্থাৎ যে কোন লিপি পৃষ্ঠক বা সংবাদ পত্রাদি যে কোন প্রেসে মুদ্রিত হইতে পারিবে। তজজ্ঞ প্রেসের মালীদ বা প্রিণ্টার দায়ী হইবে না, লেখকমাত্র বা প্রকাশক দায়ী হইবে। এতে বিকল্পে কোন দেশে কোন রাজ্যকীয় আইন প্রবল হইতে পারিবে না।

৭৫ ধারা। চীফ প্রেসিডেণ্ট ও প্রত্যেক দেশের ব্যবস্থাপক সভা প্রত্যেক শতবর্ষ অন্তে এই সদাচার বিধির যে কোনরূপ প্রচার বা বিধান করিতে পারিবেন।

৭৬ ধারা। পূর্বোক্ত বিধি সমূহ যাহা এসিয়া মহাদেশের জন্য বিধান করা হইল, তদ্বৰ্তন বিধিমতে ইউরোপ, আফ্রিকা, আমেরিকা ও ওশিয়ানিয়া মহাদেশের জন্যও স্বতন্ত্র রূপে পার্লিয়ামেন্ট একট প্রণীত, পার্লিয়ামেন্ট গঠিত ও প্রেসিডেণ্ট মনোনীত হইবে। এবং এই প্রেসিডেণ্টের রাজধানী ইউরোপে—মুইজারল্যাণ্ড বা ইতালীতে, আফ্রিকার—মিশরদেশে আমেরিকার—মেক্সিকো বা কলম্বিয়া ও ওশিয়ানিয়ার অস্ট্রেলিয়া মহাদ্বীপে হইবে।

৭৭ ধারা। উক্ত পাঁচটী মহাদেশের পাঁচ জন প্রেসিডেণ্ট প্রত্যেকে প্রত্যেক মহাদেশ হইতে প্রতি পাঁচ বৎসরের জন্য পাঁচজন মেম্বর মনোনীত করিবেন। তদ্বৰ্তনে যে পঁচিশজন মেম্বর মনোনীত হইবে, তাহাদের অধিবাসের মতানুসারে উক্ত পাঁচ বৎসরের জন্য একজন চীফ প্রেসিডেণ্ট মনোনীত হইবেন, তিনি বিশ্ব স্বরাজ বা সমাগরা প্রথিবীর অধীশ্বর হইবেন ও উক্ত ২৫ জন মেম্বর দ্বারা তাহার মন্ত্রী সভা গঠিত হইবে।

৭৮ ধারা। উক্ত চীফ প্রেসিডেণ্টের রাজধানী—এসিয়ার দক্ষিণাঞ্চিত লক্ষ্মীবীপে যা পূর্ব প্রান্তে কোরিয়া উপন্থীপে হইবে।

৭৯ ধারা। উক্ত চীফ প্রেসিডেণ্টের মন্ত্রী সভা—আপীলের বিচার

বিভাগ ও আইনের ব্যবস্থাপক বিভাগ এবং পরবাটী বিভাগ এই তিনি  
ভাগে বিভক্ত হইবে।

৮০ ধাৰা। আইনের ব্যবস্থাপক সভায় মহাদেশীয় প্ৰেসিডেণ্টদিগের  
ব্যবস্থাপক সভার আইনের কৰ্ক্কিত বিষয়ের ও বিচাৰ্ব বিভাগে ঐক্য  
বিচাৰের আপীল হইতে পাৰিবে। এবং পৰবাটী বিভাগে সম্বিধিষ্যের  
ও পোষ্ট আফিস, টেলিগ্ৰাফ, টেলিফোন, এৱেপৰেন প্ৰতি বিষয়ক  
কাৰ্য্যভাৱ অপৰ্যাপ্ত হইবে।

৮১ ধাৰা। কোন প্ৰেসিডেণ্ট কি কোন রাজা বা সন্তুষ্টি কি অন্তৰ  
কোন ব্যক্তি কোথাৰে যুক্ত ঘোষণা বা যুক্তে লিপ্ত হইতে পাৰিবে না।  
সকল বিষয়েই—সংবাদ প্ৰচাৰ বিবাদটি বিচাৰাদালতে শীমাংসা বা চুড়ান্ত  
নিষ্পত্তি হইবে। কিন্তু কেহ চীফ প্ৰেসিডেণ্টেল আদেশ অমান্য কৰিয়া  
বা তাহার মন্ত্ৰী সভার বিচাৰ নিষ্পত্তিৰ অপেক্ষা না কৰিয়া বা অমুচৰ  
কৰিয়া স্বেচ্ছাচাৰী হইলে, কিম্বা যে কোন কাৰণেই হউক, কেহ যুক্ত  
ঘোষণা কৰিলে বা যুক্তে লিপ্ত হইলে তাহার বিৰুদ্ধে চীফ প্ৰেসিডেণ্টেৰ  
যুক্ত কৰাই অনিবার্য হইবে। এবং ঐন্দ্ৰপে কোন কাৰণে মন্ত্ৰী সভাধিষ্ঠিত  
চীফ প্ৰেসিডেণ্ট কাহারো প্ৰতি যুক্ত ঘোষণা কৰিলে কি যুক্তে লিপ্ত হইলে  
অপৰ সকলেই চীফ প্ৰেসিডেণ্টেৰ সাহায্যকাৰী হইবেন। তৎসময়ে  
কেহই নিৰপেক্ষ গণ্য হইবেন না।

মন্তব্য—(১) এই বিশ্বশাস্ত্র বিধিৰ চীফ প্ৰেসিডেণ্ট হইতে পৱণণা  
প্ৰেসিডেণ্ট পৰ্যন্ত প্ৰস্তাৱিত নিৰ্বাচন ভাৱ যাহাদেৱ প্ৰতি অপৰ্যাপ্ত  
হইয়াছে, তাহারা অগোণে তাহাদেৱ কাৰ্য্য প্ৰণালী অবলম্বন কৰিবেন;  
কেহ কাহারো কাৰ্য্যেৰ অপেক্ষায় দীৰ্ঘমুক্তী হইয়া থাকিবেন না। অৰ্থাৎ  
যাহাদেৱ প্ৰতি পৱণণা প্ৰেসিডেণ্ট নিৰ্বাচনেৰ ভাৱাপৰ্যাপ্ত হইয়াছে তাহারা  
অগোণে প্ৰত্যোক থানা কেন্দ্ৰে পৱণণা প্ৰেসিডেণ্ট ননোনীত কৰন্ত।  
যাহাদেৱ প্ৰতি দেশীয় কাউন্সিল গঠনেৰ, মহাদেশীয় প্ৰেসিডেণ্ট চীফ  
প্ৰেসিডেণ্ট নিৰ্বাচনেৰ ভাৱ অপৰ্যাপ্ত হইয়াছে, তাহারা অগোণে কদম্বপ  
কাৰ্য্যে প্ৰযুক্ত হউন। কেহই কাহারো অপেক্ষাকাৰী বা দীৰ্ঘমুক্তী  
থাকিবেন না।

(২) ভাৱতবৰ্ষেৰ প্ৰস্তাৱিত—পাঞ্জাব, মাল্বাজ ও বঙ্গত্ৰিদেশেৰ  
তিনটী কাউন্সিল গঠন জন্য অবিলম্বে কাৰ্য্যাৱস্থা কৰন্ত।

(৩) বঙ্গ ভৰ্জ দেশের প্রস্তাবিত—প্রত্যোক থানা কেন্দ্ৰে পৱণণা প্ৰেসিডেন্ট নিৰ্বাচনেৰ জন্য অবিলম্বে কাৰ্য্যাৰস্ত কৰন্ত।

৮২ ধাৰা। এই সদাচাৰ বিধি যতে প্রত্যোক দেশেৰ আইনসমূহ সংশোধিত হইয়া সংশোধিত আইনানুসৰে এবং এই সদাচাৰ বিধিৰ অনুলিখিত যাৰতীয় রাজকীয় কাৰ্য্য প্রত্যোক দেশেৰ প্ৰচলিত রাজকীয় ব্যৱস্থানুসৰে সম্পাদিত হইবে।

### সংজ্ঞাত ।

মনেৱি বাসনা শানা শবাসনা তোমায় কল্পনা,

ওমা, মানব-ধৰ্মসদাচাৰে ক'ৰনা আৱেহত্যা কল্পনা ॥

১। দেখনা, খেতে পূৰ্বে নৱবলি আইনেৰ দায় ঠেছে ছে কালী।

কিন্তু রাজাৰা সব কোন বিচাৰে কৱে যুক্তে নৱবলি ?

২। ওমা, সৈত্রাদি সব চাকৰী লোভি, তাইতে কি মা যুক্তে থাবি ?  
( তাৰা কি তোৱ সন্তান নয় মা ? )

তাৰা অবোধেৰ মন কৱমা বলী, চাকৰী ক'ৰবে অন্তৰ্জলি ॥

৩। ওমা, যুদ্ধ, ফাসি, মাংসাহাৰে, গোহত্যাদি, নৱবলি,  
ৰামবুদ্ধ কৱ রাজধাৰে,—উঠায়ে দাওমা হত্যা বলি ॥

### অন্তর্চৰ্য্য । (২)

( পূৰ্ব প্ৰকাশিতেৰ পৱ )

ডিস্ট্ৰীকট বোর্ড, লোকাল বোড প্ৰত্যুতি তাৰাদেৱ রাষ্ট্ৰাৰ উভয় পাশ্চে—আম, কাঠাল, লিচু, নারিকেল, কলা, প্ৰত্যুতি, ফলকৰ বৃক্ষাদি রোপণ কৱিলে, প্ৰচুৰ ফল উৎপাদন দ্বাৰা যথেষ্ট থাদেৱ সহায়তা হইতে পাৱে। ইহা কিয়ৎ পৱিমাণে আছে বটে, আৱো যথেষ্টক্ষেত্ৰে হওয়া আবশ্যক। গৃহী লোকেৱাও কিছু কিছু উৎপাদন কৱে বটে, কিন্তু তাৰা প্ৰয়োজন, তাৰারা আবশ্যক মত উৎপাদন কৱিলে, হাট বাজাৰিঙ্গলি লোকারণ্য ও দৰ্শন্ত্ব হইয়া উঠিত না।

ধনী, মধ্যবিংশ ও চাকুৱীজীবি শিক্ষিত ভাই ভগিনীদিগকেই প্ৰচুৰফল মূল, তৱকাৰী প্ৰত্যুতি জন্মাইবাৰ পথ প্ৰদৰ্শক হইয়া শিক্ষকতা বা শিক্ষা বিষ্টাৰ কৱিতে হইবে। তাৰাদেৱ সথেৰ বাগান, খেলাৰ মঠ, বিলাস ব্যসনেৰ প্ৰয়োদাগাৰ ফলকৰ বৃক্ষাদিতে পূৰ্ণ কৱিতে হইবে। প্ৰবাসী

চাকুরীজীবি ভাই তগিনীরা এবিষয় বড়ই উদাসীন,—তাহারা মনে করে, কখন বদলি হয়, কখন চাকুরী যায় ওসকল করিয়া লাভ কি? কিন্তু তাহারা শিক্ষিত বৃক্ষিমান,—তাহাদের ইহা হস্তবোধ হওয়া উচিত যে,—তিনি বদলি হউন বা তাহার চাকুরী যাক, তিনি এই জগৎ যাহা করিবেন; তাহা জগতের কোন না কোন বাক্তি বুন্দের মেবং বা পরিপোষণে নিয়োজিত হইবে। বিশেষতঃ “দেখাদেখি মেও নাচে” অর্থাৎ তাহারা বিলাসিতার দিকে প্রধানভিত্তি হওয়ায় তাহাদের দেখাদেখি সাধারণ লোকেও বিলাসী হইয়া পড়িয়াছে, বিলাসিতার—স্বর্ণ কালোন দেখা দেখিবে গঁ, বিশেষ ভারত, ভারতবর্ষে

উঠিয়াছে!

দশ পন্থের টাঙ্কা অয়ের লোকের পরিবারেও স্বর্ণালঙ্কার ঢাকি প্রয়োন্তি—এই মূহুর্মুহুর যাবতীর স্বর্ণালঙ্কাৰ পিটিৰা সংসারের কাণ্ডে বি পঞ্জি হওয়া উচিত।

সঞ্চয়ের পক্ষেও স্বর্ণালঙ্কার গড়া বা বাঁকে টাঙ্কা রাখা লাভ জনক নয়, উহা নিতান্তই কুরীতি ও প্রবাশোন্মুখ পন্থ। ঐ টাঙ্কা বার গো মহিয়ানি অবিদপূর্বক পালন করিলে, বাগ বাগিচা করিলে, মাছফের পাঁচিবাৰ ও সঞ্চয়ের সৰ্বোত্তম পন্থা হইতে পারে। এ সকল না করি, ফল মূল তরকারী প্রভৃতি প্রচুরক্রমে না জন্মাইলে জগতের মঙ্গল না। এ সকল না করিয়া,—মিথ্যা প্রবৃক্ষণায়, উৎকোচাদি গ্রহণে, বা তেমায় দেলায় কাটাইলে,—দরিদ্র ক্রয়কের উৎপন্ন ফল মূল তরকারী প্রভৃতি পদসার জোরে গ্রহণ করিলে—চৰ্বিশ, দুষ্কৃষ্ণ কখনও ঘুঁটিবে না, মানবজাতিৰ দ্বিশ অনিবার্য। কর্তৃপক্ষ চাকুরীজীবি ভাইদিগকে একপ কৰাৰ জন্ম পুরস্কৃত ও না কৰাৰ জন্ম দণ্ডিত কৰন্ত।

ফল মূল শস্তি তরকারী প্রভৃতি যে যে মাসে যাহা উৎপাদন, রোপণ, বপনাদি কৰিতে হয় ও প্রত্তোক মাসোপযোগী সংহিতা সাম্প্রত্য তত্ত্ব বিষয় মানুষের নিত্য প্রয়োজীব তত্ত্ব সমূহ (সাম্ভাব্য, কুরুক্ষেত্ৰী প্রভৃতি) দৃষ্টি কৰন্ত। এবং ফল মূলাদি যাহারা উৎপাদন কৰিতেছে বা অভিজ্ঞ লোকের পরামৰ্শ গ্রহণে,—উপবৃক্ত সময় শুপক কলেৱ বীজ সংগ্ৰহক্রমে ও যে সকল গাছেৱ (আম, কাঁঠাল, লেবু, জাধুকলাদিৰ) কলম বাঁধা যায়, তাহা বৰ্ধিৱ আৱত্তে (আবাঢ় মাসে) কলম বাঁধিয়া যথা সময় কৰ্তৃন পূৰ্বক—বীজ, চারা, কলম প্রভৃতি যথা সময়ে বপন,

রোপন করে তাহাতে বেড়া দেওয়া, আগাছা ঘাসাদি নিড়ান বা উৎপাটন করিয়া ফেলা, চারার গৌড়া খুড়িয়া আইল বাঁধিয়া দেওয়া, জল নিকাশের উপায় করিতে, সার দিতে ও জল সিঞ্চনাদি করিতে হইবে। বেগুন, কুমড়া, মূলা, তুলা প্রভৃতির বীজ ও চারা বাঁর সামষ্টি রোপণ ব্যবহ হইতে পারে। এ সকল হীনকর্ম বা চাষার কাজ বলিয়া ঘৃণা করিলে—আর রক্ষা পাওয়ার কেনই উপায় নাই! সকলেই করিবে আমি না করিলাম ভাবিলে কিম্বা আজ না কাল করিব ভাবিয়া দীর্ঘদূরী হইলে আর রক্ষা পাওয়ার উপায় নাই

### ভক্তি পুস্পাঞ্জলি

( ভারত বঙ্গ মণ্টেগুর মৃত্যু উপলক্ষে ১৩৩৮ সনে প্রকাশিত

শুনিদেব নাহি তুমি এ মরত ভূমে,

অশিক্ষ ধৈরয হীন ভারত বাসীর

মণ্টেগু মাকাল ! ভারতের ভাগ্য দোষে

ভাগ্য বিধাতারা ( রাজ প্রতিনিধি কিম্বা

গভার্নর ) নাহি হয়, তব মন মত,—

( শো'ভেছে কি ঐরাবত শিরে পারিজাত

পুস্পমালা, প'রেছে কি মুকুতার হার

গলে দেবতা নন্দন ? ) তাই তব নাম—

মণ্টেগু মাকাল ! কিন্তু দেব, তব দয়া

গুণগ্রাহী ( বিধাতা বক্ষিত ) এ ভারতে

রবে চিরোজ্জ্বল । যাও দেব দেবপুরে

লহ দেব, অধমের ভক্তি পুস্পাঞ্জলি ।





